


1234





Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
Hielmst. 1234 4° (LN 1668 4° copy 2)





Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
Hielmst. 1234 4° (LN 1668 4° copy 2)



Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
Hielmst. 1234 4° (LN 1668 4° copy 2)





Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
Hielmst. 1234 4° (LN 1668 4° copy 2)



Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
Hielmst. 1234 4° (LN 1668 4° copy 2)



DA. Bot

Nº 1234.



*St. Jørgen*



= LN 1668

ex 2



TRAGŌDIAE  
DVÆ, QVÆ  
RV M PRIMA DIDONIS:  
ALTERA TVRNI EX VIR,  
*gilij Æneide transcriptæ.*

à  
IACOBO IACOBÆO VOLFIO  
Orthonienſi.

*Ad Zoilum,*

Haud aliunde ſuum conſcripſit carmen Homerus,  
Carpere non tamen hunc Zoilus abſtinuit:  
Qui mihi Virgilij qui ſolos profero verſus,  
Parcere liueſcens Zoilus ille poteſt?

HAFNIÆ  
Typis Matthiæ Vinitoris.

1591.





PR



cam, qui  
 etas inter  
 Verum e  
 quin poti  
 a Virgilio i  
 reru laude  
 re, immut  
 Fateor qu  
 iustis esse  
 re : Veru  
 tam meur  
 um exam  
 iudicari  
 enim in h  
 conspici  
 lareon  
 retur :  
 bus au



ILLVSTRISSIMO  
PRINCIPI AC DOMINO, DNO. CHRIS-  
TIANO III, DANIAE & NOR-

uegiae Regi designato etc, Domino  
suo Clementissimo.



**N**on ignoro, *Serenissime PRINCEPS*,  
fore aliquos, qui hos meos labores non solum  
sint calumniaturi, qui Virgilium tanquam Ses-  
necam aut Terentium in proscenium produs-  
cam, quasi hac ratione Epicos, Tragicos & Comicos pos-  
setas inter se committere, commiscere & confundere velim:  
Verum etiam qui eosdem sint extenuaturi, quod parum  
quin potius nihil hic inueniatur & dicatur quod non prius  
à Virgilio inuentum & dictum est, ideoque non magnam me-  
rerì laudem ex probatis autoribus ita quaedam excerpere,  
immutato ordine transponere & iuventuti proponere.  
Fateor quidem & ingenuè fateor illud & facile esse & cus-  
iusius esse, neque multum industriæ & diligentiae require-  
re: Verum si homo candidus & æquitatis studiosus non  
tam meum scriptum quam scribentis animum & consili-  
um examinet, non dubito quin sincerè & dextrè de eos  
iudicarit & mitius de me censuram protulerit: Non  
enim in hunc finem has tragœdias ex Virgilio excerptas  
conscripsi, ut poëtæ amantibus eius legendi odium instil-  
laretur, aut eius methodus, qua nihil decentius improba-  
retur: sed ut eis, veluti Epitome breui pueri (adultioris  
bus autem nihil ego præcipio) ad ipsum autorem allu-  
(ij.) cerentur



cerentur & inuitarentur. Utile quidem est & necessarium integros autores legere & ad minimum apicem, si fieri possit, perdiscere & memoriæ mandare: tamen non minus utile est, certum modum & viam, qua ad eosdem legendos & discendos tyrones veluti *χεραγωγία* perducantur, cognitam habere. Via autem discendi nulla potest esse commodior, quàm certa methodus, & quò ea breuior, eo facilior discendi fuerit ratio. Impossibile enim est aliquē sine methodi cognitione, rei quæ tractatur cognitionem assequi posse: siquidem illa non tam materiæ seriem & tractationem monstrat quàm materiæ subiectæ argumentum edocet & ostendit. Sed quò hæc de methodo? Ut virtutes & utilitates compendij appellationem & naturam methodi planè communicantis, conspiciantur, quod non solum ipsa methodi Etymologia conuincit, sed etiam Quintiliani autoritas illam iam olim breue compendium vertentis cuilibet facile persuadet, verùm non est mei instituti methodi aut compendij virtutes hic vel le omnes contexere, sed tantum hoc vnum monere: Compendium breuitate sua interdum id præstare, quod non integrum, cuius illud est compendium, corpus, quod intelligi potest ex vno Horatio breuitatem his verbis commendante.

Quicquid præcipies, esto brevis: Ut citò dicta

Percipiant animi dociles, teneantq; fideles.

Ut autem breuitas intelligentiæ & memoriæ multum prodest, ita prolixitas eisdem maxime obest, quare Aristoteles ipse in sua poetica breuem orationem & doctrinam corpori benè conspicuo ita comparat: Ut corpus mediocri magnitudine præditum *ἐνσώπιον* est: Ita omnis oratio & doctrina brevis *ἐνμυθία* & *ἐνμνημονεύσιμος* est, inter doctrinam breuem atq; intellectum & memoriam nostram  
proportio



proportio quædam est, vt inter corpus quod cōspici potest quale est mediocre, & oculum; Vnde & eiusmodi res quæ breuiter traditæ sunt non solum facile sed etiam cum voluptate percipiuntur, non aliter atq̃ cibus moderatè sumptus à ventriculo auidius arripitur & facilius concoquitur, cum econtrà res prolixius traditæ maximum adferant tædium: testis est ipsa experientia; hinc enim est, quòd discētes animum de autoribus prolixis, aliàs satis bonis & vtilibus non modò intelligendis sed ne legendis sæpius despondeant, hinc est, quòd docentes autores quos in manus explicandos sumpserant, ad finem interdum non perducant & absoluant.

Non igitur ineptè Callimachus prolixum librum ingenti malo comparat μέγα βιβλίον ἴσον μεγάλῳ κακῷ; Quinetiam verisimile est, græcos communi prouerbio ex iliade opere immenso & satis prolixo Homeri mutuato & deprompto, ingentia & innumera mala expressisse, quod postea apud Latinos percrebuit, vt non secus atq̃ illi ἰλιάδῃ κακῶν: Ita hi ILIAS Malorum dicant. Quos circa aurea illa mediocritas, si vsquam alibi, etiam hic merito prædicanda est, de qua notum est illud Hesiodi πλείον ἢ γμοῖον παντός, quod pueris & primùm incipientibus hoc nomine commendari debet, vt animaduertant & perpendant parua compendia non carere magnis commoditatibus: & multò satius esse dimidium idq̃ vtilissimum excerpere & seruare quàm totum amittere.

His rationibus motus verius ex Æneide selectos in Epitomen & compendium redegī, quò aliquem fructum ex illa mei discipuli percipere & auferre possent, cum prolixior sit, quàm vt paucorum annorum spacio absolueretur, præsertim ex huius scholæ conditione, vbi tota fere schola per anni quadratē quotannis dimittitur, dum scholares

( iij )

lares



lares tenuioris conditionis pro more qui iam dudum in  
hoc Noruegiæ regno inoleuit, Eleemofynas in literarum  
subsidium ruri parochiatim sollicitè quærunť & colligunt.

Quapropter homines sinceros hanc meam qualemcunq;  
voluntatem boni consulturos, & in meliorem partem pro  
ingenij candore interpretaturos spero.

Quod methodum hanc attinet, idem vt faciant peni-  
tus mihi polliceor. Quamuis enim alia via & ordine epi-  
tome hæc non incommodè posset formari: nihilominus  
tamen hanc probatum iri & haud iustè reprehendi posse  
confido, non tam subiectæ poësis materia & argumento,  
quàm eiusdem œconomia & contextu adductus. Tota  
materia non solum propter finem & lugubrem exitum,  
sed etiam propter illustres heroas, principes personas, re-  
ges, reginas atq; duces, de quibus hic agitur, tragica est.

Proinde ipse Virgilius in sua *Æneide* verbis adeo atro-  
cibus, quoties id rei natura efflagitat vtitur, vt nemo du-  
riores affectus diligentius & accuratius illo expreſſerit:  
quanquam enim sunt reconditi animorum motus qui sub  
sensus non veniunt; tamen eos nostris oculis ita subijcit, vt  
non narrati sed positi ante eos videantur, qua virtute tra-  
gicos scriptores antecellit. Quinetiam quæ heroibus ira  
commotis attribuit ita naturæ sunt conformia, vt post tot  
secula hominum moribus, institutis & viuendi ratione eusq;  
adeo mutatis, ætati etiamnum nostræ verba eius senten-  
tiæ & colloquia sint consentanea: Vnde hoc illius poëma  
nihil aliud quàm humanæ vitæ quam modò viuimus pi-  
ctura videatur: qua de causa tam longam diuturnitatem fa-  
cile sustinuit, & per tot secula non solum auctoritatem vetu-  
statis, sed etiam nouitatis gratiam conseruauit cùm vnus  
quoq; recens videatur. Cæterum quantum poëmatís *olwe*  
*taxp* & œconomiam attinet, non solum ipse autor *Æneis*  
da



da ita conscripſiſſe videtur, vt commodè in actus formari  
& in theatrum produci poſſit: verum etiam virtutes nar-  
rationis tragicæ vt quiſquam alius, quam ſtudioſiſſimè  
obſeruat. Quæ enim minus honeſtè in ſpectatorum ocu-  
los venire poſſunt narrando commemorat iuxta præcep-  
tum poëtæ non tamen intus

Digna geri promes in ſcenam, multaq; tolles

Ex oculis, quæ mox narret facundia præſens.

Ita triſtiſſimum Didonis exitum pyram incenſam conſcen-  
dentis, in domo interiore factum narrat. Idem, vbi Ama-  
ta coniunx Latini manus violentas ſibi intuliſſet, facit. Eſt  
igitur veriſimile Virgilium non eo conſilio ſuam Æneida  
ſcripſiſſe vt priuatim legeretur: ſed vt illa populo Romano  
non ſecus atq; Ilias Homeri Athenienſibus publicè & ſo-  
lenniter recitata fuit, etiam exhiberetur & probaretur,  
quod etiam Donatus affirmat aliquando factum, idq; ita,  
vt plurimum fauoris & gratiæ autori Virgilio conciliarit  
apud populum Romanum, qui auditis in theatro ver-  
ſibus illius ſurrexit vniuerſus & fortè præſentem ſpectân-  
temq; Virgilium veneratus eſt velut Auguſtum. Poſtre-  
mo nulla methodus non ſolum puerili ſed omni ætati ap-  
tior & commodior eſſe poteſt, quam ea quæ in actione  
& imitatione conſiſtit græcis *ὑποκρίματα* dicta, cuius ge-  
neris ſunt dialogi ſiue colloquia: & Tragediæ atq; Come-  
diæ: quæ enim hac via docentur citius in ſenſus incurrunt,  
facilius intellectu comprehenduntur & memoria conſer-  
uantur: Vt enim res aliquandò conſpecta memoriæ citius  
conſecratur, quàm nuda rei aliàs geſtæ auditio, ita viſa actio  
ſpectatorum memoriæ tenaciùs inſidit quam nuda actus  
narratio, de qua re Horatius.

Segnius irritant animos demiffa per aures

Quàm quæ ſunt oculis ſubiecta fidelibus, & quæ  
ipſe



Ipse sibi tradit Spectator.

Vnde consentaneum est, eiusmodi docendi methodum simplici rerum gestarum expositioni & narrationi tantum quantum rei visæ audita postponitur, præferendam esse. Quamobrem Philosophorum gravissimus Plato omnem suam doctrinam dialogis exposuit, cuius vestigia non pauci imitati sunt docti homines. Verùm ut reliquos præteream quid aliud est Virgiliana Æneis quàm perpetui sermones nunc Deorum cum Deis & Deabus, ut Iouis cum Mercurio, Venere & Iunone &c. nunc hominum cum hominibus ut Æneæ cum Didone, Euandro, Palante, Latino, Turno, Mezentio &c. Quinetiam Deæ humana forma induta homines ad colloquia hic euocant, Venus filium Æneam, Iuturna fratrem Turnum & Rutulos. Et quia colloquia hæc non casu & temerè, sed pro ratione rerum ordine gestarum instituuntur, non inconuenienter in actus & scenas redigi & distribui possunt, præsertim cum omnia vnum Æneam negotium nunc cum Didone, nunc cum Latino Turno & Mezentio habentè respiciant, quod in hisce Tragediis tanquam in Pictura oculis subiecta contemplari licet. Spero igitur aliquos fore qui hos meos conatus Virgilium in proscenium producendo boni sint consulturi, cum non alio animo proficiscantur, quàm ut puerili ætati utrunq; inservire, & talentum à Deo mihi commissum aliquo cum fœnore reddere possim. Tuæ verò celsi, illustri nomini, Serenissime Princeps hanc σὺν ὅλῳ offero & inscribo, non quòd ego velim imprudenter monere quid ad tam illustris principis institutionem faciat: sed saltem ut me iam multos annos labores scholasticos subeuntem in celsitudinis T. patrocinium committam, firmiter mihi pollicens aliquando aliquem eorum laborum & molestiarum fructum securum. DEVS Omnipotens C. T. ætatem atq; indolem conseruet & gubernet in sui nominis gloriam & indigentis Ecclesiæ salutem. Aloisæ Dominica Trinitatis, Anno Christi 1590

Celsitud. T. deditissimus & subiectiss.

Iacobus Iacobæus Volsius Ludimod, Aloisensis



# ARGVMENTVM

**D** Rojanas vt opes & lamentabile regnum  
Eruerint Danai, nulli pietate secundus  
Troius Aeneas afflictis fugit ab oris  
Italiam fato quærens; Sed pressus iniquæ

Ira Iunonis, terris iactatus & alto  
Septenos Siculis annos errauit in undis.

Hunc mater Cytherea dolentem & fata querentem  
Demulcet, dictis & eum solatur amicis:

Acceleret Tyriam Didonem & Agenoris urbem  
Admonet, atq; hinc se Reginae ad limina perfert  
Aeneas. Troiæ Dido miserata labores  
Non ignara mali, simul ipsum in regia ducit  
Tecta. Venus mater sed prole cupidine misso  
Incendit reginam, atq; ossibus implicat ignem.

At regina graui iam dudum saucia cura  
Vulnus alit venis & cæco carpitur igni.  
Multa viri virtus animo, multusq; recursat  
Gentis honos, hærent infixi pectore vultus  
Verbâq; nec placidam membris dat cura quietem,  
Aeneæ properat sociali fœdere iungi.

Sidoniam miseré vt Saturnia vidit amantem  
Aneam, Venerem compellat & impetrat astu  
Tristia Didoni furtiue gaudia noctis.

Rex Lybiæ Iarbas miro properabat amore

A

Ducere



Ducere Didonem; at rumore accensus amaro  
Connubij, ante Iouis prostratus supplicat aras.

Audyt omnipotens oculosq; ad mœnia torsit  
Regia, & oblitos famæ melioris amantes:

Mercurium mittit Tyrys ut cedat ab oris

Æneas, Italos potius sibi vindicet armis.

Attonitus tanto monitu imperioq; Deorum

Ardet abire fuga, dulcesq; relinquere terras.

At regina dolos cognoscens prima futuros

Flectere mille modis conatur abire parantem

Nunc prece nunc lachrymis, sed nullis ille mouetur.

Quocirca infelix fati exterrita Dido

Mortem orat, tædet cæli conuexa tueri.

Conscendit furibunda rogos, ensemq; reclusum

Dardanio minitans, languente in pectore condit.

## INTERLOCUTORES

Æneas Troianus

Ascanius filius

Achates comes laborum

& consiliorum Æneæ

Ilioneus orator

Iupiter Deus

Mercurius nuncius Deorum

Neptunus Deus maris

Æolus Deus ventorum

Venus mater Æneæ

Iuno Dea

Dido regina Carthag:

Anna soror Didonis

Iarbas procus Didonis

Chorus

## ACTVS



# ACTVS PRIMVS

## Scena prima

**Æ**Nea in Siciliam Italiæ vicinam deueniente Iuno ex  
candescens Æolum ventorum regem de tempestate  
Æneæ perniciem sollicitat.

Iuno. Æolus. Chorus.

Iuno. mene incepto desistere victam? Æneid: 1  
Nec posse Italia Teucrorum auertere regem?  
Quippe vetor fatis. Pallas ne exurere classem  
Argiūm, atq; ipsos potuit submergere ponto,  
Vnius ob noxam & furias Aiæis Oilei?  
Ipsa Iouis rapidum iaculata è nubibus ignem,  
Disiecitq; rates, euertitq; æquora ventis.  
Illum expirantem transfixo pectore flammæ  
Turbine corripuit, scopulôq; infixit acuto.  
Ast ego quæ Diuum incedo regina Iouisq;  
Et soror & coniunx, vna cum gente tot annos  
Bella gero, & quisquam numen Iunonis adoret  
Præterea? aut supplex aris imponat honorem?  
Æole, (namq; tibi Diuum pater atq; hominum Rex  
Et mulcere dedit fluctus & tollere ventos)  
Gens inimica mihi Tyrrhenum nauigat æquor  
Illum in Italiam portans, victosq; Penates.  
Incute vim ventis submersasq; obrue puppes:  
Aut age diuersas & disyce corpora Ponto:

A 2

Sunt



Sunt mihi bis septem præstanti corpore Nymphæ,  
Quarum quæ forma pulcherrima Deiopejam  
Connubio iungam stabili propiamq; dicabo,  
Omnes ut tecum meritis pro talibus annos  
Exigat & pulchra faciat te prole parentem.

*Æol.* Tuus, ô regina, quod optas  
Explorare labor, mihi iussa capeffere fas est.

Tu mihi quodcunq; hoc regni tu sceptrâ, Iouemq;  
Conciliâs, tu das epulis accumbere Diuum  
Nimborumq; facis, tempestatumq; potentem.

*Chor.* Venti velut agmine facti  
Qua data porta ruunt, & terras turbine perflant.

Incubere mari, totumq; à sedibus imis  
Vna Eurûsq; Notûsq; ruunt, creberq; procellis  
Africus, & vastos voluunt ad littora fluctus.  
Insequitur clamorq; virûm, stridorq; rudentum.  
Eripiunt subitò nubes cœlumq; diemq;  
Teucrorum ex oculis, Ponto nox incubat atra,  
Intonuere poli, & crebris micat ignibus æther,  
Præsentemq; viris intentant omnia mortem.

Scena 2.

O Borta subita & vehementi tempestate, Æneas suam  
vicem plorat.

*Æneas.*

*Æne.*



*Æne,* *ô terq; quaterq; beati*  
Queis ante ora patrum Troiæ sub mœnibus altis  
Contigit oppetere; ô Danaum fortissime gentis  
Tydide, mene Iliacis occumbere campis  
Non potuisse? tuâq; animam hac effundere dextra?  
Sæuus vbi Æacida telo iacet Hector, vbi ingens  
Sarpedon, vbi tot Simois correpta sub undis  
Scuta virum, galeasq; & fortia corpora voluit.

*Scena 3.*

**N**eptunus miseratus vicem Æneæ increpat ventos eos  
rumq; regem Æolum.

*Neptunus, Chorus.*

*Nep.* Tantane vos tenuit generis fiducia vestri?  
Iam cælum terramq; meo sine numine venti  
Miscere & tantas audetis tollere moles?  
Quos ego; sed motos præstat componere fluctus.  
Maturate fugam, regiq; hæc dicite vestro,  
Non illi imperium pelagi, sæuumq; tridentem  
Sed mihi sorte datum, tenet ille immania saxa  
Vestras Eure domos, illa se iactet in aula  
Æolus, & clauso ventorum carcere regnat.  
*Chor.* Ac veluti magno in populo, cum sæpe coorta est  
Seditio, sæuitq; animis ignobile vulgus;

*A 3.*

*Iamq;*



Iamq; faces & saxa volant, furor arma ministrat.  
Tum pietate grauem & meritis si fortè virum quem  
Conspexere: silent arrectisq; auribus astant:  
Ille regit dictis animos & pectora mulcet:  
Sic cunctus pelagi cecidit fragor, æquora postquam  
Prospiciens genitor, cælog; inuectus aperto  
Flectit equos, curroq; volans dat lora secundo.

Scena 4.

**Æ**neas suos Troianos solatur, & ne vno casu fracti  
animum despondeant, hortatur:

*Æneas. Chorus.*

*Æne. O socij ( nèq; enim ignari sumus ante malorum )  
O passi grauiora dabit Deus his quoq; finem.  
Vos & Scyllæam rabiem, penitusq; sonantes  
Accestitis scopulos, vos & Cyclopia saxa  
Experti, reuocate animos, mæstumq; timorem  
Mittite, forsan & hæc olim meminisse iuuabit.  
Per varios casus, per tot discrimina rerum  
Tendimus in Latium, sedes vbi fata quietas  
Ostendunt: illic fas regna resurgere Troiæ.  
Durate, & vosmet rebus seruate secundis.  
Chor. Curis ingentibus æger  
Spem vultu simulat, premit altum corde dolorem.*

ACTVS



ACTVS SECVNDVS.

Venus cum Ioue expostulat, qui promissi sui immemor  
Æneam & reliquos Troianos sinit tam tristia fata  
perpeti antequam in Italiam veniant. Verum Iupiter eam  
solatur spem illi faciens Æneæ imperium amplissimum ali  
quando fore, etiamsi prima fortunæ facies nonnihil tri  
stis appareat.

Venus. Jupiter.

Venus.                      ô qui res hominumq; Deumq;  
Æternis regis imperijs & fulmine terres,  
Quid meus Aneas in te committere tantum?  
Quid Troes potuerunt? quibus tot funera passis  
Cunctus ob Italiam terrarum clauditur orbis?  
Certè hinc Romanos, olim voluentibus annis,  
Hinc fore ductores reuocato à sanguine Teucris,  
Qui mare, qui terras omni ditione tenerent  
Pollicitus, quæ te genitor sententia vertit?  
Hoc equidem occasum Troiæ, tristeſq; ruinas  
Solabar, fatis contraria fata rependens.  
Nunc eadem fortuna viros, tot casibus actos  
Insequitur, quem das finem Rex magne laborum?  
Antenor potuit medijs elapsus Achivis  
Illyricos penetrare sinus, Atq; intima tutus  
Regna Liburnorum & fontem superare Timauri;

Vnde



*Vnde per ora nouem vasto cum murmure montis  
 It mare præruptum, & pelago premit arua sonanti:  
 Hinc tamen ille urbem Pataui sedesq; locauit  
 Teucrorum, & genti nomen dedit, armaq; fixit  
 Troia: nunc placida compositus pace quiescit:  
 Nos tua progenies, cæli quibus annuis arcem,  
 Nauibus (infandum) amissis, vnius ob iram  
 Prodimur, atq; Italis longè disiungimur oris.  
 Hic pietatis honos? sic nos in sceptrâ reponis?  
 Iup. Parce metu Cytherea manent immota tuorum  
 Fata tibi: cernes urbem & promissa Lauini  
 Mœnia, sublimemq; feres ad sidera cæli  
 Magnanimum Æneam: neq; me sententia vertit.  
 Hic (tibi fabor enim, quando hæc te cura remordet  
 Longius & voluens fatorum arcana mouebo)  
 Bellum ingens geret Italia, populosq; feroces  
 Contundet, moresq; viris & mœnia ponet:  
 Tertia dum Latio regnantem viderit æstas,  
 Ternaq; transierint Rutulis hyberna subactis  
 At puer Ascanius, cui nunc cognomen Iulo  
 Additur, (Ilus erat dum res stetit Ilia regno)  
 Triginta magnos voluendis mensibus orbes  
 Imperio explebit, regnumq; à sede Lauini  
 Transferet, & longo multa vi muniet Albam.  
 Hic iam ter centum totos regnabitur annos  
 Gente sub Hectorea: donec regina sacerdos*

*Marte*



Marte grauis geminam partu dabit Ilia prolem.  
Inde lupæ fuluo nutricis tegmine lætus  
Romulus excipiet gentem & Mauortia condet  
Mœnia, Romanosq; suo de nomine dicet.  
His ego nec metas rerum, nec tempora pono:  
Imperium sine fine dedi, quin aspera Iuno  
Quæ mare nunc, terrasq; metu cælumq; fatigat  
Consilia in melius referet, mecumq; fouebit  
Romanos rerum dominos, gentemq; togatam.  
Cho. Hæc ait & Maia genitum dimisit ab alto  
Vt terræ atq; nouæ pateant Carthaginis arces  
Hospitio Teucris, ne fati nescia Dido  
Finibus arceret, volat ille per aëra magnum  
Remigio alarum, ac Lybiæ citus astitit oris.  
Et iam iussa facit, ponuntq; ferocia Pœni  
Corda, volente Deo, in primis regina quietum  
Accipit in Teucros animum, mentemq; benignam.

Scena 2.

Venus habitu Spartanæ virginis assumpto cum filio colloquitur, commonefaciens ipsum de occasione & origine regni Carthaginensium: & fata querentem consolans ad Didonem vt diuertat, hortatur. Æneas verò se cum matre locutum cognito in exclamationem prorumpit eiusq; dictis paret.

B

Venus.



*Venus. Aeneas.*

*Ven.* Heus, iuuenes, monstrate mearum  
Vidistis, si quam hîc errantem fortè sororum,  
Succinctam pharetra, & maculose tegmine lyncis,  
Aut spumantis apri cursum clamore prementem.

*Æn.* Nulla tuarum audita mihi, neq; visa sororum,  
O quam te memorem virgo? namq; haud tibi vultus  
Mortalis, nec vox hominem sonat: ô Dea certè,  
An phœbi soror, an Nympharum sanguinis una?  
Sis felix, nostrumq; leues quæcunq; laborem:  
Et quo sub cælo tandem, quibus orbis in oris  
Iactemur, doceas: ignari hominumq; locorumq;  
Erramus vento huc vastis & fluctibus acti.  
Multa tibi ante aras nostra cadet hostia dextra.

*Ven.* Haud equidem tali me dignor honore:  
Virginibus Tyrijs mos est gestare pharetram,  
Purpureoq; alte suras vincere Cothurno.  
Punica regna vides, Tyrios & Agenoris urbem:  
Sed fines Lybici, genus intractabile bello,  
Imperium Dido Tyria regit vrbe profecta  
Germanum fugiens: longa est iniuria, longæ  
Ambages, sed summa sequar fastigia rerum.

Huic coniunx Sichæus erat ditissimus agri  
Phœnicum & magno misere dilectus amore:  
Cui pater intactam dederat, primisq; iugarat

*Omnibus*

Omnib  
Pygn  
Quos  
Impi  
Clam  
Germ  
Multa  
Ipsa sed  
Coniugi  
Crudele  
Nuda  
Tam ce  
Auxiliu  
The sauro  
His com  
Conueni  
Aut met  
Corripim  
Pygmal  
Deuener  
Mœnia  
Mercati  
Taurino  
Sed vos  
Quom  
Æn.



*Omibus, sed regna Tyri germanus habebat  
Pygmalion, scelere ante alios immanior omnes  
Quos inter medius venit furor, ille Sichæum  
Impius ante aras, atq; auri cæcus amore  
Clam ferro incautum superat, securus amorum  
Germanæ: factumq; diu cœlauit & ægram  
Multa malus simulans vana spe lusit amantem.  
Ipsa sed in somnis inhumati venit imago  
Coniugis, ora modis attollens pallida miris,  
Crudeles aras, traiecitq; pectora ferro  
Nudauit, cæcumq; domus scelus omne retexit.  
Tum celerare fugam, patriâq; excedere suadet,  
Auxiliumq; viæ veteres tellure recludit  
Thesauros, ignotum argenti pondus & auri.  
His commota fugam Dido sociosq; parabat.  
Conueniunt quibus aut odium crudele Tyranni,  
Aut metus acer erat: naueis quæ fortè paratæ,  
Corripiunt onerantq; auro: portantur auari  
Pygmalionis opes pelago: dux fœmina facti,  
Deuenerè locos, vbi nunc ingentia cernes  
Mœnia, surgentemq; nouæ Carthagini arcem:  
Mercatiq; solum, facti de nomine Byrsam,  
Taurino quantum possunt circumdare tergo.  
Sed vos qui tandem? quibus aut venistis ab oris?  
Quoue tenetis iter?  
Æn. O Dea, si prima repetens ab origine pergam*

*B 2.*

*Et*



Et vacet anales nostrorum audire laborum,  
Ante diem clauso componet vesper olympo.  
Nos Troia antiqua (si vestras sorté per aures  
Troiae nomen igit) diuersa per aequora vectos  
Forte sua Lybicus tempestas appulit oris.  
Sum pius Aeneas, raptos qui ex hoste penates  
Classe vebo mecum fama super aethera notus.  
Italiam quero patriam, & genus ab Ioue summo.  
Bis denis Phrygium conscendi nauibus aequor,  
Matre Dea monstrante viam, data fata secutus.  
Vix septem conuulsæ undis, Euroq; supersunt.  
Ipse ignotus, egens Lybie deserta peragro,  
Europa atq; Asia pulsus.  
Ven. Quisquis es, haud credo inuisus cœlestibus auras  
Vitales carpis, Tyriam qui adueneris urbem.  
Perge modò, atq; hinc te reginæ ad limina perfer.  
Namq; tibi reduces socios classemq; relictam  
Nuncio, & in tutum versis Aquilonibus actam:  
Ni frustra augurium vani docuere parentes.  
Aspice bis senos letantes agmine Cygnos  
Æthera quos lapsa plaga Iouis ales aperto  
Turbabat cœlo: nunc terras ordine longo  
Aut capere, aut captas iam despectare videntur.  
Vt reduces illi ludunt stridentibus alis,  
Et cœtu cinxere polum, cantumq; dedere:  
Haud aliter puppesq; tuæ pubesq; tuorum

Aut



*Aut portum tenet , aut pleno subit ostia velo,  
Perge modò , & qua te ducit via , dirige gressum.  
Æn. Quid natum toties crudelis tu quoq; falsis  
Ludis imaginibus ? cur dextræ iungere dextram  
Non datur ? ac veras audire & reddere voces ?*

*Scena 3.*

**I**Lioneus orator afflictis Troianis à Didone hospitium petit , quod ubi beneuolens obtulit Dido , Æneas iam pridem opera matris inconspicuus se ostendit , reginæ plus rimas gratias referens.

*Ilioneus. Dido. Æneas. Achates. Chorus.*

*Ilion. O regina nouā cui condere Iupiter urbem ,  
Iusticiāq; dedit gentes frænare superbas ,  
Troes te miseri , ventis maria omnia vecti ,  
Oramus , prohibe infandas à nauibus igneis.  
Parce pio generi , & propius res aspice nostras.  
Non nos aut ferro Lybicos populare Penates  
Venimus , aut raptas ad littora vertere prædas :  
Non ea vis animo , nec tanta superbia victis,  
Est locus , Hesperiam Graij cognomine dicunt ,  
Oenotrij coluere viri , nunc fama minores  
Italiam dixisse , ducis de nomine gentem  
Hic cursus fuit.*

*B 3.*

*Cum*



Cum subito assurgent fluctu nimbosus Orion  
In vada cæca tulit, penitusq; procacibus austris,  
Perq; undas superante salo, perq; inuia saxa  
Dispulit: huc pauci vestris adnauius oris.  
Quod genus hoc hominum, quæue hunc tam barbara morē  
Permittit patria: hospicio prohibemur arenæ?  
Bella cient, primaq; vetant consistere terra.  
Si genus humanum & mortalia temnitis arma:  
At sperate Deos, memores fandi atq; nefandi.  
Rex erat Aeneas nobis, quo iustior alter  
Nec pietate fuit, nec bello maior & armis  
Quem si fata virum seruant, si vescitur aura  
Ætherea, nec adhuc crudelibus occubat umbris:  
Non metus, officio nec te certasse priorem  
Pœniteat: sunt & Siculis regionibus vrbes,  
Armaq;, Troianoq; à sanguine clarus Acestes.  
Quassatam ventis liceat subducere classem,  
Et syluis aptare trabes & stringere remos,  
Si datur Italiam, socijs & rege recepto,  
Tendere, vt Italiam leti Latiumq; petamus.  
Sin absumpta salus, & te, pater optime Teucrum,  
Pontus habet Lybiæ, nec spes iam restat Iuli:  
At freta Sicaniæ saltem: sedesq; paratas  
Vnde huc aduecti, regemq; petamus Acestem.  
Did. Soluite corde metum Teucri, secludite curas,  
Res dura & regni nouitas me talia cogunt

Moliri,



Moliri, & latè fines custode tueri.  
Quis genus Aeneadum? quis Troiae nesciat urbem?  
Virtutesq; virosq; aut tanti incendia belli?  
Non obtusa adeò gestamus pectora Panni,  
Nec tam auersus equos Tyria sol iungit ab urbe,  
Sen vos Hesperiam magnam Saturniaq; arua  
Sive Eryci fines, regemq; optatis Acestem,  
Auxilio tutos dimittam opibusq; iuuabo.  
Vultis & his mecum pariter considerare regnis?  
Urbem quam, statuo vestra est, subducite naues,  
Tros, Tyriusq; mihi nullo discrimine agetur.  
Atq; utinam Rex ipse, Noto compulsus eodem  
Afforet Aeneas; equidem per littora certos  
Dimittam, & Libyæ lustrare extrema iubebo,  
Si quibus eiectus syluis aut urbibus errat.  
Ach. Nate Dea quæ nunc animo sententia surgit?  
Omnia tuta vides, classem sociosq; receptos.  
Vnus abest, medio in fluctu quem vidimus ipsi  
Submersum; dictis respondent cætera matris.  
Æne. Coram, quem quæritis, adsum  
Troius Aeneas Libycis ereptus ab undis,  
O sola infandos Troiae miserata labores,  
Quæ nos relinquiās Danaum, terraq; marisq;  
Omnibus exhaustos iam casibus, omnium egenos,  
Urbe, domoq; socias, grates per soluere dignas  
Non opis est nostræ, Dido; nec quicquid ubiq; est

Gentis



Gentis Dardaniæ, magnum quæ sparsa per orbem,  
 Dij tibi, si qua pios respectant numina: si quid  
 Usquam iusticiæ est, & mens sibi conscia recti,  
 Præmia digna ferant: quæ te tam læta tulerunt  
 Secula, quæ tanti talem genuere parentes?  
 In freta dum fluuij currant, dum montibus vmbrae  
 Lustrabunt, conuexa polus dum sidera pascet,  
 Semper bonos nomenq; tuum laudeq; manebunt  
 Quæ me cunq; vocant terræ.  
 Dido. Quis te nate Dea per tanta pericula casus  
 Insequitur? quæ vis immanibus applicat oris?  
 Tunc ille Aeneas quem Dardanio Anchisæ  
 Alma Venus Phrygiæ genuit Simoentis ad undam?  
 Atq; equidem Teucrum memini Sidona venire,  
 Finibus expulsum patrijs, noua regna petentem  
 Auxilio Beli: genitor tum Belus optimam  
 Vastabat Cyprum, & victor ditione tenebat.  
 Tempore iam ex illo casus mihi cognitus vrbis  
 Troianæ, nomenq; tuum, regesq; pelasgi,  
 Ipse hostis Teucros insigni laude ferebat,  
 Sequitur antiqua Teucrorum à stirpe volebat.  
 Quare agite ô iuuenes tectis succedite nostris.  
 Me quoq; per multos similis fortuna labores  
 Lactatam, hac demum voluit consistere terra.  
 Non ignara mali miseris succurrere disco.

Dido



Dido hæc dicens Æneam in regiam ducit. Æneas verò Achatem clanculum ad Ascanium mittit, ut eum læticiæ paternæ participem faciat, & donorum quibus Didoni gratificandum esset, commonefaciat, quod chorus narrat.

*Chor. Æneas (neq̃ enim patrius consistere mentem  
Passus amor) rapidum ad naueis præmittit Achatem,  
Ascanio ferat hæc, ipsumq̃ ad mœnia ducat.  
Omnis in Ascanio chari stat cura parentis.  
Munera prætereà Iliacis erepta ruinis  
Ferre iubet, pallam signis auroq̃ rigentem,  
Et circumtextum croceo velamen achanto.  
Ornatus Argivæ Helenæ: quos illa Mycenis,  
Pergama cum peteret, inconcessosq̃ hymineos,  
Extuleret, matris Lædæ mirabile donum.  
Prætereà sceptrum, Ilione quod gesserat olim  
Maxima natarum Priami: colloq̃ monile  
Baccatum, & duplicem gemmis auroq̃ coronam.*

*Scena 4.*

**V**ENUS hospitium Didonis filio in perniciem cessurum verita, Cupidinem instruit ut Ascanij forma induta, dona offerat Didoni eiq̃ Æneæ amorem osculo instillet, intereà dum ipsa Ascanium somno remoretur.

*Venus. Chorus.*  
*C*

*Nate*



Nate mea vires mea magna potentia solus ,  
 Nate , patris summi qui tela Tiphoea temnis ,  
 Ad te confugio & supplex tua numina posco ,  
 Frater ut Aeneas pelago tuus omnia circum  
 Littora iactetur odijs Iunonis iniquae ,  
 Nota tibi , & nostro doluisti saepe dolore ,  
 Hunc Phœnissa tenet Dido , blandisq; moratur  
 Vocibus : & vereor quò se Iunonia vertant  
 Hospitia ; haud tanto cessabit cardine rerum .  
 Quocirca capere antè dolis , & cingere flamma  
 Reginam meditor , ne quo se numine mutet :  
 Sed magno Aeneae mecum teneatur amore .  
 Quà facere id possis , nostram nunc accipe mentem ,  
 Regius , accitu chari genitoris , ad urbem  
 Sidoniam puer ire parat , mea maxima cura ,  
 Dona ferens pelago & flammis restantia Troiae .  
 Hunc ego sopitum somno super alta Cythera ,  
 Aut super Idalium sacrata sede recondam ,  
 Ne qua scire dolos , mediusve occurrere possit .  
 Tu faciem illius noctem , non amplius , vnam  
 Falle dolo : & notos pueri puer indue vultus ,  
 Ut cum te gremio accipiet laetissima Dido ,  
 Regales inter mensas , laticemq; lyæum ,  
 Cum dabit amplexus atq; oscula dulcia figet ,  
 Occultum inspiret ignem , fallasq; veneno .  
 Chor. Iamq; ibat dicto parens , & dona Cupido

Regia



Regia portabat Tyrijs, duce letus Achate,  
Cum venit, aulaeis iam se regina superbis  
Aurea composuit sponda, mediamq; locauit.  
Iam pater Aeneas & iam Troiana iuuentus  
Conueniunt, stratoq; super discumbitur ostro.  
Dant famuli manibus lymphas, Cereremq; canistris  
Expediunt: tonsisq; ferunt mantilia villis.  
Quinquaginta intus famulae, quibus ordine longo  
Cura penum struere, & flammis adolere Penates.  
Centum aliae, totidemq; pares aetate ministri,  
Qui dapibus mensas onerent, & pocula ponant.  
Nec non & Tyrij per limina leta frequentes  
Conuenere, toris iussi discumbere pictis.  
Mirantur dona Aeneae, mirantur Iulum,  
Flagrantésq; Dei vultus, simulatq; verba,  
Pallamq; & pictum croceo velamen achanto.  
Præcipue infelix pesti deuota futurae  
Expleri mentem nequit, ardescitq; tuendo,  
Phœnissa: & puero pariter donisq; mouetur.  
Ille, ubi complexu Aeneae, colloq; pependit,  
Et magnum falsi impleuit genitoris amorem,  
Reginam petit, hæc oculis, hæc pectore toto  
Hæret, & interdum gremio fouet: inscia Dido  
Insideat quantus miseræ Deus: at memor ille  
Matris Acidaliæ, paulatim abolere Sichæum  
Incipit, & viuo tentat præuerrere amore

C 2.

Iam



*Iam pridem resides animos de suetaq; corda.*

*Scena 5.*

**D**ido amore incensa conuiuis suis vinum propinat, incereâ dum ipsa cum Ænea colloquitur, sperans se eius nuptiis potituram. Æneas verò totam noctem, excidiis um Troiæ suosq; errores commemorando, consumit.

*Dido. Æneas. Chorus.*

*Did. Iupiter (hospitibus nam te dare iura loquuntur)  
Hunc letum Tyrissq; diem, Troiaq; profectis  
Esse velis, nostrosq; huius meminisse minores.  
Adsis læticiæ Bacchus dator, & bona Iuno,  
Et vos ô cætum Tyri celebrate fauentes.*

*Imo age & à prima dic hospes origine nobis  
Insidias Danaûm, Ænea, casusq; tuorum  
Erroresq; tuos: nam te iam septima portat  
Omnibus errantem terris & fluctibus æstas.*

*Æne. 2. Æn. Infandum regina iubes renouare dolorem.  
Troianas vt opes & lamentabile regnum  
Eruerint Danaï, quæq; ipse miserrima vidi,  
Et quorum pars magna fui, quis talia fando  
Myrmidonum, Dolopumue, aut duri miles Vlyssis  
Temperet à lachrymis? & iam nox humida cælo*

*Præcipitat*



Præcipitat: suadentq; cadentia sydera somnos.  
Sed si tantus amor casus cognoscere nostros  
Et breuiter Troiæ supremum audire laborem:  
Quanguam animus meminisse horret luctuq; refugit  
Incipiam. Fracti bello fatisq; repulsi  
Ductores Danaum, tot iam labentibus annis,  
Instar montis equum diuina Palladis arte  
Ædificant, sectaque intexunt abiete costas.  
Votum pro reditu simulant: ea fama vagatur.  
Huc delecta virum sortiti corpora furtim  
Includunt cæco lateri, penitusq; cauernas  
Ingenteis, vterumq; armato milite complent.  
Est in conspectu Tenodos notissima famâ  
Insula, diues opum, Priami dum regna manebant:  
Nunc tantum sinus & statio mala fida carinis:  
Huc se profecti deserto in littore condunt,  
Nos abyssæ rati & vento petysse Mycenæ.  
Ergo omnis longo soluit se Teucria luctu.  
Panduntur portæ, iuuat ire, & Dorica castra,  
Desertosq; videre locos littusq; relictum.  
Hic Dolopum manus, hic sæuus tendebat Achilles,  
Classibus hic locus, hic acies certare solebant.  
Pars stupet innuptæ donum exitiale Mineræ,  
Et molem mirantur equi: primusq; Thymates  
Duci inter muros hortatur, & arce locari,  
Siue dolo, seu iam Troiæ sic fata ferebant.

C3.

At



At capys & quodrum melior sententia menti,  
Aut pelago Danaum insidias, suspectaq; dona  
Præcipitare iubent, subiectisq; vrere flammis:  
SCINDITVR incertum studia in contraria vulgus.  
Primus ibi ante omneis, magna comitante caterua,  
Laocoon ardens, summa decurrit ab arce,  
Et procul; O miseri, quæ tanta insania, ciues?  
Creditis auctos hostes? aut vlla putatis  
Dona carere dolis Danaum? sic notus Vlysses?  
Aut hoc inclusi ligno occultantur Achiui:  
Aut hæc in nostros fabricata est machina muros.  
Inspectura domos, venturaq; desuper vrbi:  
Aut aliquis latet error, equo ne credite Teucri,  
Quicquid id est, timeo Danaos, & dona ferenteis.

Sic fatis, validis ingentem viribus hastam  
In latus, inq; feri curuam compagibus aluum  
Contorsit: stetit illa tremens, vteroq; recusso  
Insonuere caue, gemitumq; dedere cauernæ.  
Et si fata Deum, si mens non læua fuisset,  
Impulerat ferro Argolicas fædare latebras,  
Troiaq; nunc stares, Priamiq; arx alta maneres.

Ecce manus iuuenem interea post terga reuinctum,  
Pastores magno ad regem clamore trahebant  
Dardanide, qui se ignotum venientibus vltro  
Hoc ipsum vt strueret, Troiamq; aperiret Achiuis,  
Obtulerat, fidens animi atq; in vtrumq; paratus,

Seu



Seu versare dolos seu certæ occumbere morti  
Vndiq; Visendi studio Troiana iuuentus  
Circumfusa ruit, certamq; illudere capto.  
Accipe nunc Danaûm insidias, & crimine ab vno  
Disce omneis.

Namq; conspectu in medio turbatus inermis  
Constitit, atq; oculis Phrygia agmina circumspexit:  
Heu quæ nunc tellus, inquit, quæ me æquora possune  
Accipere? aut quid iam misero mihi deniq; restat?  
Cui neq; apud Danaos vsquàm locus: ius super ipsi  
Dardanidæ infensi pœnas cum sanguine poscunt.  
Quo gemitu conuersi animi, compressus & omnis  
Impetus: hortamur fari quo sanguine cretus,  
Quidue ferat, memoret: quæ sit fiducia capto.  
Ille hæc deposita tandem formidine fatur:

Cuncta equidem tibi rex (fuerint quæcunq;) fatebor  
Vera, inquit: neq; me argolica de gente negabo.  
Hoc primum: nec si miserum fortuna Sinonem  
Finxit, vanum etiam, mendacemq; improba finget?

Fando aliquid si fortè tuas peruenit ad aures  
Belidæ nomen Palamedis, & incliyta famæ  
Gloria, quem falsa sub proditione Pelasgi  
Insontem, infando iudicio, quia bella vetabat,  
Demisere neci, nunc cassum lumine lugent.

Illi me comitem & consanguinitate propinquum  
Pauper in arma pater, primis huc misit in annis.

Dum



Dum stabat regno incolumis regnumq; vigeat  
 Consilijs, & nos aliquod nomenq; decusq;  
 Gessimus; inuidia postquam pellacis Vlyssi  
 (Haud ignota loquor) superis concessit ab oris,  
 Adflictus vitam in tenebris luctuq; traheram,  
 Et casum insontis mecum indignabar amici.  
 Nec tacui demens; & me fors si qua tulisset,  
 Si patrios vnquam remeassem victor ad Argos,  
 Promisi ultorem & verbis odia aspera moui.  
 Hinc mihi prima mali labes, hinc semper Vlysses  
 Criminibus terrere nouis, hinc spargere voces  
 In vulgum ambiguas & querere conscius arma,  
 Nec requieuit enim donec Calchante ministro.  
 Sed quid ego haec autem nequicquam ingrata reuoluo?  
 Quidue moror? omnes vno ordine habetis Achiuos  
 Idq; audire sat est, iamdudum sumite pœnas,  
 Hoc Ithacus velit, & magno mercentur Atridae.  
 Tum verò ardemus scitari & querere causas,  
 Ignari scelerum tantorum, artiq; Pelasgae.  
 Prosequitur pauitans & ficto pectore fatur:  
 Saepè fugam Danaï Troia cupièrè relictā  
 Moliri, & longo fessi discedere bello:  
 Fecissentq; vtinam, saepè illos aspera Ponti.  
 Interclusit hyems, & terruit auster euntes.  
 Præcipuè cùm iam hic trabibus contextus acernis  
 Staret equus, toto sonuerunt æquore nymbi.

Suspensi



Suspensi Eurypylum, scitatum oracula Phœbi  
 Mittimus, isq; adytis hæc tristia dicta reportat:  
 Sanguine placastis ventos, & virgine cæsa,  
 Cum primum Iliacas Danaï venistis ad oras,  
 Sanguine quærendi reditus, animaq; litandum  
 Argolica. Vulgi quæ vox ut venit ad aures,  
 Obstupere animi, gelidusque per ima cucurrit  
 Ossa tremor, cui fata parent, quem poscat Apollo.  
 Hic Ithacus vatē magno Calchanta tumultu  
 Protrahit in medios, quæ sint ea numina Diuūm  
 Flagitat: & multi mihi iam crudele canebant  
 Artificis scelus, & taciti ventura videbant.  
 Bis quinos silet ille dies, tectusq; recusat  
 Prodere voce sua quenquam, aut opponere morti.  
 Vix tandem magnis Ithaci clamoribus actus  
 Compositò rumpit vocem & me destinat aræ.  
 Absensere omnes: & quæ sibi quisq; timebat  
 Vnius in miseri exitium conuersa tulere.  
 Iamq; dies infanda aderat, mihi sacra parari,  
 Et falsæ fruges & circum tempora vittæ.  
 Eripui (fateor) letho me, & vincula rupi:  
 Limosoq; lacu per noctem obscurus in vlua  
 Delitui, dum vela darent, si fortè dedissent.  
 Nec mihi iam patriam antiquam spes vlla videndi,  
 Nec dulcis natos, exoptatēq; parentem,  
 Quos illi fors ad pœnas ob nostra reposcent

D

Effugia



Effugia, & culpam hanc miserorum morte piabunt  
Quod te per superos, & conscia numina veri  
Per (si qua est, quæ restat adhuc mortalibus vsquam  
Intemerata fides) oro, miserere laborum  
Tantum, miserere animi non digna ferentis.

His lachrymis vitam damus & miseresчимus ultro  
Ipse viro primus manicas atq; arcta leuari  
Vincla iubet Priamus, dictisq; ita fatur amicis:  
Quisquis es amissos hinc iam obliuiscere Graios:  
Noster eris, mihiq; hæc ediscere vera roganti;  
Quo molem hanc immanis equi statuere? quis autor?  
Quidue petunt? quæ religio? aut quæ machina belli?  
Dixerat: ille dolis instructus & arte pelasga,  
Sustulit exutas vinclis ad sidera palmas:  
Vos æterni igneis & non violabile vestrum  
Testor numen, ait: vos aræ ensesq; nefandi,  
Quos fugi, vittæq; Deum quas hostia gessi:  
Fas mihi Graiorum sacrata resolvere iura,  
Fas odisse viros, atq; omnia ferre per auras,  
Si qua tegunt: teneor patriæ nec legibus ullis.  
Tu modò promissis maneas, seruataquæ serues  
Troia fidem si vera feram, si magna rependam.  
Omnis spes Dauaûm & cepti fiducia belli  
Palladis auxilijs semper stetit: impius ex quo  
Tydides sed enim scelerumq; inuentor Vlysses,  
Fatale aggressi sacrato auellere templo

Palladium



Palladium, cæsis summæ custodibus arcis,  
Corripuere sacram effigiem, manibusq; cruentis  
Virgineas ausi Diuæ contingere vittas:  
Ex illo fluere, ac retrò sublapsa referri  
Spes Danaûm, fractæ vires, auersa Deæ mens.  
Nec dubijs ea signa dedit Tritonia monstris.  
Vix positum castris simulachrum, arsere coruscæ  
Luminibus flammæ arectis: salsusq; per artus  
Sudor igit: terq; ipsa solo (mirabile dictu)  
Emicuit, parmamquæ ferens, hastamquæ trementem.  
Extemplò tentanda fuga, canit æquora Calchas:  
Nec posse Argolicis excindi Pergama telis:  
Omnia ni repetant Argis, numenq; reducant,  
Quod pelago & curuis secum aduexere carinis.  
Et nunc quod patrias vento petiere Mycenæ,  
Arma, Deosq; parant comites: pelagoq; remenso,  
Improvisi aderunt, ita digerit omnia Calchas.  
Hanc pro Palladio moniti, pro numine læso  
Effigiem statuere, nefas qua triste piarent.  
Hanc tamen immensam Calchas attollere molem,  
Roboribus textis cæloq; educere iussit:  
Ne recipi portis, aut duci in mœnia possit,  
Neu populum antiqua sub relligione tueri.  
Nam si vestra manus violasset dona Mineræ,  
Tum magnum exitium (quod Dii prius omen in ipsum  
Conuertant) Priami imperio Phrygibusq; futurum:

D 2.

Sin



*Sin manibus vestris vestram ascēdisset in urbem,  
Vltro Asiam magnam Pelopeja ad mœnia bello  
Venturam, & nostros ea fata manere nepotes.*

*Talibus insidijs periuriq; arte Sinonis  
Credita res, captiq; dolis, lachrymisq; coactis,  
Quos neq; Tydides, nec Larissæus Achilles,  
Non anni domuere decem, non mille carinae.*

*Diuidimus muros, & mœnia pandimus urbis.  
Accingunt se omnes operi, pedibusq; rotarum  
Subiiciunt lapsus, & stupea vincula collo  
Intendunt: scandit fatalis machina muros  
Foeta armis: circum pueri, innuptæq; puellæ  
Sacra canunt, funemq; manu contingere gaudent.  
Illa subit, mediæq; minans illabitur urbi.  
O patria, ô Diuûm domus Ilium, & inclyta bello  
Mœnia Dardanidum, quater ipso in limine portæ  
Subsistit, atquæ vtero sonitum quater arma dedere.  
Instamus tamen immemores, cæciq; furore.  
Infelix monstrum sacrata sistimus arce.  
Tunc etiam fatis aperit Cassandra futuris  
Ora Dei iussu, non vnquam credita Teucris.  
Nos delubra Deûm miseri, quibus vltimus esset  
Ille dies, festa velamus fronde per urbem.  
Vertitur interea cælum & ruit oceano nox,  
Inuoluens vmbra magna terramq; polumq;  
Myrmidonumq; dolos: fusi per mœnia Teucris*

*Conticuere*



Conticuere, sopor fessos complectitur artus  
Et iam argiua phalanx instructis nauibus ibat  
A Tenedo, tacitæ per amica silentia lune.  
Littora nota petens: flammæ cum regia puppis  
Extulerat: fatisq; Deum defensus iniquis:  
Inclusos vtero Danaos, & pinea furtim  
Laxat claustra Sinon, illos patefactus ad auras  
Reddit equus, letiquè cauo se robore promunt.  
Tisandrus Sthenelusq; duces, & dirus Vlyses,  
Demissum lapsi per funem, Athamasque Thoasq;  
Pelidesq; Neoptolemus, primusq; Machaon,  
Et Menelaus, & ipse doli fabricator Epeus,  
Inuadunt urbem somno vinoq; sepultam.  
Ceduntur vigiles, portisq; patentibus omneis  
Accipiunt socios, atq; agmina conscia iungunt  
Sed Priami forsân fuerint quæ fata requiras.  
Vrbis vbi captæ casum, conuulsaq; vidit  
Limina tectorum & medium in penetralibus hostem.  
Arma diu senior desueta trementibus æuo  
Circumdat nequicquàm humeris, & inutile ferrum  
Cingitur, ac densos fertur moriturus in hostes.  
Ædibus in medijs, nudosq; sub ætheris axe  
Ingens ara fuit, iuxtaq; vberima laurus  
Incumbens aræ atque vmbra complexa Penates.  
Hic Hecuba, & natæ nequicquàm altaria circum,  
Præcipites atra cœu tempestate columbæ,

D 3.

Condensæ



Condense, & Diuū amplexæ simulachra tenebant  
Ipsum autem sumptis Priamum iuuenilibus armis  
Vt vidit: Quæ mens tam dira miserrima coniunx  
Impulit his cingi telis? aut quò ruis? inquit:  
Non tali auxilio non defensoribus istis  
Tempus eget: non, si ipse meus nunc afforet Hector.  
Huc tandem concede, hæc ara tuebitur omnes  
Aut moriere simul. Sic ore effata recepit  
Ad sese, & sacra longæuum in sede locauit.  
Ecce autem elapsus Pyrrhi de sede Polytes,  
Vnus natorum Priami, per tela, per hosteis,  
Porticibus longis fugit, & vacua atria lustrat  
Saucius, illum ardens infesto vulnere Pyrrhus  
Insequitur, iam iamquæ manu tenet, & premit hasta.  
Vt tandem ante oculos euasit, & ora parentum  
Concidit, ac multo vitam cum sanguine fudit:  
Hic Priamus quanquàm in media iam morte tenetur,  
Non tamen abstinuit, nec voci iræquæ pepercit:  
At tibi pro scelere, exclamat, pro talibus ausis,  
Dij, si qua est cælo pietas, quæ talia curet,  
Persoluant grates dignas & premia reddant  
Debita, qui nati coram me cernere letum  
Fecisti, & patrios fœdasti funere vultus.  
At non ille, satum quo te mētiris, Achilles  
Talis in hoste fuit Priamo; sed iura fidemquæ  
Supplicis erubuit, corpusquæ exangue sepulchro  
Reddidit Hectoreum, mequæ in mea regna remisit.



Sic fatus senior, telumq; imbelle sine ictu  
Coniecit, rauco quod protinus ære repulsum  
Et summo clypei nequicquam umbone pependit.  
Cui Pyrrhus; Referes ergo hæc & nuncius ibis  
Pelidæ genitori; illi mea tristia facta  
Degeneremq; Neoptoleum narrare memento.  
Nunc morere, hæc dicens altaria ad ipsa trementem  
Traxit, & in multo lapsantem sanguine nati;  
Implicuitq; comam læua; dextraq; coruscum  
Extulit, ac lateri capulo tenuis abdidit ensem.

Hæc finis Priami fatorum, hic exitus illum  
Sorte tulit, Troiamq; incensam, & prolapsa vidētem  
Pergama, tot quondam populis terrisq; superbum  
Regnatorem Asia: iacet ingens littore truncus  
Anulsumq; humeris caput, & sine nomine corpus.

Æne: 3.

Postquam res Asia, Priamiq; euertere gentem  
Immeritam visum superis, ceciditq; superbum  
Ilium; & omnis humo fumat Neptunia Troia:  
Diuersa exilia & desertas quærere terras  
Augurijs agimur Diuūm, classemq; sub ipsa  
Antandro, & Phrygiæ molimur montibus Ida,  
Incerti quo fata ferant, vbi sistere detur.

Chor. At regina graui iam dudum saucia cura  
Vulnus alit venis, & cæco carpitur igni.  
Multa viri virtus animo, multusq; recursat  
Gentis honos: hærent infixi pectore vultus,  
Verbaq; nec placidam membris dat cura quietem.

Æne: 4



# ACTVS TERTIVS.

## Scena prima.

**D**ido audita Æneæ narratione amore inflammatur, & re cum sorore Anna communicata eius nuptias amabit, Anna verò Didonem amore languidam amplius incendit.

*Dido. Anna. Chorus.*

*Anna soror quæ me suspensa insomnia terrent ?  
Quis nouus hic nostris successit sedibus hospes ?  
Quem sese ore ferens ? quàm forti pectore & armis ?  
Credo equidem (nec vana fides) genus esse Deorum.  
Degeneres animos timor arguit. heu quibus ille  
Iactatus fatis ? quæ bella exhausta canebat ?  
Si mihi non animo fixum immotumquæ sederet,  
Ne cui me vinclo vellem sociare iugali,  
Postquam primus amor deceptam morte fefellit,  
Si non pertæsum thalami tedæquæ fuisset,  
Huic vni forsan potui succumbere culpæ.  
Anna ( fatebor enim ) miseri post fata Sichæi  
Coniugis, & sparsos fraterna sede Penates,  
Solutus hic inflexit sensus animumquæ labantem  
Impulit: agnosco veteris vestigia flammæ.  
Sed mihi vel tellus optem prius ima debiscat  
Vel pater omnipotens adigat me fulmine ad umbras,*  
*Pallentes*



Pallentes umbras Erebi, noctemq; profundam,  
Ante pudor quam te violen, aut tui iura resoluam,  
Ille meos, primum qui me sibi iunxit, amores  
Abstulit, ille habeat secum seruetq; sepulchro.  
Anna. ô luce magis dilecta sorori,  
Solane perpetua mærens carpere iuuenta?  
Nec dulces natos, Veneris nec præmia noris?  
Id cinerem, aut manes credis curare sepultos?  
Esto, ægram nulli quondam flexere mariti,  
Non Lybiæ, non antè Tyro despectus Iarbas,  
Ductoresq; alij, quos Africa terra triumphis  
Diues alit: placidone etiam pugnabis amori?  
Non venit in mentem, quorum confederis aruis?  
Hinc Getulæ vrbes genus insuperabile bello,  
Et Numidæ infræni cingunt, & inhospita Syrtis,  
Hinc deserta siti regio, lateq; furentes  
Barcai, quid bella Tyro surgentia dicam?  
Germaniq; minas?  
Dijs equidem auspiciis reor & Iunone secunda,  
Huc cursum Iliacas vento tenuisse carinas:  
Quam tu urbem soror hanc cernes? quæ surgere regna  
Coniugio tali: Teucrum comitantibus armis,  
Punica se quantis attollet gloria rebus?  
Tu modò posce Deos veniam, sacrisq; litatis  
Indulge hospitio, causasq; innecte morandi,  
Dum pelago desænit hyems, & aquosus Orion,  
E Quasbatæq;



*Quas Batæq; rates & non tractabile cælum;  
 Chor. Vritur infelix Dido, totaq; vagatur  
 Vrbe furens, qualis coniecta Cerua sagitta,  
 Quam procul incautam nemora inter Cressia fixit  
 Pastor agens telis, liquitq; volatile ferrum  
 Nescius; illa fuga sylvas saltusq; peragrat  
 Dictæos, hæret lateri lethalis arundo.  
 Nunc media Æneam secum per mœnia ducit,  
 Sidoniasq; ostentat opes, urbemq; paratam.  
 Incipit effari, mediaq; in voce resistit,  
 Nunc eadem labente die conuiuia quærit,  
 Iliacosq; iterum demens audire labores  
 Exposcit, pendetq; iterum narrantis ab ore.*

*Scena secunda.*

**I** Vno Didonem miserè amantem miserata Venerem pro  
 eius cum Ænea coniugio compellat, simul operam stu-  
 diosè pollicens. Quomodo verò, Venere exorata, rem  
 astu peregit, narrat chorus.

*Iuno. Venus. Chorus.*

*Egregiam verò laudem & spolia ampla refertis  
 Tuq; puerq; tuus, magnum & memorabile numen  
 Vna dolo Diuûm, si fœmina victa duorum est.  
 Nec me adeò fallit, veritam te mœnia nostra,*

*Suspectas*



Suspectas habuisse domos Carthaginis altae.  
 Sed quis erit modus? aut quo nunc certamine tanto?  
 Quin potius pacem æternam pactosq; hymenæos  
 Exercemus? habes tota quod mente petisti.  
 Ardet amans Dido, traxitq; per ossa furorem,  
 Communem ergo hunc populum, paribusq; rogamus  
 Auspicijs, liceat Phrygio seruire marito,  
 Dotaleisq; tuæ Tyrios permittere dextræ.  
 Ven. Quis talia demens  
 Abnuat? aut tecum malit contendere bello?  
 Si modò, quod memores, factum fortuna sequatur,  
 Sed fatis incerta feror, si Iupiter vnā  
 Esse velit Tyrijs urbem Troiaq; profectis,  
 Misceriue probet populos, aut fœdera iungi:  
 Tu coniunx, tibi fas animum tentare precando.  
 Perge, sequar.  
 Iun. Mecū erit iste labor: nunc qua ratione quod, instat  
 Confieri possit, paucis, aduerte, docebo:  
 Venatum Æneas vnāq; miserrima Dido  
 In nemus ire parant, vbi primos crastinus ortus  
 Extulerit Titan, radijsq; retexerit orbem:  
 His ego nigrantem commista grandine nymbum,  
 Dum trepidant alæ, saltusq; indagine cingunt,  
 Desuper infundam, & tonitru cælum omne ciebo.  
 Diffugient comites & nocte tegentur opaca.  
 Speluncam Dido, dux & Troianus eandem  
 E 2. Deuenient



Deuenient, adero, & tua si mihi certa voluntas,  
Connubio iungam stabili propriamq; dicabo.

*Hic hymineus erit.*

*Chor.* Interea magno misceri murmure cælum

Incipit, insequitur commista grandine nimbus.

Et Tyrij comites passim, & Troiana iuuentus.

Dardaniusq; nepos Veneris, diuersa per agros

Tecta metu petiere; ruunt de montibus amnes.

Speluncam Dido, dux & Troianus eandem

Deueniunt: prima & tellus & pronuba Iuno

Dant signum: fulsere ignes & conscius æther

Connubij; summoq; vlularunt vertice nymphæ.

Ille dies primus lethi, primusq; malorum

Causa fuit; neq; enim specie famaue mouetur,

Nec iam furtiuum Dido meditatur amorem:

Coniugium vocat, hoc prætexit nomine culpam.

## ACTVS QVARTVS.

### Scena prima.

**I**Arbas Rex Lybiæ Didonis procus, rumoribus de Di-  
donis & Æneæ coniugio auditis, Ioui supplicatur. Ius-  
piter verò Mercurium ablegat denunciatum Æneæ, vt  
relictæ Didone in Italiam concedat.

*Iarbas. Iupiter. Chorus.*

*Iupiter*



Iupiter omnipotens, cui non Maurusia pictis  
 Gens epulata toris Lenæum libat honorem,  
 Aspices hæc? an te genitor, cum fulmina torques,  
 Nequicquam horremus? cæciq; in nubibus ignes  
 Terrificant animos, & inania murmura miscent?  
 Fœmina quæ nostris errans in finibus, urbem  
 Exiguam pretio posuit, cui littus arandum,  
 Cuiq; loci leges dedimus, connubia nostra  
 Reppulit, ac dominum Æneam in regna recepit.  
 Et nunc ille Paris cum semiuiro comitatu  
 Mæonia mentum intra, crinemq; madentem  
 Subnixus, raptò potitur: nos munera templis  
 Quippe tuis ferimus, famamq; fouemus inanem.  
 Chor. FAMA malum, quo non aliud velocius ullum  
 Mobilitate viget, viresq; acquirit eundo:  
 Parua metu primo, mox sese attollit in auras,  
 Ingrediturq; solo, & caput inter nubila condit.  
 Illam terra parens ira irritata Deorum,  
 Extremam (vt perhibent) Cæo Enceladoq; sororem  
 Progeniuit, pedibus celerem & pernicibus alis:  
 Monstrum horrendū, ingens, cui quot sunt corpore plumæ,  
 Tot vigiles oculi, subter (mirabile dictu)  
 Tot linguæ, totidem ora sonant, tot subrigit aures.  
 Nocte volat cœli medio, terraq; per umbram,  
 Stridens, nec dulci declinat lumina somno.  
 Luce sedet custos, aut summi culmine tecti,

E 3.

Turribus



*Turribus aut altis, & magnas territat vrbes  
Tam ficti prauiq; tenax quàm nuncia veri.*

*Scena secunda.*

**I**Upiter Iarbæ precibus motus Mercurium ablegat des  
nunciatū Æneæ, vt relicta Didone in Italiam concedat.

*Vade age nate, voca zephyros, & labere pennis:  
Dardaniumq; ducem, Tyria Carthagine qui nunc  
Expectat, fatisq; datas non respicit vrbes,  
Alloquere & celereis defer mea dicta per auras.  
Non illum nobis genitrix pulcherrima talem  
Promisit, Graiumq; ideo bis vindicat armis:  
Sed fore qui grauidam imperijs, belloq; frementem  
Italiam regeret, genus alto à sanguine Teucri  
Proderet, ac totum sub leges mitteret orbem.  
Si nulla accendit tantarum gloria rerum,  
Nec super ipse sua molitur laude laborem:  
Ascanione pater Romanas inuidet arces?  
Quid struit? aut qua spe inimica in gente moratur?  
Nec prolem Ausoniam, & Lauinia respicit arua?  
Nauiget: hæc summa est: hîc nostri nuncius esto.*

*Scena tertia.*

**M**ercurius iussa Iouis exequens Æneæ imperat, vt os  
missa Carthagine, Italiam quæ eius posteritati debet  
tur, occupet.

*Tu*



Tu nunc Carthaginiſ altæ  
Fundamenta locas, pulchramq; vxorius urbem  
Extruis: heu regni, rerumq; oblite tuarum.  
Ipſe Deūm tibi me claro demittit Olympo  
Regnator, cælum & terras qui numine torquet:  
Ipſe hæc ferre iubet celeres mandata per auras:  
Quid ſtruis aut qua ſpe Libycis teris ocia terris?  
Si te nulla mouet tantarum gloria rerum,  
Nec ſuper ipſe tua moliris laude laborem:  
Aſcanium ſurgentem & ſpes hæredis Iuli  
Reſpice, cui regnum Italia, Romanaq; tellus  
Debentur.

Chor. Heu quid agat? quo nunc reginã ambire furentẽ  
Audeat affatu? & quæ prima exordia ſumat?  
Atq; animum nunc huc celerem, nunc diuidit illuc:  
In partesq; rapit varias, perq; omnia verſat.

Scena quarta.

**A**Neas à Mercurio impuſſus fugam ſibi prouidet. Di  
do verò id ſubſolaciens, & minis & precibus illum  
à propoſito reuocare conatur: verũ ipſum culpam in  
Iouem transferre nitentem & ad littora tendentem magis  
exasperata conuiſiſ proſequitur.

Aneas. Dido. Chorus.

Heu



1 Heu quid agam? quæ nunc animo sententia surgit?  
 2 Attonitus tanto monitu imperioq; Deorum  
 3 Quid cunctor? rapidus subito fidissime Achates  
 4 Mnesthea Sergestumq; voca, fortemq; Cloanthum.  
 5 Classẽ aptent taciti, sociosq; ad littora cogant:  
 6 Arma parent: & quæ sit rebus causa novandis  
 7 Dissimulent; ac me interea, quando optima Dido  
 8 Nesciat, & tantos rumpi non sperat amores,  
 Tentaturum aditus, & quæ molliſſima fandi  
 Tempora, quis rebus dexter modus.  
 Did. Dissimulare etiam sperasti perfide tantum  
 Posse nefas? tacitusq; mea discedere terra?  
 Nec te noster amor, nec te data dextera quondam  
 Nec moritura tenet crudeli funere Dido?  
 Quinetiam hyberno moliris sidere classẽ,  
 Et medijs properas Aquilonibus ire per altum  
 Crudelis? quid? si non arua aliena, domosq;  
 Ignotas peteres? & Troia antiqua maneret?  
 Troia per undosum peteretur classibus æquor?  
 Mene fugis? per ego has lachrymas, dextramq; tuam, te,  
 (Quando aliud mihi iam misera nihil ipsa reliqui)  
 Per connubia nostra, per inceptos hymenæos,  
 Si bene quid de te merui, fuit aut tibi quicquam  
 Dulce meum, miserere domus labentis, & istam  
 Oro (si quis adhuc precibus locus) exue mentem.  
 Te propter Libycæ gentes, Nomadumq; tyranni

Odere



Odere : infensi Tyrij : te propter eundem  
Extinctus pudor , & qua sola sidera adibam ,  
Fama prior , cui me moribundam deseris hospes ?  
Hoc solum nomen quoniam de coniuge restat.  
Quid moror ? an mea Pygmalion dum mœnea frater  
Destruat , aut captam ducat Getulus Iarbas ?  
Saltem si qua mihi de te suscepta fuisset  
Ante fugam soboles : si quis mihi paruulus aula  
Luderet Æneas , qui te tantum ore referret :  
Non equidem omnino capta aut deserta viderer :  
Æne. Ego te , quæ plurima fando  
Enumerare vales , nunquam , regina , negabo  
Promeritam ; nec me meminisse pigebit Elise ,  
Dum memor ipse mei , dum spiritus hos regit artus ,  
Pro te pauca loquar , nec ego hanc abscondere furto  
Speravi , nec finge , fugam : nec coniugis unquam  
Prætendi tædas , aut hæc in fœdera veni .  
Me si fata meis paterentur ducere vitam  
Auspicijs , & sponte mea componere curas :  
Vrbem Troianam primum , dulcesq; meorum  
Reliquias colerem & Priami tecta alta manerent :  
Et recidua manu posuissem Pergama victis .  
Sed nunc Italiam magnam Grynæus Apollo ,  
Italiam Lyciæ iussere capeßere sortes :  
Hic amor , hæc patria est , si te Carthaginis arces  
Phœnißam , Lybiæq; aspectus detinet vrbis :

F

Quæ



Quæ tandem Ausonia Teucros considerare terra?  
Inuidia est? & nos fas extera quærere regna?  
Me patris Anchisæ, quoties humentibus umbris  
Nox operit terras, quoties astra ignea surgunt,  
Admonet in somnis, & turbida terret imago;  
Me puer Ascanius, capitisq; iniuria chari  
Quem regno Hesperiae fraudo, & fatalibus aruis.  
Nunc etiam interpret Diuûm, loue missus ab ipso,  
(Testor vtrumq; caput) celereis mandata per auras  
Detulit; ipse Deum manifesto in lumine vidi  
Intrantem muros, vocemq; his auribus hausi:  
Desine meq; tuis incendere, teq; querelis;  
Italiam non sponte sequor.

Dido. Nec tibi Diua parens, generis nec Dardanus aus  
Perfide, sed duris genuit te cautibus horrens (tor  
Caucasus, Hyrcanæq; admoerunt vbera tygres.  
Nam quid dissimulo? aut quæ me ad maiora referuo?  
Num fletu ingemuit nostro? num lumina flexit?  
Num lachrymas victus dedit? aut miseratus amante est?  
Sed quibus ante feram? iam iam nec maxima luno  
Nec Saturnius hæc oculis pater aspicit æquis.  
NVSQVAM tuta fides, eiectum littore, egentem  
Excepi, & regni demens in parte locauit.  
Amisam classem, socios à morte reduxi.  
Heu furijs incensa ferar; nunc augur Apollo,  
Nunc Lyciæ sortes, nunc & loue missus ab ipso

Interpres



*Interpres Diuū fert horrida iussa per auras.  
Scilicet is superis labor est : ea cura quietos  
Sollicitat : neq̃ te teneo , neq̃ dicta refello.  
1, sequere Italiam ventis, pete regna per vndas:  
Spero equidem medijs ( si quid pia numina possunt )  
Supplicia hausurum scopulis , & nomine Dido  
Sepe vocaturum. sequar atris nubibus absens.  
Et cū frigida mors anima subduxerit artus,  
Omnibus vmbra locis adero ; dabis improbe pœnas.  
Audiam , & hæc manes veniet mihi fama per imos.*

*Ænea ad littus properante canit chorus.*

*Quis tibi nunc Dido cernenti talia sensus ?  
Quosue dabis gemitus , cū littora feruere latè  
Prospiceres arce ex summa, totumq̃ videres  
Misceri ante oculos tantis clamoribus æquor ?  
Improbe amor quid non mortalia pectora cogis ?  
Ire iterum in lachrymas , iterum tentare precando  
Cogitur , & supplex animos submittere amor:  
Ne quid inexpertum frustra moritura relinquat.*

*Scena quinta.*

**D**ido Annam sororem exoratum Æneam mittit, sed nis  
hil proficientem pyram sub prætextu Æneæ magiā  
reuocandi construere iubet, cū tamen vt ipsamet amor  
ris impatiens eam conscenderet, animum induxerit,

*Dido. Chorus.*

*F 2.*

*Anna*



Anna vides toto properari littore circum:  
 Vndiq; conuenere; vocat iam carbasus auras:  
 Puppibus & lati nautæ imposuere coronas.  
 Hunc ego si potui tantum sperare dolorem,  
 Et perferre soror potero; misera hoc tamen vnum  
 Exequere Anna mihi. solam nam perfidus ille  
 Te colere, arcanos etiam tibi credere sensus:  
 Sola viri molleis aditus & tempora noras.  
 I soror, atq; hostem supplex affare superbum:  
 Non ego cum Danaïs Troianam excindere gentem  
 Aulide iuraui, classemue ad Pergama misi:  
 Nec patris Anchisæ cineres manesue reuelli.  
 Cur mea dicta negat duras dimittere in aureis?  
 Quò ruit? extremum hoc misera det munus amanti:  
 Expectet facilemq; fugam, ventosq; ferentes.  
 Non iam coniugium antiquum, quod prodidit, olim:  
 Nec pulchro vt Latio careat, regnumq; relinquat:  
 Tempus inane peto, requiem spaciumq; furori,  
 Dum mea me victam doceat fortuna dolere,  
 Extremam hanc oro veniam ( miserere sororis )  
 Quam mihi cùm dederis, cumulatam morte relinquam.  
 Chor. Talibus orabat: talesq; miserrima fletus  
 Fertq; refertq; soror. sed nullis ille mouetur  
 Fletibus, aut voces ullas tractabilis audit.  
 Fata obstant: placidasq; viri Deus obstruit aureis.  
 Ac vetuti annosam valido cum robore quercum

Alpini



Alpini Boreæ nunc hinc, nunc flatibus illinc  
Eruere inter se certant : it stridor & altè  
Consternunt terram concusso stipite frondes:  
Ipsa hæret scopulis : & quantum vertice ad auras  
Æthereas, tantum radice in tartara tendit:  
Haud secus assiduus hinc atq; hinc vocibus heros  
Tunditur, & magno persentit pectore curas  
Mens immota manet : lachrymæ voluuntur inanes.  
Did. Inueni germana viam. (gratare sorori)  
Quæ mihi reddat eum, vel eo me soluat amantem  
Oceanî finem iuxta, solemq; cadentem  
Ultimus Æthiopum locus est, vbi maximus Atlas  
Axem humero torquet stellis ardentibus aptum:  
Hinc mihi Mæsylæ gentis monstrata sacerdos,  
Hesperidum templi custos, epulasq; draconi  
Quæ dabat, & sacros seruabat in arbore ramos,  
Spargens humida mella, soporiferumq; papauer.  
Hæc se carminibus promittit soluere mentes  
Quas velit : est alijs duras immittere curas:  
Sistere aquam fluuijs, & vertere sydera retrò:  
Nocturnosq; ciet manes mugire videbis  
Sub pedibus terram, & descendere montibus ornos.  
Testor chara Deos, & te germana, tuumq;  
Dulce caput, magicas inuitam accingier arteis.  
Tu secreta pyram tecto interiore sub auras  
Erige, & arma viri thalamo quæ fixa reliquit

F 3.

Impius



Impius, exuiasq; omneis, lectumq; iugalem  
Quo pery, superimponas.

Chor.

abolere nefandi

Cuncta viri monumenta iubet, monstratq; sacerdos.

Nox erat & placidum carpebant fessa soporem  
Corpora per terras, syluæq; & sæua quierunt  
Æquora, cum medio voluuntur sidera lapsu,  
Cum tacet omnis ager, pecudes pictæq; volucres,  
Quæq; lacus latè liquidos, quæq; aspera dumis  
Rura tenent, summo posita sub nocte silenti  
Lenibant curas, & corda oblita laborum.

At non infelix animi Phœnissa; nec vnquam  
Solvitur in somnos, oculisue aut pectore noctem  
Accipit, ingeminant curæ, rursusq; resurgens  
Sequitur amor, magnoq; irarum fluctuat æstu.

Sic adeò insistit, secumq; ita corde volutat.

Dido. En quid agam? rursusne procos irrisa priores  
Experiar? Nomadumq; petam connubia supplex  
Quos ego sum toties iam dedignata maritos?

Iliacas igitur classes, atq; vltima Teucrûm  
Iussa sequar? quia ne auxilio iuuat antè leuatos?  
Et benè apud memores veteris stat gratia facti?

Quis me autem (fac velle) sinet? ratibusq; superbis  
Irrisam accipiet? nescis heu perditæ, nec dum  
Laomedontæ sentis periuria gentis.

Quid tum? sola fuga nautas comitabor ouanteis?

An



*An Tyrjs , omniq; manu stipata meorum  
Insequar ? & quos Sidonia vix Vrbe reuelli,  
Rursus agam pelago ? & ventis dare vela iubebo?  
Quin morere , vt merita es , ferroq; auerte dolorem.  
Tu lachrymis eucta meis , tu prima furentem  
His germana malis oneras , atq; obijcis hosti,  
Non licuit thalami expertem sine crimine vitam  
Degere more feræ , tales nec tangere curas ?  
Non seruata fides Cineri promissa Sichæo.*

## ACTVS QVINTVS

*Scena prima.*

**Æ**Neam in naui dormientem Mercurius ad fugam  
hortatur commonefaciens eum eorum quæ in ani-  
mo conceperat Dido, Æneas verò euigilans fugæ con-  
sultat.

*Mercurius. Æneas.*

*Nate Dea , potes hoc sub casu ducere somnos ?  
Nec quæ circumstent te deinde pericula cernis  
Demens ? nec zephyros audis spirare secundos ?  
Illa dolos , atq; nefas in pectore versat,  
Certa mori , varioq; irarum fluctuat aestu.*

*Non*



Non fugis hinc præceptis, dum præcipitare potestas?  
Iam mare turbare trabibus, seuasq; videbis  
Collucere faces, iam feruere littora flammis,  
Si te his attigerit terris aurora morantem.  
Eia age rumpe moras, VARIVM & mutabile semper  
Fœmina.

Æn. Præcipientes vigilate viri, & confidite transtris;  
Solvite vela citi. Deus æthere missus ab alto  
Festinare fugam, tortosq; incidere funes  
Ecce iterum stimulat. sequimur te, sancte Deorum  
Quisquis es, imperioq; iterum paremus ouantes.  
Adsis ô placidusq; iuues, & sidera cœlo  
Dextra feras,

Scena secunda.

Dido è speculo prospiciens Æneam qui aufugerat diris  
imprecationibus execratur. & Barce coniugis Sichæi  
nutrice ad sororem Annam ablegata sibiipsi manus vios  
lentas infert.

Proh Iuppiter ibit?

Ibit hic & nostris illuserit aduena regnis?  
Non arma expedient? totaq; ex vrbe sequentur?  
Diripientq; rates alijs navalibus? ite:  
Ferte citi flumina: date vela, impellite remos.  
Quid loquor? aut ubi sum? quæ mentem insania mutat?  
In felix Dido, nunc te fata impia tangunt  
Tum decuit, cum sceptrâ dabas, en dextra fidesq;

Quem



Quem secum patrios aiunt portare Penates:  
Quem subyisse humeris confectum ætate parentem.  
Non potui abreptum diuellere corpus, & vndis  
Spargere? non socios, ipsum absumere ferro  
Ascanium, patrijsq; epulandum apponere mensis?  
Verum anceps pugnae fuerat fortuna: fuisset:  
Quem metui moritura? facies in castra tulissem,  
Impleissemq; foros flammis: natumq; patremq;  
Cum genere extinxem, memet super ipsa dedissem.

Sol qui terrarum flammis opera omnia lustras,  
Tuq; harum interpres curarum, & conscia Iuno,  
Nocturnisq; Hecate triuijs vlulata per vrbes,  
Et diræ vltrices & Dî morientis Elise,  
Accipite hæc: meritumq; malis auertite numen:  
Et nostras audite preces. si tangere portus  
Infandum caput, ac terras adnare necesse est,  
Et si fata Iouis poscunt, hic terminus hæret.  
At bello audacis populi vexatus, & armis,  
Finibus extorris, complexu auulsus Iuli,  
Auxilium imploret, videatq; indigna suorum  
Funera; nec cum se sub leges pacis iniquæ  
Tradiderit, regno aut optata luce fruatur:  
Sed cadat ante diem, mediaq; inhumatus arena.  
Hæc precor; hanc vocem extremam cum sanguine fundo  
Tum vos ô Tyrij, stirpem & genus omne futurum  
Exercete odys; cineriq; hæc mittite nostro

G

Munera



Munera : nullus amor populis nec fœdera sunt.  
 Exoriare aliquis nostris ex ossibus ultor,  
 Qui face Dardanos, ferroq; sequare colonos,  
 Nunc, olim, quocunq; dabunt se tempore vires,  
 Littora littoribus contraria, fluctibus undas  
 Imprecor, arma armis : pugnent ipsiq; nepotes.  
 Annam, chara mihi nutrix hûc siste sororem?  
 Dic corpus properet fluviali spargere lympa:  
 Et pecudes secum, & monstrata piacula ducat:  
 Sic veniat, tuq; ipsa pia tege tempora vitta,  
 Sacra Ioui Stygio, quæ ritè incepta paravi,  
 Perficere est animus, finemq; imponere curis,  
 Dardaniq; rogam capitis permittere flammæ.  
 Dulces exuvie, dum fata Deusq; sinebant,  
 Accipite hanc animam, meq; his exoluite curis.  
 Vixi, & quem dederat cursum fortuna, peregi:  
 Et nunc magna mei sub terras ibit imago.  
 Urbem præclaram statui : mea mœnia vidi:  
 Vltæ virum pœnas inimico à fratre recepi.  
 Felix, heu nimium felix, si littora tantùm  
 Nunquam Dardaniæ tetigissent nostra carina.  
 Heu nimium felix, sed enim moriemur inultæ?  
 Sed moriamur sic sic iuuat ire sub umbras,  
 Hauriat hunc oculis ignem crudelis ab alto  
 Dardanus, & nostræ secum ferat omnia mortis.

Scena



*Scena tertia.*

**A** Nna mortem Didonis luget, eius causam in se transe-  
ferens.

*Hoc illud germana fuit? me fraude petebas?  
Hoc rogus iste mihi, hoc ignes, aræq; parabant?  
Quid primum deserta querar? comitemue sororem  
Spreuisti moriens? eadem me ad fata vocasses:  
Idem ambas ferro dolor atq; eadem hora tulisset.  
His etiam struxi manibus, patriosq; vocavi  
Voce Deos, sic te ut posita crudelis abessem?  
Extinxi te, meq; soror, populumq; patresq;  
Sidonios, urbemq; tuam, date vulnera lymphis,  
Abluam, & extremus si quis super halitus errat  
Ore legam.*

*Cho. Illa graues oculos conata attollere, rursus  
Deficit; infixum stridet sub pectore vulnus,  
Ter sese attollens, cubitoq; innixa leuauit:  
Ter reuoluta toro est, oculisq; errantibus alto  
Quæsiuit cælo lucem, ingemuitq; reperta.*

**FINIS.**



G 2.

*Scena*



Scilicet  
A. Non moror. D. Non inquit, quis con-  
fideat in seipsum.

Non illud inquit, sed quod non  
potest in seipsum confidere.

Non enim inquit, sed quod non  
potest in seipsum confidere.

Non enim inquit, sed quod non  
potest in seipsum confidere.

Non enim inquit, sed quod non  
potest in seipsum confidere.

Non enim inquit, sed quod non  
potest in seipsum confidere.

Non enim inquit, sed quod non  
potest in seipsum confidere.

Non enim inquit, sed quod non  
potest in seipsum confidere.

Non enim inquit, sed quod non  
potest in seipsum confidere.

**N**

Nulla

Sola de

lam m

Multi

Anson

Turnus

Adiung

Sed

Quis re

Fatidici

Consult

Ne pete

O mea

Extern

Nomen

Omnia

Aspic

E

Æn



31.

# ARGVMENTVM TRAGÆDIÆ TVRNI.

**E** Aunius Hesperia rex arua Latinus & vrbes  
Iam senior longa placidas in pace regebat.  
Filius huic fato Diuum prolesq; virilis  
Nulla fuit, primaq; oriens erepta iuuenta est.  
Sola domum & tantas seruabat filia sedes  
Iam matura viro, iam plenis nubilis annis.  
Multi illam magno è Latio totaq; petebant  
Ausonia, petit ante alios pulcherrimus omnes  
Turnus, auis atavisq; potens, quem Regia coniunx  
Adiungi generum miro properabat amore.

Sed varijs portenta Deum terroribus obstant,  
Quæ rex sollicitus diuina oracula Fauni  
Fatidici genitoris adit, lucosq; sub alta  
Consult Albunea, subitò vox reddita luco est:  
Ne pete conubijs natam sociare Latinis  
O mea progenies, thalamis ne crede paratis  
Externi veniunt generi, qui sanguine nostrum  
Nomen in astra ferant: quorumq; à stirpe nepotes  
Omnia sub pedibus, qua sol vtrumq; recurrens  
Aspicit Oceanum, vertiq; regi videbunt.

Hæc responsa patris regem mouere Latinum  
Æneam vt peteret generum, regnisq; vocaret:

A

Actus I.

Sed



*Sed Iuno hostiles meditatur pectore fraudes  
Luctificam Aleto mittens, in praelia Turnum  
Contra Dardanum rapidis quæ suscitet armis,  
Quinetiam stimulans inuito rego Latinos  
Cervus ubi cecidit celeri tua, Iule, sagitta.*

**Act. II.** *Aeneam hinc tristem dictis Lyberinus amicis  
Mulcet, & hortatur cum rege ut fœdera iungat  
Arcadiæ, & celsas eius petit ocus ædes.  
Excipit Aeneam comiter rex Arcas, & armis  
Vindicet Hetruscos à rege infanda furente  
Suadet, & Hetruriæ gemmantia sceptrâ capebat:  
Quinetiam vires belli, comitemq; ministrat  
Pallantem. Confert pugnacia Mulciber arma.*

**Act. III.** *Atq; ea diuersa penitus dum parte geruntur  
Irim de cælo mittit Saturnia Iuno  
Audacem ad Turnum, pugnae ne negligat ansam  
Absente Aenea; Troianos opprimat armis.  
Hic velluti pleno lupo insidiatus ouili  
Turnus in Aeneadas sævit, multosq; feroci  
Tollit Marte, tamen Rutulo sine sanguine paucos.  
Nisus & Eurialus Troës sternuntur amici:  
Volsens ultrixi Rutulus simul occupat ense.*

**Act. IIII** *Dardanidum castra aspectans populosq; Latinos  
Iupiter, extemplo verbis compellat amicis  
Cœlicolas, firmo suadens cum fœdere pacem:  
Sed Venus & Iuno rabida implacabilis ira*

*Rixantur*



Rixantur dictis nec habet discordia finem;  
Cur pater omnipotens neutrum se velle iuuare  
Annuit, ancipiti sed eos committere sorti.

Interea Rutulus scuit dum Marte cruento;  
Iuppiter & ortas studuit componere lites  
Dardanium fandi doctissima Cymodocea  
Admonet afflictos Troianos eruat armis:  
Ocyor Æneas iaculo, trucem aduolat hostem  
Committens diram multo cum sanguine stragem.  
Heu nimium diram, cecidisti, Palla, parentis  
Vnica spes, tremulæ solatia magna senectæ.  
Turne quid exultas victor? tuus ille Deorum  
Contemptor, iustis cecidit Mezentius armis  
Æneæ, puerum qui meruit funere Lausum.  
Te quoq; Turne manu rapidus misisset ad Orcum  
Ni subito campis fugisses ocior illis.

Vt duce Dardanio tantas videre Latini  
Cædes, certatim circumstant limina Regis  
Dirum execrantes bellum, Turniq; hymenæos  
Ipsum armis ipsumq; iubent decernere ferro,  
Qui regnum Italiæ & primos sibi poscit honores.  
Hos inter motus, medio in flagrante tumultu  
Ecce super mæsti magna Diomedis ab vrbe  
Legati responsa ferunt: nihil omnibus actum  
Tantum impensis operum, nil dona nec aurum  
Nec magnas valuisse preces, alia arma Latinis

Act. V.

A 2.

Querenda



Quærenda, aut pacem Troiano à rege petenaum.  
 Deficiens magno luctu rex ipse Latinus  
 Centum oratores mittit qui dona ferentes  
 Cum duce Troiano sanctissima fœdera iungat  
 Consultans sedet in medijs rex maximus æuo,  
 Et monet vt mentis quæ sit sententia dicant:  
 Tum Drances Rutulo infensus non multa moratus  
 Surgit & in Turnum dictis infertur amaris:  
 Hortatur genero fatali cæde furenti  
 Egregiam iungat gnatam dignis hymenæis.  
 Iunxerit æternam sibi Rex hoc fœdere pacem.  
 Talibus exarsit dictis violentia Turni  
 Nunc Drancem timidum, nunc seditione potentem  
 Arguit, obiecto defendens crimine nomen.  
 Illi hæc inter se dubijs de rebus agebant  
 Certantes, castra Æneas aciemq; mouebat.  
 Nuncius ingenti per regia tecta tumultu  
 Ecce ruit, magnisq; urbem terroribus implet  
 Instructos acie Tyrrheno à flumine Teucros  
 Tyrrhenamq; manum totis descendere campis.  
 Turnus sese intrò sumpturus sæua recepit  
 Arma, sed occurrit fatis impulsa Camilla  
 Se satis Æneæ facturam spondet, Aruntis  
 Sed cadit illa dolis multum dilecta Dianæ:  
 Audijt vt Turnus superatam Marte Camillam,  
 Vidit & audaces animos posuisse Latinos,

Ardet



*Ardet Dardanio solo concurrere solus,  
 Ardet; at expendens casus metuensq. Latinus  
 Ausu dissuadet iuuenem, dissuadet Amata,  
 Dissuadet tepido virgo Lauinia fletu;  
 Dissuadent multum, Æneam certamine Turnus  
 Non tamen ille minus poscit; sed viribus impar  
 Sternitur, ut vitam laqueo finisset Amata.*

*Post tantos casus, post tanta pericula rerum  
 Troius Æneas regnum natamq. Latini  
 Consequitur, placida tutusq. in pace quiescit.*

## INTERLOCUTORES.

### I. ÆNEAS.

*Ascanius filius  
 Euander rex Arcadio  
 æ confederatus Æneæ.  
 Pallas filius  
 Tarchon Etruscorum dux  
 Orodes, Ligur.  
 Arnus  
 Ilioneus orator Æneæ,  
 Aletbes  
 Nisus  
 Eurialus, Caicus.  
 Iapyx medicus Æneæ*

*Iupiter  
 Vulcanus  
 Tyberinus  
 Venus  
 Cymodocea,  
 Berecynthia.*

### II. LATINVS

*Venulus orator  
 Drances æmulus Turni.  
 Amata regina  
 Lauinia filia.*

### III. TURNVS

*Mezeno*

A 3.



*Mezenzius rex Etruscorum  
confœderatus.*

*Camilla bellatrix.*

*Volscens magister equitum*

*Messapus*

*Magus*

*Liger*

*Tollumnus*

*Iuno*

*Iris*

*Diana.*

*Opis.*

*Iuturna Dea, soror Turni.*

## ACTVS PRIMVS.

*Scena prima.*

**L**atinus Troianos ad se venientes hospitio comiter excipit, & oratione Ilionei audita, Æneæ filiam Lauiniam in vxorem elocandam offert, Fauni oraculo admonitus.

*Latinus. Ilioneus. Chorus.*

*Æn: 7. Dicite Dardanidae (neq. enim nescimus & urbem  
Et genus, auditiq. aduertitis æquora cursus)*

*Quid petitis? quæ causa rates, aut cuius egenteis  
Littus ad Ausonium tot per vada cœrula vexit?  
Sive errore viæ seu tempestatibus acti,*

*(Quas*



(Qualia multa mari nante patiuntur in alto)  
Fluminis intrastis ripas, portusq; sedetis;  
Ne fugite hospitium, neque ignorete Latinos  
Saturni gentem, haud vinclo, nec legibus equam,  
Sponte sua, veterisq; Dei se more tenentem.  
Atq; equidem memini (fama est obscurior annis)  
Auruncos ita ferre seae, his ortus ut agris  
Dardanus, Idaeos Phrygiae penetrauit ad vrbes,  
Threiciamq; Samum, quae nunc Samothracia fertur.  
Hinc illum Coriti Tyrrhena à sede profectum  
Aurea nunc folio stellantis regia caeli  
Accipit, & numerum diuorum altaribus auget.  
Ilio. Rex, genus egregium Fauni, nec fluctibus actos  
Atra subegit hyems vestris succedere terris,  
Nec sidus regione viae, littusq; fefellit:  
Consilio hanc omnes, animisq; volentibus urbem  
Afferimur, pulsi regnis, quae maxima quondam  
Extremo veniens Sol aspiciebat Olympo.  
Ab Ioue principium generis: Ioue Dardana pubes  
Gaudet auo: rex ipse Iouis de gente suprema  
Troius Aeneas tua nos ad limina misit.  
Quanta per Idaeos saeuis effusa Mycenis  
Tempestas ierit campos, quibus actus vterq;  
Europae atq; Asiae fati concurrerit orbis:  
Audyt, & si quem tellus extrema refuso  
Submonet Oceano, & si quem extenta plagarum  
Quatuor in medio dirimit plaga solis iniqui. (Dilus



Diluvio ex illo tot vasta per æquora vecti  
 Dijs sedem exiguum patrijs, lictusq; rogamus  
 Innocuum, & cunctis vndamq; auramq; patentem;  
 Non erimus regno indecores; nec vestra feretur  
 Fama levis: tantiq; abolefcet gratia facti.  
 Nec Troiam Ausonios gremio. excepiſſe pigebit.  
 Fata per Æneæ iuro, dextramq; potentem,  
 Siue fide, seu quis bello eſt expertus, & armis:  
 Multi nos populi, multæ (ne temne quòd vltro  
 Præferimus manibus vittas, ac verba precantum)  
 Et petiere ſibi, & voluere adiungere gentes;  
 Sed nos fata Deum veſtras exquirere terras:  
 Imperijs egere ſuis. hinc Dardanus ortus,  
 Huc repetit: iuſſisq; ingentibus vrget Apollo.  
 Tyrrhenum ad Tybrim, & fontis vada ſacra Numici.  
 Dat tibi præterea fortunæ parua prioris  
 Munera, reſſiquias Troia ex ardente receptas.  
 Hoc pater Anchifeſ auro libabat ad aras:  
 Hoc Priami geſtamen erat, cùm iura vocatiſ  
 More daret populis: ſceptrumq; ſacerq; tiaras,  
 Iliadamq; labor veſtes.  
 Chor. Talibus Ilionei dictis defixa Latinus  
 Obtutu tenet ora: ſoloq; immobilis hæret,  
 Intentos voluens oculos: nec purpura regem  
 Picta mouet, nec ſceptra mouent Priameia tantum,  
 Quantum in connubio natæ, thalamoq; moratur:

Et



*Et veteris Fauni voluit sub pectore sortem.  
Hunc illum fatis externa à sede profectum  
Portendit generum, paribusq; in regna vocari  
Auspicijs; hinc progeniem virtute futuram  
Egregiam, & totum qui viribus occupet orbem.  
Lat.           Dij nostra incæpta secudent,  
Auguriumq; suum; dabitur Troiane quod optas:  
Munera nec sperno; non vobis rege Latino  
Diuitis vber agri, Troiæue opulentia deerit.  
Ipse modò Æneas (nostri si tanta cupido est  
Se iungi hospitio properat, sociusue vocari)  
Adueniat; vultus neue exhorrescat amicos.  
Pars mihi pacis erit dextram tetigisse Tyranni.  
Vos contra regi mea nunc mandata referte:  
Est mihi nata, viro gentis quam iungere nostræ  
Non patrio ex adyto sortes, non plurima cælo  
Monstra sinunt: generos externis affore ab oris.  
Hoc Latio restare canunt: qui sanguine nostrum  
Nomen in astra ferant: hunc illum poscere fata  
Et reor, & si quid veri mens augurat, opto.*

*Scena secunda.*

**I**Vno si nuptias Æneæ cum Lauinia non possit auertere,  
se remoraturam minatur; atq; in eam rem opera Ale  
ctus vtitur.

*Iuno.   Chorus.*

*B*

*Hen*



Heu stirpem inuisam, & fatis concurrere nostris  
Fata Phrygum, num Sigæis occumbere campis?  
Num capti potuere capi? num incensa cremaui  
Troia viros? medias acies, mediosq; per ignes  
Inuenere viam, at, credo, mea numina tandem  
Fessa iacent, odijs haud exaturata quieui.  
Quinetiam patrias excussos infesta per vndas  
Ausae sequi, & profugis toto me opponere Ponto.  
Absumptæ in Teucros vires cœliq; marisq;  
Quid Syrtes aut Scylla mihi, quid vasta Charybdis  
Profuit? optato conduntur Tybridis alueo  
Securi pelagi atq; mei. Mars perdere gentem  
Immanem Lapithum valuit; concessit in iras  
Ipse Deum antiquam genitor Calydone Dianæ  
Quod scelus aut Lapithes tantum, aut Calydone merente?  
Ast ego magna Iouis coniunx, nil linquere inausum  
Quæ potui infelix, quæ memet in omnia verti,  
Vincor ab Aenea, quod si mea numina non sunt  
Magna satis, dubitem haud equidem implorare quod vsq;  
Flectere si nequeo superos Acheronta mouebo. (quam est.  
Non dabitur regnis (esto) prohibere Latinis,  
Atq; immota manet fato Lauinia coniunx,  
At trahere, atq; moras tantis licet addere rebus;  
At licet amborum populos excindere Regum.  
Hac gener atq; socer cœant mercede suorum.  
Sanguine Troiano, & Rutulo dotabere virgo;

Et



Et bellona manet te prouuba : nec face tantum  
Lisbeis pragnans igneis enixa iugales,  
Quin idem Veneri partus suus, & Paris alter:  
Funestæq; iterum recidiua in Pergama tedæ,

Hunc mihi da proprium virgo fata nocte laborem,  
Hanc operam, ne noster honos, infractæue cedat  
Fama loco: neu connubijs ambire Latinum  
Æneadæ possint, Italosue obsidere fines.

Tu potes vnanimis armare in prælia fratres,  
Atq; odijs versare domos: tu verbera tectis,  
Funereasq; inferre faces: tibi nomina mille,  
Mille nocendi artes: fœcundum concute pectus:  
Disyce compositam pacem: sere crimina belli:  
Arma velit, poscatq; simul rapiatq; iuuentus.

Cho. Exin Gorgoneis Alecto infecta venenis  
Principio Latium & Laurentis tecta tyranni  
Celsa petit, tacitumq; obsedit limen Amatæ,  
Quam super aduentu Tencrûm, Turniq; Hymenæis  
Fœmineæ ardentem curæq; iræq; coquebant.  
Huic Dea cæruleis vnum de crinibus anguem  
Coniicit, inq; suum præcordia ad intima subdit:  
Quo furibunda domum monstro permisceat omnem,

Scena tertia.

**A** Mata regina ab Alecto impulsæ Latinum maritum des  
hortatur ne Æneæ filiam in vxorem committat.

B 2.

Amata.



*Amata: Chorus.*

*Exulibus ne datur ducenda Lauinia Teucris  
O genitor? nec te miseret natæq, tuig?  
Nec matris miseret, quam primo Aquilone relinquet  
Perfidus alta petens, abducta virgine prædo?  
At non sic Phrygius penetrat Lacedæmona pastor,  
Ledaamq, Helenam Troianas vexit ad arces?  
Quid tua sancta fides, quid cura antiqua tuorum,  
Et consanguineo toties data dextera Turno?  
Si gener externa petitur de gente Latinis,  
Idq, sedet, Fauniq, premunt te iussa parentis:  
Omnem equidem sceptris terram, quæ libera nostris  
Dissidet, externam reor & sic dicere diuos.  
Et Turno, si prima domus repetatur origo,  
Inachus, Acrisiusq, patres, mediæq, Mycenæ.  
Chor. His vbi nequicquam dictis experta, Latinum  
Contra stare videt penitusq, in viscera lapsum  
Serpentis furiale malum, totamq, pererrat:  
Tum verò infelix ingentibus excita monstribus,  
Immensa sine more fuerit lymphata per urbem.*

*Scena quarta.*

**A**LECTO in Calyben anum transformata Turnum Lauiniam procum ad bellum extimulat. Deinde se ad Troianos conuertens, illos in prælium cum rusticis Latinis committit, occasione è ceruo ab Ascanio traiecto sumpta.  
*Alecto*



*Alecto. Turnus. Chorus.*

*Turne tot incaſſum fuſos patière labores?  
Et tua Dardanijs tranſcribi ſcripta colonis?  
Rex tibi coniugium, & quaſitas ſanguine dotes  
Abnegat; externuſq; in regnum quaeritur hæres:  
Inunc, ingratis offer te irriſe periclis:  
Tyrrhenas iſterne acies; tege pace Latinos.  
Hæc adeo tibi me, placida cùm nocte iaceres,  
Ipſa palàm fari omnipotens Saturnia iuſſit.  
Quare age & armari pubem, portisq; moueri  
Letus in arma para & Phrygios qui flumine pulchro  
Conſedère duces, pietasq; exure carinas.  
Cæleſtùm vix magna iubet Rex ipſe Latinus,  
Ni dare coniugium, & dicto parere fatetur,  
Sentiat, & tandem Turnum experiatur in armis.*

*Turn. Claſſes inuectas Tybridis vndam,  
Non, vt rete, meas effugit nuncius aureis;  
Ne tantos mihi finge metus, nec regia Iuno  
Immemor eſt noſtri.*

*Sed te victa ſitu, veri q; effæta ſenectus,  
O mater, curis nequicquam exercet, & arma  
Regum inter falſa vatem formidine ludit.*

*Cura tibi Diuùm effigies, & templa tueri:  
Bella viri, pacemq; gerant quâs bella gerenda.*

*Ale. En ego victa ſitu, quàm veri effæta ſenectus*

*B 3.*

*Arma*



*Arma inter regum falsa formidine luditi;  
 (Respice ad hæc) adsum Dirarum ab sede sororum  
 Bella manu, lethumq̃ gero.  
 Chor. Sic effata, facem iuueni coniecit, & atro  
 Lumine fumanteis fixit sub pectore tedas.  
 Olli somnum ingens rupit pavor: ossaq̃ & artus  
 Perfudit toto proruptus corpore sudor.  
 Arma amens fremit, arma toro tectisq̃ requirit:  
 Sæuit amor ferri; & scelerata insania belli:  
 Ira super; magno veluti cum flama sonore.  
 Virgea suggeritur costis vndantis abeni:  
 Exultantq̃ æstu latices: furit intus aquai  
 Fumidus atq̃ altè spumis exuberat amnis.  
 Nec iam se capit vnda, volat vapor ater ad auras  
 Ergo iter ad regem, polluta pace, Latinum  
 Indicit primis iuuenum, & iubet arma parari.  
 Tutari Italiam, detrudere finibus hostem:  
 Se satis ambobus Teucrisq̃ venire Latinisq̃.  
 Ch. Sec. Certatim sese Rutuli exhortantur in arma.  
 Hunc decus egregium formæ mouet, atq̃ iuuentæ:  
 Hunc atavi reges, hunc clavis dextera factis.  
 Dum Turnus Rutulos animis audacibus implet,  
 Alecto in Teucros Stygijs se concitat alis,  
 Arte noua speculata locum, quo littore pulcher  
 Insidijs, cursuq̃ feras agitabat Iulus.  
 Hic subitam canibus rabiem cocytia virgo*

*Obijcit*



Obijcit, & noto nares contingit odore,  
Ut ceruum ardentem agerent: quæ prima malorum  
Causa fuit, belloq; animos accendit agrestes.

*Scena quinta.*

Aleſto. Iuno. Chor.

Stant belli causæ: pugnatur cominus armis.  
Quæ fors prima dedit, sanguis novus imbuat arma  
Talia connubia & tales celebrent hymenæos  
Egregium Veneris genus, & rex ipse Latinus.  
Ter super æthereas errare licentius auras  
Haud pater ipse velit summi regnator Olympi.  
Cede locis: ego, si qua super fortuna laborum est,  
Ipsa regam.

(Cho.



Cho.

Taleis dederat Saturnia voces

Illa autem attollit stridenteis anguibus alas  
Cocytig petit sedem, super ardua linquens.  
Est locus Italiae in medio sub montibus altis  
Nobilis, & fama multis memoratus in oris,  
Ansancti valles: densis hunc frondibus atrum  
Urget vtrinque latus nemoris: medioque fragosis  
Dat sonitum saxi, & torto vortice torrens.  
Hic specus horrendum & saevi spiracula Ditis  
Monstrantur, ruptoque ingens Acheronte vorago  
Pestiferas aperit fauces: quae condita Erinnyes  
Inuisum numen, terras caelumque leuabat.

Nec minus interea extremam Saturnia bello  
Imponit regina manum: ruit omnis in urbem  
Pastorum ex acie numerus, caesosque reportant  
Almonem puerum, fœdatique ora Galeſi:  
Implorantque Deos, obtestanturque Latinum.  
Turnus adest, medioque in crimine cædis & ignis  
Terrorum ingeminat: Teucrosque in regna vocari,  
Stirpem admisceri Phrygiam: se limine pelli.  
Tum quorum attonite Baccho nemora auia matres  
Insultant Thyasis (neque enim leue nomen Amatae)  
Vndique collecti coeunt, Martemque fatigant.  
Ilicet infandum cuncti contra omnia bellum,  
Contra fata Deum peruerso numine poscunt.  
Certatim regis circumstant tecta Latini:

Ille



Ille velut pelagi rupes immota resistit :  
Vt pelagi rupes magno veniente fragore,  
Quæ sese , multis circumlatrantibus undis,  
Mole tenet : scopuli nequicquam & spumea circum  
Saxa fremunt , lateriq; illisa refunditur alga.  
Verum vbi nulla datur cœcum exuperare potestas  
Consilium & seue nutu Iunonis eunt res :  
Multa Deos , aurasq; pater testatus inanes :  
Frangimur heu fati , inquit , ferimurq; procella.  
Ipsi has sacrilego pendetis sanguine penas  
O miseri : te , Turne , nefas , te triste manebit  
Supplicium : votisq; Deos venerabere seris.  
Nam mihi parta quies , omnisq; in limine portus  
Funere fœlici spoliior , nec plura locutus  
Sepsit se tectis , rerumq; reliquit habenas.

Miserat Hesperio in Latio , quem protinus vrbes  
Albanæ coluere sacrum : nunc maxima rerum  
Roma colit : cum prima mouent in prælia Martem,  
Siue Getis inferre manu lachrymabile bellum  
Hircanisue Arabisue parant , seu tendere ad Indos,  
Auroramq; sequi , Parthosq; reposcere signa.  
Sunt geminæ belli portæ ( sic nomine dicunt )  
Relligione sacræ & seui formidine Martis.  
Centum aurei claudunt vectes , æternaq; ferri  
Robora , nec castos absistit limine Ianus :  
Has vbi certa sedet patribus sententia pugnæ

C

Ipse



*Ipse Quirinali trabea, cinctuq; Gabino:  
Insignis, referat stridentia limina consul:  
Ipse vocat pugnās: sequitur tum cætera pubes,  
Aereaq; assensu conspirant cornua rauco.  
Hoc & tum Æneadis indicere bella Latinus  
More jubebatur tristesq; recludere portas.  
Abstenuit tactu pater, auersusq; refugit  
Fæda ministeria, & cæcis se condidit umbris.*

*Scena sexta.*

*Æ*Neam coniuratione Latinorum cum Turno sollicitum Tyberinus solatur: & Euandrum Arcas dicit regem socium belli sibi quærat, hortatur.

*Chorus. Tyberinus. Æneas.*

*Æne:8 Talia per Latium: quæ Laomedontius heros  
Cuncta videns, magno curarum fluctuat æstu,  
Atq; animum nunc huc celerem, nunc diuidit illuc:  
In partesq; rapit varias, perq; omnia versat:  
Sicut aquæ tremulum labris ubi lumen abenis  
Sole repercussum, aut radiantis imagine Lunæ,  
Omnia peruolitat latè loca: iamq; sub auras  
Erigitur, summiq; ferit laquearia tecti.  
Tib. O fate gente Deum, Trojana ex hostibus urbem  
Qui reuehis nobis, æternaq; Pergama seruas,  
Expectate solo Laurenti, aruisq; Latinis:*

*Hic*



*Hic tibi certa domus, certi, (ne abfiste) Penates;*

*Neu belli terrere minis timor omnis & ira*

*Concessere Deum.*

*Iamq; tibi (ne vana putes hac fingere somnum)*

*Littoreis ingens inuenta sub ilicibus sus*

*Triginta capitum fetus enixa iacebit*

*Alba solo recubans, Albi circum vbera nati.*

*Hic locus urbis erit, requies ea certa laborum;*

*Ex quo ter denis urbem redeuntibus annis,*

*Ascanius clari condet cognominis Albam.*

*Haud incerta cano. Nunc qua ratione, quod instat*

*Expedias victor, paucis, aduerte, docebo.*

*Arcades his oris, genus à Pallante profectum,*

*Qui regem Euandrum comites, qui signa secuti,*

*Delegere locum, & posuere in montibus urbem,*

*Pallantis proavi de nomine Pallanteum;*

*Hic bellum assidue ducunt cum gente Latina;*

*Hos castris adhibe socios, & foedera iunge*

*Ipse ego te ripis & recto flumine ducam:*

*Aduersum remis superes subuectus ut amnem.*

*Surge age nate Dea, primisq; cadentibus astris*

*Iunoni fer ritè preces: iramq; minasq;*

*Supplicibus supera votis; mihi victor honorem*

*Per solues: ego sum pleno quem flumine cernis*

*Stringentem ripas, & pingua culta secantem*

*Ceruleus Tybris, cælo gratissimus amnis;*

*C 2.*

*Hic*



*Hic mihi magna domus celsis caput vrbibus exit.*  
*Æn.* Nymphæ, Laurentes Nymphæ, genus amnibus  
*Tuq̃* ô Tybri tu ô genitor cum flumine sancto, (Vnde est,  
*Accipite Æneam, & tandem arcete periclis.*  
*Quò te cunq̃ lacus, miserantem incommoda nostra*  
*Fonte tenent, quocunq̃ solo pulcerrimus exis,*  
*Semper honore meo, semper colebrabere donis.*  
*Corniger Hesperidum fluius regnator aquarum,*  
*Adsis ô tandem, & propius tua numina firmes.*

## ACTVS SECVNDVS.

### *Scena prima.*

**P**allas Æneam comiter exceptum ad patrem Euandrum ducit, qui Æneam auxiliatrices copias aduersus Turnum petentem voti compotem facit.

*Pallas. Æneas. Euander.*

*Iuuenes, quæ causa subegit*  
*Ignotas tentare vias? quò tenditis,*  
*Quî genus? vnde domo? pacemne huc fertis an arma?*

*ÆNEAS* ramum oliuæ manu exhibens

*Troiugas ac tela vides inimica Latinis:*  
*Quos illi bello profugos egêre superbo:*

*Euandrum*



*Euandrum petimus, ferte hæc & dicite lectos  
Dardaniæ venisse Duces socia arma rogantes.  
Pal. Egredere, ô quicumq; es (ait) coramq; parentem  
Alloquere, ac nostris succede Penatibus hospes.  
Æn. Optime Graiugenum, cui me fortuna precari  
Et vitta comptos voluit prætere ramos;  
Non equidem extimui, Danaûm quod ductor & Arcas  
Quodq; à stirpe fores geminis conjunctus Atridis.  
Sed mea me virtus & sancta oracula Divûm,  
Cognatq; patres, tua terris dedita fama,  
Coniungere tibi & fatis egere volentem.  
Dardanus Iliacæ primus pater urbis & author,  
Electra (vt Gray perhibent) Atlantide cretus,  
Aduerbitur Teucros: Electram maximus Atlas  
Edidit, æthereos humero qui sustinet osbes.  
Vobis Mercurius pater est, quem candida Maja  
Cyllenes gelido conceptum vertice fudit.  
At Majam (auditis si quicquam credimus) Atlas  
Idem Atlas generat, cœli qui sidera tollit.  
Sic genus amborum scindit se sanguine ab vno.  
His fretus, non legatos, neq; prima per artem  
Tentamenta tui pepigi: me me ipse meumq;  
Obijci caput & supplex ad limina veni.  
Gens eadem quæ te crudeli Daunia bello  
Insequitur: nos si pellant nihil abfore credunt,  
Quin omnem Hesperiam penitus sua sub iuga mittant,*

C 3.

Et



Et mare quod supra teneant, quodq; alluit infra  
 Accipe, daq; fidem: sunt nobis fortia bello  
 Pectora, sunt animi & rebus spectata iuventus.  
 Euan. Vt te fortissime Teucrum  
 Accipio agnoscoq; libens: ut verba parentis,  
 Et vocem Anchise magni, vultumq; recordor:  
 Nam memini Hesiones visentem regna sororis  
 Laomedontiadem Priamum Salamina petentem,  
 Protinus Arcadiæ gelidos inuisere fines.  
 Tum mihi prima genas vestibat flore iuuenta:  
 Mirabarq; duces Teucros, mirabar & ipsum  
 Laomedontiadem: sed cunctis altior ibat  
 Anchises: mihi mens iuuenili ardebat amore  
 Compellare virum & dextræ coniungere dextram.  
 Accessi, & cupidus Phenei sub mœnia duxi.  
 Ille mihi insignem pharetram, Lyciasq; sagittas  
 Discedens, chlamidemq; auro dedit intertextam,  
 Frænaq; bina, meus quæ nunc habet aurea Pallas.  
 Ergo & quam petitis iuncta est mihi fœdere dextra:  
 Et lux cum primum terris se crastina reddet,  
 Auxilio lætos dimittam, opibusq; iuuabo.  
 Interea sacra hæc (quando huc venistis amici)  
 Annua, quæ differre nefas, celebrate fauentes  
 Nobiscum; & jam nunc sociorum assuescite mensis.

Scena secunda.

Venus



Venus Vulcanum compellans arma filio impetrat.

Venus. Vulcanus.

Dum bello Argolici vastabant Pergama reges  
Debita, casurasq; inimicis ignibus arces:  
Non ullum auxilium miseris, non arma rogaui  
Artis opisq; tuæ: nec te charissime coniunx,  
Incasumq; tuos volui exercere labores:  
Quamuis & Priami deberem plurima natis,  
Et durum Aeneæ fleuissem sæpè laborem.  
Nunc Iouis imperijs Rutulorum constitit oris.  
Ergo eadem supplex venio: & sanctum mihi numen,  
Arma rogo genetrix nato. te filia Nerej,  
Te potuit lachrymis Tithonia flectere coniunx.  
Aspice qui coëant populi, quæ mœnia clausis  
Ferrum acuant portis, in me, excidiumq; meorum.  
Vul. Quid causas petis ex alto? fiducia cessit  
Quò tibi diua mei? similis si cura fuisset,  
Tum quoq; fas nobis Teucros armare fuisset.  
Nec pater omnipotens Trojam, nec fata vetabant  
Stare, decemq; alios Priamum superesse per annos.  
Et nunc si bellare paras, atq; hæc tibi mens est,  
Quicquid in arte mea possum promittere curæ,  
Quod fieri ferro, liquidòue potest electro:  
Quantum ignes animæq; valent: absiste precando  
Viribus indubitare tuis.

Scena



Scena tertia.

**E**Vander Æneam ad bellum contra Mezentium He-  
truriz regem hortatur, filio Pallante illi iuncto.

*Euander. Æneas. Chorus.*

Maxime Teucrorum ductor, quo sospite nunquam  
Res equidem Troje victas, aut regna fatebor:  
Nobis ad belli auxilium pro nomine tanto  
Exiguæ vires; hinc Tusco claudimur amni,  
Hinc Rutulus premit, & murum circumsonat armis.  
Sed tibi ego ingentes populos, opulentaq; regnis  
Iungere castra paro; quam fors inopina salutem  
Ostentat; fatis huc te poscentibus affers,  
Haud procul hinc saxo incolitur fundata vetusto  
Vrbis Agillinae sedes; ubi Lydia quondam  
Gens bello præclara, iugis insedit Hetruscis:  
Hanc multos florentem annos, Rex deinde superbo  
Imperio; & sævis tenuit Mezentius armis:  
Quid memorem infandas cædes? quid facta tyranni  
Effera? Dij capiti ipsius, generiq; reseruent.  
Mortua quinetiam iungebat corpora viuis  
Componens manibusq; manus atq; oribus ora,  
(Tormenti genius) & sanie taboq; fluentes  
Complexu in misero, longa sic morte necabat.  
At fessi tandem ciues, infanda furentem

*Armati*



*Armati circumstant, ipsumq; domumq;  
Obtruncant socios, ignem ad fastigia jactant.  
Ille inter cedes Rutulorum elapsus in agros,  
Confugere & Turni defendier hospitibus armis.  
Ergo omnis furis surrexit Hetruria iustis:  
Regem ad supplicium presenti Marte repossunt.  
His ego te Aenea ductorem millibus addam.  
Toto namq; fremunt condensæ littore puppes,  
Signaq; ferre jubent: retinet longævus aruspex  
Fata canens: ô Mæonia delecta iuventus,  
Flos veterum, virtusq; virum, quos justus in hostem  
Fert dolor, & merita accendit Mezentius ira:  
Nulli fas Italia tantam subiungere gentem:  
Externos optare duces, tum Hetrusca resedit  
Hoc acies campo, monitis exterrita Divum.  
Ipse oratores ad me, regniq; coronam  
Cum sceptro misit, mandatq; insignia Tarchon;  
Succedam castris, Tyrrhenaq; regna capeffam.  
Sed mihi tarda gelu, seclisq; effæta senectus  
Invidet imperium, seræq; ad fortia vires.  
Gnatum exhortarer, ni mistus matre Sabella  
Hinc partem patriæ traheret. Tu cuius & annis,  
Et generi fatum indulget, quem numina poscant,  
Ingredere ô Teucrûm atq; Italiam fortissime ductor,  
Hunc tibi prætereâ spes & solatia nostri  
Pallanta adiungam: sub te tolerare magistro*

*D*

*Militiam*



Militiam, & graue Martis opus, tua cernere facta  
Assuescat, primis & te miretur ab annis.  
Arcades huic equites, bis centum robora pubis  
Lecta dabo, totidemq; suo tibi nomine Pallas.  
Cho. Defixiq; ora tenebant

Aeneas Anchisiades & fidus Achates:  
Multaq; dura suo tristi sub corde putabant:  
Ni signum caelo Cytherea dedisset aperto  
Namq; improviso vibratus ab aethere fulgor  
Cum sonitu venit, & ruere omnia visa repente,  
Tyrrhenusq; tubae mugire per aethera clangor.  
Suspiciunt, iterum atq; iterum fragor intonat ingens.  
Arma inter nubem, caeli in regione serena  
Per sudum rutilare vident, & pulsa tonare.  
Obstupere animis alij: sed Trojus heros  
Agnouit sonitum & diuinae promissa parentis.  
Tum memorat,

Aen. Ne verò hospes, ne quærè prosectò  
Quem casum portenta ferant, ego poscor olympo:  
Hoc signum cecinit missuram diua creatrix  
Si bellum ingrueret, Vulcaniaq; arma per auras  
Laturam auxilio.  
Heu quantae miseris caedes Laurentibus instant?  
Quas pœnas mihi Turne dabis: quam multa sub undas  
Scuta virum, galeasq; & fortia corpora volues  
Tybri pater? poscant acies, & fœdera rumpant.

En.



En, O mihi præteritos referat si Iupiter annos,  
Qualis eram cum primam aciem Præneste sub ipsa  
Straui, scutorumq; incendi victor aceruos;  
Et regem hac Herilum dextra sub Tartara misi:  
Nascenti cui treis animos Feronia mater  
(Horrendum dictu) dederat, terna arma mouenda:  
Ter letho sternendus erat: cui tum tamen omneis  
Abstulit hæc animas dextra, & totidem exuit armis.  
Non ego nunc dulci amplexu diuellerer vsquam  
Nate tuo: neq; finitimas Mezentius vnquam  
Huic capiti insultans, tot ferro seuâ dedisset  
Funera, tam multis viduasset ciuibus urbem.  
At vos ô superi, & diuûm tu maxime rector  
Iupiter, Arcadij quæso miserescite Regis,  
Et patrias audite preces: si numina vestra  
Incolumen Pallanta mihi, si fata reseruant,  
Si visurus eum viuo, & venturus in vnum:  
Vitam oro: patiar quemuis durare laborem:  
Sin aliquem infandum casum fortuna minaris:  
Nunc nunc ô liceat crudelem abrumperé vitam,  
Dum curæ ambiguae, dum spes incerta futuri,  
Dum te, chare puer, mea sola & sera voluptas,  
Complexu teneo: grauior me nuncius aures  
Vulneret.

Ch. Hæc genitor digressu dicta supremo  
Fandebat: famuli collapsum in tecta ferebant.

D 2.

Scena



*Scena quarta.*

**V**enus Æneæ arma à Vulcano fabricata commendat.

*Venus. Chorus.*

*En perfecta mei promissa coniugis arte  
Munera: ne mox aut Laurenteis, nate, superbos  
Aut acrem dubites in prælia poscere Turnum.  
Cb. Ille Deæ donis, & tanto letus honore  
Expleri nequit, atq; oculos per singula voluit:  
Miraturq; interq; manus & brachia versat  
Terribilem cristis galeam, flammâq; vomentem,  
Fatiferumq; ensen, loricam ex ære rigentem,  
Sanguineam, ingentem: qualis cùm cærulea nubes  
Solis inardescit radijs, longeq; refulget.  
Tum leueis ocreas electro, auroq; recocto,  
Hastamq; & clypei non enarrabile textum.*

**ACTVS TERTIVS.**

**T**urnus ab Iride Iunonis pedissequa admonitus Tro-  
ianos absente Ænea adoritur victoriæ obtinendæ  
quàm fidentissimus Fiduciam eius non parum adauxit  
prodigium coelitus visum & auditum.

*Iris. Turnus. Caicus. Berecynthia. Chorus.*

*Æne: 9. Turne, quod optanti Diuûm promittere nemo*

*Auderet*



*Auderet voluenda dies en attulit ultro.  
Æneas vrbe, & socijs & classe relicta,  
Sceptra Palatini, sedemq̃ petiuit Euandri.  
Nec satis, extremas Coriti penetrauit ad vrbes,  
Lydorumq̃ manum, collectos armat agrestes,  
Quid dubitas? nunc tempus equos, nunc poscere currus:  
Rumpe moras omneis, & turbata arripe castra.  
Æn. Iri decus cœli, quis te mihi nubibus actam  
Detulit in terras? vnde hæc tam clara repentè  
Tempestas? video medium discedere cœlum,  
Palantesq̃ polo stellas: sequar omnia tanta  
Quisquis in arma vocas.  
Cb. Iamq̃ omnis campis exercitus ibat apertis  
Diues equum, diues pictæ vestis & auri,  
Cai. Quis globus ô ciues caligine voluitur atra?  
Ferte citi ferrum, date tela, scandite muros  
Hostis adest. eja.  
Cb. Ingenti clamore per omnes  
Condunt se Teucris portas & mœnia complent  
Namq̃ ita discedens præceperat optimus armis  
Æneas: si qua interea fortuna fuisset,  
Ne struere auderent aciem, neu credere campo  
Castra modò & tutos seruarent aggere muros.  
Tur. Ecquis erit mecum, iuuenes, qui primus in hostem?  
Cb. Ac veluti pleno lupo insidiatus ouili,  
Cum fremit ad caulas, ventos perpesus & imbreis*

*D 3.*

*Nocte*



Nocte super media, tuti sub matribus agni  
 Balatum exercent: ille asper & improbus ira  
 Seuit in absentes collecta fatigat edendi  
 Ex longo rabies & sicca sanguine fauces:  
 Haud aliter Rutulo muros & castra tuenti  
 Ignoscunt iræ, & duris dolor ossibus ardet:  
 Qua tentet ratione aditus, & quæ via clausos  
 Excutiat Teucros vallo, atq; effundat in æquor.  
 Ber. Ne trepidate meas Teucris defendere naues:  
 Neue armate manus: maria ante exurere Turno,  
 Quàm sacras dabitur pinus. Vos ite solute,  
 Ite Deæ pelagi, genetrix iubet, Ch. & sua quæq;  
 Continuo puppes abrumpunt vincula ripis:  
 Delphinumq; modo demersis æquora rostris  
 Ima petunt, hinc virginea (mirabile monstrum)  
 Reddunt se totidem facies, pontoq; feruntur,  
 Quot prius æratæ steterant ad littora proræ.  
 Obstupere animis Rutuli: conterritus ipse  
 Turbatus Messapus equis: cunctatur & amnis  
 Rauca sonans: renocatq; pedem Tyberinus ab alto.  
 At non audaci cessit fiducia Turno:  
 Ultrò animos tollit dictis atq; increpat Ultrò:  
 Tur. Trojanos hæc monstra petunt: his Iupiter ipse  
 Auxilium solitum eripuit: non tela, nec ignes  
 Expectant Rutulos, ergo maria iniua Teucris:  
 Nec spes vlla fugæ: rerum pars altera adempta est.  
Terra



Terra autem in manibus nostris : tot millia gentis  
Arma ferunt Italæ : nil me fatalia terrent,  
Si qua Phryges præ se jaçant responsa Deorum:  
Sat fatis Veneriq; datum est , tetigere quod arua  
Fertilis Ausoniae Troes : sunt & mea contra  
Fata mihi , ferro sceleratam excindere gentem,  
Coniuge prærepta : nec solos tangit Atridas  
Iste dolor , solisq; licet capere arma Mycenis.  
Sed perijsse semel satis est , peccare fuisset  
Ante fatis , penitus modò non genus omne perosos  
Fœmineum ; quibus hæc mediæ fiducia valli,  
Fosbarumq; moræ , lethi discrimina parua  
Dant animos , an non viderunt mœnia Trojæ  
Neptuni fabricata manu considerare in ignes?  
Sed vos ô lecti , ferro quis scindere vallum  
Apparat ? & mecum inuadit trepidantia castra?  
Non armis mihi Vulcani , non mille carinis  
Est opus in Teucros , addant se protinus omnes  
Hetrusci socios ; tenebras & inertia furti  
Palladij , cæsis summæ custodibus arcis,  
Ne timeant ; nec equi cæco condemur in aluo :  
Luce palàm certum est igni circumdare muros.  
Haud sibi cum Danaïs rem , faxo , & pube Pelasga  
Esse putent ; decimum quos distulit Hector in annum.  
Nunc aded , melior quoniam pars acta diei,  
Quod superest , læti benè gestis corpora rebus

Procurate



Procurate viri, & pugnam sperate parati.  
Ch. Purpurei cristis inuenes, auroq; corusci  
Discurrunt, variantq; vices; fusiq; per herbam  
Indulgent vino, & vertunt crateras ahenos  
Collucent ignes; noctem custodia ducit  
Insomnem ludo.

Scena secunda.

Nisus & Eurialus amici integerrimi in cladem Rutulorum conspirantes elogio Alethis. & propositis Ascanij præmijs amplius incenduntur. Abiturus verò Eurialus matrem Ascanio commendat.

Nisus. Eurialus. Alethes. Ascanius.

Nis. Dijné hunc ardorem mentibus addunt  
Euriale? an sua cuiq; Deus fit dira cupido?  
Aut pugnam, aut aliquid iamdudum inuadere magnum  
Mens agitat mihi, nec placita contenta quiete est.  
Cernis quæ Rutulos habeat fiducia rerum?  
Lumina rara micant, somno vinoq; soluti  
Procubuere: silent latè loca. percipe porro  
Quid dubitem, & quæ nunc animo sententia surgat.  
Ænean acciri omnes, populusq; patresq;  
Exposcunt, mittiq; viros qui certa reportent,  
Si tibi, quæ posco, promittunt (nam mihi facti  
Fama sat est) tumulto vidzor reperire sub illa

Posse



Poſſe viam ad muros & mœnia Pallantea

Eu. Méne igitur ſocium ſummis adiungere rebus?

Niſe fugis? ſolum te in tanta pericula mittam?

Non ita, me genitor bellis aſſuetus Opheltes

Argolicum terrorem inter, Trojaeq; labores

Sublatum erudit; nec tecum talia geſſi,

Magnanimum Æneam & fata extrema ſecutus,

Et hic, eſt animus lucis contemptor, & iſtum

Qui vita benè credat emi, quò tendis, honorem,

Ni. Equidem de te nil tale verebar:

Nec fas: non ita me reſerat tibi magnus ouantem

Iupiter, aut quicumq; oculis hæc aſpicit æquis.

Sed ſi quis (quæ multa vides discrimine tali)

Si quis in aduerſum rapiat caſusue Deusue,

Te ſuperèſſe velim: tua vita dignior ætas.

Si qui me raptum pugna, præciòue redemptum

Mandet humo ſolida; aut ſi qua id fortuna vetabit.

Absenti ferat inferias, decoretq; ſepulchro;

Neu matri miſeræ tanti ſim cauſa doloris;

Quæ te ſola, puer, multis è matribus auſa

Proſequitur, magni nec mœnia curat Aceſtæ.

Eu. Cauſas nequicquam nectis inanes,

Nec mea jam mutata loco ſententia cedit.

Acceleremus

Ni. Audite ô mentibus æquis

Æneadæ: neue hæc noſtris ſpectentur ab annis,

E

Quæ



Quæ ferimus : Rutuli somno vinoq. sepulti  
 Conticuere : locum insidijs conspeximus ipsi.  
 Qui patet in biuio portæ , quæ proxima Ponto.  
 Interrupti ignes : aterq. ad sidera fumus  
 Erigitur. si fortuna per mittitis vti,  
 Quæsitum Ænean ad mœnia Pallantea,  
 Mox hîc cum spolijs , ingenti cæde peracta,  
 Affore cernetis : nec vos via fallit euntes :  
 Vidimus obscuris primam sub vallibus urbem  
 Venatu assiduo , & totum cognouimus amnem.  
 Al. Dij patrij , quorum semper sub nomine Troja est,  
 Non tamen omnino Teucros delere paratis,  
 Cùm taleis animos iuuenum , & tam certa tulistis  
 Pectora,  
 Quæ vobis , quæ digna , viri , pro talibus ausis  
 Præmia posse reâr solui ? pulcherrima primùm  
 Dij moresq. dabunt vestri : tum cætera reddet  
 Actutum pius Æneas , atq. integer æui  
 Ascanius , meriti tanti non immemor vnquam.  
 As. Imo ego vos , cui sola salus genitore reducto,  
 per magnos , Nise , Penates,  
 Assariciq. larem , & canæ penetralia vestæ,  
 Obtestor ( quæcunq. mihi fortuna , fidesq. est,  
 In vestris pono gremijs ) reuocate parentem :  
 Reddite conspectum : nihil illo triste recepto :  
 Bina dabo argento perfecta atq. aspera signis.

Pocula



Pocula , deuicta genitor quæ cepit Arisba  
Et tripodas geminos ; auri duo magna talenta:  
Cratera antiquum , quem dat Sidonia Dido.  
Si verò capere Italiam , sceptrisq; potiri  
Contigerit victori , & prædæ ducere sortem:  
Vidistis quo Turnus equo , quibus ibat in armis  
Aureus ; ipsum illum clypeum , cristasq; rubenteis  
Excipiam sorti : jam nunc tua præmia Nise.  
Præterea bis sex genitor lectissima matrum  
Corpora , captiuosq; dabit , suaq; omnibus arma:  
Insuper id campi , quod rex habet ipse Latinus.  
Te verò , mea quem spacijs propioribus ætas  
Insequitur , venerande puer , jam pectore toto  
Accipio , & comitem casus complector in omneis.  
Nulla meis sine te quæretur gloria rebus,  
Seu pacem , seu bella geram ; tibi maxima rerum  
Verborumq; fides.

Eur. Me nulla dies tam fortibus ausis  
Dis similem arguerit tantum : fortuna secunda  
Aut aduersa cadat : sed te super omnia dona.  
Vnum oro : genetrix Priami de gente vetusta  
Est mihi , quam miseram tenuit non Itala tellus  
Mecum excedentem , non mœnia regis Acestæ:  
Hanc ego nunc ignaram huius quodcunq; pericli est,  
Inq; salutatam linquo ( nox & tua testis  
Dextera ) quod nequeam lachrymas perferre parentis,

E 2.

At



*At tu oro, solare inopem, & succurre relictæ,  
Hanc sine me spem ferre tui; audentior ibo  
In casus omneis.*

*Asc. Spondeo digna tuis ingentibus omnia ceptis.  
Namq; erit ista mihi genetrix: nomenq; Cresæ:  
Solum defuerit, nec partum gratia talem  
Parua manet, casus factum quicumq; sequetur.  
Per caput hoc iuro, per quod pater antè solebat:  
Quæ tibi polliceor reduci, rebusq; secundis,  
Hæc eadem matriq; tuæ, generiq; manebunt.*

*Scena tertia.*

**R**Utulos somno vinoq; sepultos inuadunt Nisus & Eurialus & stratagema committunt. Verùm Eurialus galeâ Massapià se interfecti indutâ, sibi & socio periculum creat: In fugam enim conuersus, à Niso in sylua aberrat, & comprehenditur à Volscente, quem, vbi Nisus emissio iaculo eripere conaretur, duos Rutulorum transiit, ob quod factum extremè periclitante Eurialo ad hostes redit Nisus, se solum factæ cædis autorem confirmans. Sed Eurialo interfecto Nisus & Volscens alterius armis concidère.

*Chorus. Nisus. Eurialus. Volscens.*

*Egressi superant fossas; noctisq; per vmbra  
Castra inimica petunt; multis tamen antè futuri  
Exitio, passim vino somnoq; per herbam  
Corpora fusa vident, arreptos littore currus*

*Inter*



*Inter lora rotasq; viros, simul arma iacere,  
Vina simul.*

*Nis. Euriale audendum dextra; nunc ipsa vocat res;*

*Hac iter est: tu, ne qua manus se attollere nobis*

*A tergo poscit, custodi & consule longè:*

*Hæc ego vasta dabo, & lato te limite ducam.*

*Ch. Sic memorat: vocemq; premit: simul ense superbum*

*Rhamnetem aggreditur; qui fortè tapetibus altis*

*Extructus, toto proflabat pectore somnum:*

*Rex idem, & regi Turno gratissimus augur:*

*Sed non augurio potuit depellere pestem.*

*Treis iuxta famulos temerè inter tela iacentes,*

*Armigerumq; Remi premit, aurigamq; sub ipsis*

*Nactus equis, ferroq; secat pendentia colla.*

*Tum caput ipsi aufert domino, truncumq; relinquit*

*Sanguine singultantem atro tepefacta cruore*

*Terra, toriq; madent, nec non Lamyrumq; Lannumq;*

*Et juvenem Serranum; illa quæ plurima nocte*

*Luferat insignis facie; multoq; iacebat*

*Membra Deo victus; felix si protinus illum*

*Æquasset nocti ludum, ni lucemq; tulisset.*

*Vol. State viri: quæ causa viæ? quæ estis in armis?*

*Quòue tenetis iter?*

*Nis. Euriale infelix qua te regione reliqui?*

*Quaue sequar?*

*Ch.                   rursus perplexum inter omne revoluens*

*E 3.*

*Fallacis*



Fallacis sylvæ, simul & vestigia retrò  
 Obseruata legit: dumisq; silentibus errat.  
 Audit equos, audit strepitus, & signa sequentum.  
 Quid faciat? qua vi iuuenem, quibus audeat armis  
 Eripere? an sese medios moriturus in hostes  
 Inferat? & pulchram properet per vulnera mortem?  
 Nis. Tu Dea, tu præsens nostro succurre labori,  
 Astorum decus, & nemorum Latonia custos:  
 Si qua tuis vnquam pro me pater Hyrtacus aris  
 Dona tulit, si qua ipsa meis venatibus auxi,  
 Suspendiue tholo, aut sacra ad fastigia fixi:  
 Hunc sine me turbare globum, & rege tela per auras.  
 Ch. Seuit atrox Volscens, nec teli conspicit vsquam  
 Autorem, nec quò se ardens immittere poscit.  
 Vol. Tu tamen interea calido mihi sanguine pœnas  
 Per solues amborum.  
 Nis. Me, me: adsum qui feci: in me conuertite ferrum  
 O Rutuli: mea fraus omnis: nihil iste nec ausus  
 Nec potuit: cœlum hoc & conscia sidera testor:  
 Ch. Tantum infelicem nimium dilexit amicum.  
 Volscens interempto Eutialo à Niso prosternitur. Nis  
 sus etiam lethali vulnere accepto sese exanimum Eurias  
 lum amplexurum abiicit.  
 Ch. Fortunati ambo, si quid mea carmina possunt,  
 Nulla dies vnquam memori vos eximet æuo:  
 Dum domus Æneæ capitolii immobile saxum

Accolet



*Accolet, imperiumq; pater Romanus habebit.*

*Scena quarta.*

**R**utulis de Niso & Eurialo triumphum agentibus, Eurialum mater miserrimè luget.

*Hunc ego te Euryale aspicio? tunè illa senectæ  
Sera meæ requies? potuisti linquere solam  
Crudelis? nec te sub tanta pericula missum  
Affari extremum miseræ data copia matri?  
Heu, terra ignota, canibus data præda Latinis,  
Alitibusq; iaces: nec te tua funera mater  
Produxit: pressitue oculos: aut vulnera laui,  
Veste tegens, tibi quam noctes festina diesq;  
Urgebam, & tela curas solabar aniles.  
Quò sequar? aut quæ nunc artus, avulsaq; membra,  
Et funus lacerum tellus habet? hoc mihi de te  
Nate refers? quæ sunt terraq; mariq; secuta?  
Figite me, si qua es pietas, in me omnia tela  
Conjicite, ô Rutuli, me primam absumite ferro:  
Aut tu magne pater Divûm miserere, tuq;  
Inuisum hoc detrude caput sub Tartara telo.  
Quando aliter nequeo crudelem abrumpere vitam.  
Ch. Hoc fletu concussi animi, mæstusq; per omnes  
It gemitus: torpent infractæ ad prælia vires.*

*Actus*



# ACTVS QVARTVS.

## Scena prima.

**I**upiter coacto Deorum concilio suadet reconciliatio-  
nem: sed Venere & Iunone acerrimè altercantibus  
animum mutat, se neutri pugnantium parti fautorem  
fore iuuans.

*Iupiter. Venus. Iuno.*

**Æne:**10 *Cœlicolæ magni, quenam sententia vobis  
Versa retrò? tantumq; animis certatis iniquis?  
Abnueram bello Italiam concurrere Teucris:  
Quæ contra vetitum discordia? quis motus, aut hos,  
Aut hos arma sequi, ferrumq; laceßere suasit?  
Adueniet iustum pugnae ( ne accersite ) tempus,  
Cum fera Carthago Romanis arcibus olim  
Exitium magnum, atq; Alpeis immittit apertas:  
Tum certare odijs, tum res rapuisse licebit.  
Nunc finite, & placidum læti componite fœdus.  
Ve. O pater, ô hominum Diuûmq; æterna potestas,  
( Namq; aliud quid sit, quod iam implorare queamus )  
Cernis vt insultent Rutuli, Turnusq; feratur  
Per medios insignis equis, tumidusq; secundo  
Marte ruat; non clausa tegunt iam mœnia Teucros.  
Quin intra portas, atq; ipsis prælia miscent  
Aggeribus murorum & inundant sanguine fossæ.*

*Æneas*



*Æneas ignarus abest, nunquāme leuari  
Obsidione fines? muris iterum imminet hostis  
Nascentis Troiæ, nec non exercitus alter:  
Atq; iterum in Teucros Ætolis surgit ab Arpis  
Tydides, equidem credo mea vulnera restant,  
Et tua progenies mortalia demoror arma.  
Si sine pace tua atq; inuito numine Troës  
Italiam petiere, luant peccata, neq; illos  
Iuueris auxilio; sin tot responsa secuti,  
Quæ superi manesq; dabant, cur nunc tua quisquam  
Flectere iussa potest, aut cur noua condere fata?  
Quid repetam exustas Erycino in littore classes?  
Quid tempestatum regem, ventosq; furentis  
Ætolia excitos, aut ætæm nubibus irim?  
Nunc etiam manes (hæc intentata manebat  
Sors rerum) mouet; & superis immissa repente  
Aleto, medias Italum bacchata per vrbes.  
Nil super imperio moueor. sperauimus ista,  
Dum fortuna fuit: vincant, quos vincere mauis.  
Si nulla est regio, Teucris quam dat tua coniunx  
Dura, per euerse genitor fumantia Trojæ  
Excidia obtestor; liceat dimittere ab armis  
Incolumen Ascanium, liceat superesse nepotem:  
Æneas sanè ignotis iactetur in undis:  
Et quamcumq; viam dederit fortuna sequatur:  
Hunc tegere: & diræ valeam subducere pugnae.*

**F**

**Est**



Est Amathus, est celsa mihi Paphos atq; Cythera,  
Idaliæq; domus: positis inglorius armis  
Exigat hinc æuum: magna ditione iubeto  
Carthago premat Ausoniam: nihil vrbibus inde  
Obstabit Tyrijs, quid pestem euadere belli  
Iuuit? & Argolicos medium fugisse per ignes?  
Totq; maris, vastæq; exhausta pericula terræ,  
Dum Latium Teucris, recidiuaq; Pergama quærunt?  
Non satius cineres patriæ insedisse supremos,  
Atq; solum: quo Troia fuit? Xanthum & Simoënta  
Redde oro miseris: iterumq; reuoluere casus  
Da pater Iliacos Teucris.

Iun. Quid me alta silentia cogis  
Rumpere? & obductum verbis vulgare dolorem?  
Ænean hominum quisquam Diuūmq; subegit  
Bella sequi? aut hostem regi se inferre Latino?  
Italiam petijt fatiis authoribus: esto,  
Cassandræ impulsus furijs, num relinquere castra  
Hortati sumus? aut vitam committere ventis?  
Num puero summam belli, num credere muros?  
Tyrrhenæmue fidem, aut gentes agitare quietas?  
Quis Deus in fraudem, quæ dura potentia nostra  
Egit? vbi hinc luno, demissæue nubibus Iris?  
Indignum est Italos Trojam circumdare flammis  
Nascentem, & patria Turnum consistere terræ,  
Cui Pilumnus auus, cui Diua Venilia mater.

Quid



Quid face Troians atra vim ferre Latinis?  
 Arua aliena iuga premere atq. auertere prædas?  
 Quid soceros legere? & gremijs abducere pactus,  
 Pacem orare manu? præfigere puppibus arma?  
 Tu potes Æneam manibus subducere Graiūm,  
 Pro viro nebulam & ventos obtendere inaneis;  
 Et potes in totidem classem conuertere Nymphas.  
 Nos aliquid Rutulos contra iuuisse nefandum est.  
 Æneas ignarus abest, ignarus & absit.  
 Est Paphos Idaliūq. tibi: sunt alta Cythera:  
 Quid grauidam bellis urbem, & corda aspera tentas?  
 Nōne tibi fluxas Phrygiæ res vertere fundo  
 Conamur? nos? an miseros qui Troas Achiuīs  
 Obiecit? quæ causa fuit consurgere in arma?  
 Europamq. Asiamq. & fœdera soluere furto?  
 Me duce Dardanius Spartam expugnavit adulter?  
 Aut ego tela dedi? foniq. cupidine bella  
 Tum decuit metuisse tuis: nunc sera querelis  
 Haud iustis assurgis & irrita iurgia iactas.  
 Iup. Quandoquidem Ausonios coniungi fœdere Teucris  
 Haud licitum est, nec vestra capit discordia finem;  
 Quæcunq. est fortuna hodie, quam quisq. secatur spem,  
 Tros Rutulusue fuit, nullo discrimine habebō:  
 Seu fatis Italūm castra obsidione tenentur:  
 Siue errore malo Trojæ, monitisq. sinistris.  
 Nec Rutulos soluo: sua cuiq. exorsa laborem

F 2.

Fortuna



Fortunamq̃ ferent, rex Iupiter omnibus idem;  
Fata viam inuenient.

*Scena secunda.*

**C**ymodocea Nympha Æneam nauigantem eorum quæ  
inter Troianos & Rutulos ipso absente gerantur,  
commonefacit, Et vt se qui Troianis opem ferat ocyus  
maturet, hortatur.

*Cymodocea. Æneas. Chorus.*

*Cym.* *Vigilansne Deum gens*  
*Ænea? vigila & velis immitte rudenteis:*  
Nos sumus Ideæ sacro de vertice pinus,  
Nunc pelagi Nymphæ, classis tua, perfidus vt nos  
Præipites ferro Rutulus, flammâq̃ premebat.  
Rupimus inuitæ tua vincula, teq̃ per æquor  
Quærimus: hanc genetrix faciem miserata refecit,  
Et dedit esse Deas, æuumq̃ agitare sub vndis.  
At puer Ascanius muro fossiq̃ tenetur  
Tela inter media, atq̃ horrentes Marte Latinos.  
Iam loca iussa tenet, forti permistus Hetrusco  
Arcas eques: medias illis opponere turmas,  
Me castris iungant, certa est sententia Turno:  
Surge age & aurora socios venientem vocari  
Primus in arma iube: & chypeum cape, quem dedit ipse  
Inuictum ignipotens, atq̃ oras ambiit auro.

*Crastina*



*Crastina lux, mea si non irrita dicta putaris,  
Ingenteis Rutulae spectabis caedis aceruos.*

*Æn. Alma parens Idaea Deum cui Dindyma cordi,  
Turrigeræq; vrbes, bijugiq; ad frena leones:*

*Tu mihi nunc pugnae princeps, tu ritè propinques*

*Augurium: Phrygibusq; adsis pede diua secundo.*

*Cho. Clypeum tum deinde sinistra*

*Extulit ardentem, clamorem ad sidera tollunt*

*Dardanida è muris: SPES addita suscitât iras.*

*Tela manu iaciunt: quales sub nubibus atris*

*Strymonia dant signa grues, atq; æthera tranant*

*Cum sonitu, fugiuntq; Notos clamore secundo.*

*Scena Tertia.*

*Æ*Neam, vbi Troiani venientem agnouerunt, obfirmato animo se fortius Rutulis opposuerunt, Sed Turnus eius classem littore depellere conatus est, incitatis in eum Rutulis. Æneas in primo congressu feliciter pugnat, verum post ancipitem belli fortunam Pallas à Turno miserè trucidatur.

*Turnus. Tarchon. Pallas. Iupiter. Chorus.*

*Quod votis optastis, adest, perfringere dextra.*

*In manibus Mars ipse viri, nunc coniugis esto*

*Quisq; suæ, testiq; memor: nunc magna referto*

*Facta patrum, laudes: Vltrò occurramus ad vndam.*

*Dum trepidi, egressisq; labant vestigia prima.*

*F 3.*

*Audentes*



*Audentes fortunâ iuuat.*  
*Tarch. Nunc ô lecta manus validis incumbite remis;*  
*Tollite, ferte rates; inimicam findite rostris*  
*Hanc terram: summum sibi premat ipsa carina.*  
*Frangere nec tali puppim statione recuso,*  
*Arrepta tellure semel.*

*Commisso inter Troianos & Rutulos stratagemate*  
*clamat chorus.*

*Nunc hi nunc illi. certatur limine in ipso*  
*Ausoniae; magno discordes æthere venti*  
*Prælia ceu tollunt, animis & viribus æquis.*  
*Non ipsi inter se, non nubila, non mare cedit.*  
*Anceps pugna diu: stant obnixi omnia contrâ:*  
*Haud aliter Troianæ acies, aciesq; Latinae*  
*Concurrunt: hæret pede pes, densusq; viro vir.*  
*Pal. Quò fugitis socij? quer vos & fortia facta*  
*Per ducis Euandri nomen, deuictaq; bella,*  
*Spemq; meam, patriæ quæ nunc subit æmula laudis*  
*Fidite ne pedibus: ferro rumpenda per hostes*  
*Est via: quâ globus ille virûm densissimus vrget,*  
*Hæc vos, & Pallanta ducem patria alta reposcit.*  
*Numina nulla premunt: mortali vrgemur ab hoste*  
*Mortales totidem nobis animæq; manusq;.*  
*Ecce maris magno claudit nos obice Pontus:*  
*Deest iam terra fugæ, pelago: Trojâne petemus?*

*Stratagemate à Pallante commisso acclamat Chorus.*

*Ac*



Ac velut optato ventis aestate cooris,  
Dispersa immittit siluis incendia pastor:  
Correptis subito medijs, extenditur vna  
Horrida per latos acies Vulcania campos:  
Ille sedens victor flammis despectat ouanteis:  
Non aliter socium virtus coit omnis in vnum,  
Teq. iuuat Palla, sed bellis acer Haselus  
Tendit in aduersos, seq. in sua colligit arma.

TVRNVS Passanti cum Lauso dimicanti gloriabundus  
Solutus ego in Pallanta feror: soli mihi Pallas (minatur.  
Debetur: cupere ipse parens spectator adestet.

Aut spolijs ego jam raptis letabor opimis:

Aut letho insigni: sorti pater equus utriq. est.

Cho. Frigidus Arcadibus coit in praecordia sanguis.

Pal. Per patris hospitium, & mensas quas aduena adisti,

Te precor Alcide, captis ingentibus adsis,

Cernat seminici sibi me rapere arma cruenta:

Victoremq. ferant morientia lumina Turni.

Iup. Stat sua cuiq. dies, breue & irreparabile tempus

Omnibus est vitae: sed famam extendere factis

Hoc virtutis opus, Trojae sub mœnibus altis

Tot nati cecidere Deum, quin occidit vna

Sarpedon, mea progenies: etiam sua Turnum

Fata vocant, metasq. dati peruenit ad aui.

Tur. Aspice num mage sit nostrum penetrabile telum.

Arcades, hæc, inquam, memores mea dicta referte

Euandro



Euandro: qualem meruit Pallanta remitto.  
Quisquis honos tumuli, quicquid solamen humandi est  
Largior: haud illi stabunt Aeneia paruo  
Hospitia.

Cho. Quo nunc Turnus ouat spolio gaudetq. potitus.  
Nescia mens hominum fati, sortisq. futurae,  
Et seruare modum rebus sublata secundis.  
Turno tempus erit, magno cum optauerit emptum  
Intactum Pallanta, & cum spolia ista diemq.  
Oderit.

O dolor, atq. decus magnum rediture parenti:  
Hæc te prima dies bello dedit, hæc eadem aufert:  
Cum tamen ingenteis Rutulorum linquis acervos.

Scena quarta.

**A**Neas, Pallanti perempto inferijs exhibitis, mago  
nam stragem, Anxure, Tarquito, Lucago & Li-  
garo occilis committit.

Chorus. Magus. Aeneas. Liger.

Cho. Proxima quæq. metit gladio: latumq. per agmen  
Ardens limitem agit ferro, te, Turne, superbum  
Cæde noua querens: Pallas, Euander in ipsis  
Omnia sunt oculis: mense, quas aduena primus  
Tunc adiit, dextraq. data. Sulfone creatos  
Quatuor hic iuuenes, totidem quos educat Vfers  
Viuentes



*Viuentes rapit, inferias quos immolet umbris,  
Captiuoq; rogi perfundat sanguine flammās.*

*Magus immolandus in genua procidens supplex precatur.*

*Per patrios manes & spes surgentis Iuli,  
Te precor, hanc animam serues natoq; patriq;  
Est domus alta, iacent penitus defossa talenta  
Cælati argenti; sunt auri pondera facti,  
Infectiq; mihi, non hîc victoria Teuerûm  
Vertitur, haud anima vna dabit discrimina tanta.  
Æn. Argenti atq; auri memoras quæ multa talenta  
Gnatis parce tuis; belli commercia Turnus  
Sustulit ista prior, jam tum Pallante perempto.  
Hoc patris Anchisæ manes hoc sentit Iulus.*

*Ænea Anxurem comprehendente clamat Chorus.*

*Dixerat ille aliquid magnum; vimq; affore verbo  
Crediderat; cæloq; animum fortasse ferebat;  
Caniciemq; sibi & longos promiserat annos.*

*Tarquitus obuiam fit Æneæ & sternitur amaro sarcasmo.*

*Isthic nunc metuende jace: non te optima mater  
Condet humi, patrioue onerabit membra sepulchro:  
Alitibus linquere feris; aut gurgite mer sum  
Vnda feret; piscesq; impasti vulnera lambent.*

*Lig. Non Diomedis equos, non currus cernis Achillis,*

*G*

*Aut*



*Aut Phrygiæ campos : nunc belli finis & æui  
His dabitur terris.*

*Æneas ad Lucagum pedes traiectum.*

*Lucage, nulla tuos currus fuga segnis equorum  
Prodidit, aut vanæ vertère ex hostibus umbræ:  
Ipse rotis saliens iuga deseris.*

*Lig. Per te, per qui te talem genuère parentes  
Vir Trojane, sine hanc animam, & miserere precantis.*

*Æn. Haud talia dudum*

*Dicta dabas: morere, & fratrem ne desere frater.*

*Cho. Talia per campos edebat funera ductor  
Dardanius, torrentis aquæ vel turbinis atri  
More furens,*

*Scena quinta.*

**I***upiter Æneæ virtutem commendat, ne suspicetur Iu-  
no eum à Venere adiutum: & Iunonem pro Turno  
intercedentem admonet ut Turnum bello eripiat.*

*Iupiter. Iuno.*

*O germana mihi, atq; eadem gratissima coniunx,  
Ut rebare, Venus (nec te sententia fallit)  
Trojanas sustentat opes: non viuida bello  
Dextra viriis, animusq; ferox, patiensq; pericli.*

*Iu.*



Iu. Quid o pulcerrime coniunx  
 Sollicitas agram, & tua tristia dicta timentem?  
 Si mihi quæ quondam fuerat, quamq; esse decebat,  
 Vis in amore foret: non hæc mihi namq; negaret  
 Omnipotens, quin & pugnae subducere Turnum,  
 Et Dauno possem incolumen seruare parenti.  
 Nunc pereat, Teucrisq; pio det sanguine pœnas.  
 Ille tamen nostra deducit origine nomen:  
 Pylumq; illi quartus pater, & tua larga  
 Sæpe manu, multisq; oneravit limina donis.  
 Iup. Si mora præsentis lethi, tempusq; caduco  
 Oratur iuueni, meq; hoc ita ponere sentis:  
 Tolle fuga Turnum, atq; instantibus eripe fatis:  
 Hactenus indulisse vocat; sin altior istis  
 Sub precibus venia vlla latet, totumq; moueri  
 Mutare iue putas bellum, spes pascis inaneis.  
 Iun. Quid si, quod voce grauaris,  
 Mente dares? atq; hæc Turno rata vita maneret?  
 Nunc manet infontem grauis exitus: aut ego veri  
 Vana feror: quod ut o potius formidine falsa  
 Ludar; & in melius tua, qui potes, orsa reflectas.

Scena sexta.

I Vno Turno opitulatura immenso telorum grandine  
 Æneam obruit: quare Turnuseum fugere ratus ex-  
 ultat

G 2.



ultat, sed cognito eum adesse timet, & pugnae à lunone  
subducitur. Illi Mezētius succedit & ab Ænea vulneratus  
filiū Lausi auxilio cum vita euadit: sed Laulus Æneam  
sustinens superatur.

*Turnus. Chorus. Orodes. Mezentius.*

*Quo fugis Ænea? thalamos ne desere pactos:*

*Hac dabitur dextra tellus quaesita per undas.*

*Cho. Illum autem Æneas absentem in praelia poscit:*

*Obuia multa virūm demittit corpora morti.*

*Tur. Omnipotens genitor, tanto me crimine dignum*

*Duxisti? & taleis voluisti expendere poenas?*

*Quò feror? unde abij? quæ me fuga? quæue reducet?*

*Laurenteisné iterum muros, aut castra videbo?*

*Quid manus illa virūm, qui me meaq; arma secuti?*

*Quosq; (nefas) omnes infanda in morte reliqui?*

*Et nunc palantes video, gemitumq; cadentem*

*Accipio. quid agam? aut quæ jam satis ima dehiscat*

*Terra mihi? vos ô potius miserescite venti:*

*In rupes, in saxa (volans vos Turnus adoro)*

*Ferte ratem, seuisq; vadis immittite Syrtis:*

*Quò neq; conscia fama sequatur.*

*Cho. animo nunc huc, nunc fluctuat illuc,*

*An sese mucrone ob tantum dedecus amens*

*Induat, & crudum per costas adigat enses:*

*Fluctibus an jaciat medijs, & littora nando*

*Curua petat, Teucrūmq; iterum se reddat in arma.*

*Orodes*



Orodes à Mezentio substratus.

non me quicunq̃ es inulto

Victor, nec longum letabere, te quaq̃ fata

Prospectant patria: atq̃ eadem mox arua tenebis

Mez. Nunc morere: ast de me Diuum pater atq̃ homio

Viderit, (num rex

Cho. Iam grauis æquabat luctus & mutua Mauors

Funera: cædebant pariter, pariterq̃ ruebant

Victores, victiq̃: neq̃ his fuga nota, nec illis.

Mez. Dextra mihi Deus, & telum quod missile libro,

Nunc adsint: voueo prædonis corpore raptis

Indutum spolijs, ipsum te, Lause, trophæum

Æneæ.

Æneas ad Lausum.

Quò moriture ruis? majoraq̃ viribus audes?

Fallit te incautum pietas tua.

Et postea

Quid tibi nunc miserande puer pro laudibus istis?

Quid pius Æneas tanta dabit indole dignum?

Arma, quibus letatus habe tua: teq̃ parentum

Manibus & cineri (si qua est ea cura) remitto.

Hoc tamen infelix miseram solabere mortem:

Æneæ magni dextra cadis.

Scena septima.

**M**ezentius filium Lausum luget & eius mortem in Æ.  
neam ulturus superatur: Moriturus verò Æneæ pro  
sepultura supplicat.

G 3.

Mezentius



*Mezentius, Aeneas.*

Tantane me tenuit viuendi, nate, voluptas  
Vt pro me hostili paterer succedere dextrae,  
Quem genui? tuane haec genitor per vulnera seruator,  
Morte tua viuens? heu nunc misero mihi demum  
Exilium infelix: nunc alte vulnus adactum.  
Idem ego, nate, tuum maculaui crimine nomen,  
Pulsus ob inuidiam solio, sceptrisq; paternis.  
Debueram patriae poenas, odijsq; meorum  
Omneis per morteis animum fontem ipse dedisse.  
Nunc viuo, neq; adhuc homines lucemq; relinquo:  
Sed linguam. Et postea

Phæbe diu (RES si qua diu mortalibus vlla est)  
Viximus: aut hodie victor spolia illa cruenta,  
Et caput Aeneae referes, Lausiq; dolorum  
Vltor eris mecum: aut aperit si nulla viam vis,  
Occumbes pariter. neq; enim, fortissime, credo,  
Iussa aliena pati, & dominos dignabere Teucros.  
Æn. Sic pater ille Deum faciat, sic altus Apollo,  
Incipias conferre manum.

Mez. Quid me erepto, seuissime, nato  
Terres? haec via sola fuit qua perdere posses.  
Nec mortem horremus, nec Diuum parcimus vlli.  
Desine: jam venio moriturus, & haec tibi porto  
Dona prius.

Æn.

Vbi nunc Mezentius acer? & illa  
Effera



*Effera vis animi?*

*Mez. Hostis amare quid increpitas? mortemq̃ minaris?*

*Nullum in cæde nefas, nec sic ad prælia veni:*

*Nec tecum meus hæc pepigit mihi fœdera Lausus.*

*Vnum hoc per ( si quæ est victis venia hostibus ) oro:*

*Corpus humo patiare tegi: scio acerba meorum*

*Circumstare odia: hunc oro defende furorem:*

*Et me consortem nati concede sepulchro.*

*Scena octava.*

**Æ** Neam mortem Pallantis lugentem oratores Latini  
ramis oleæ velati adeunt, mortuis Latinis sepul-  
turam rogantes.

*Æneas. Drances.*

*Æneid.*

*Tene, inquam, miserande puer, cum læta venires*

*Invidit fortuna mihi? ne regna videres*

*Nostra? neq̃ ad sedes victor veherere paternas?*

*Non hæc Euandro de te promissa parenti*

*Discedens dederam: cum me complexus euntem*

*Mitteret in magnum imperium, metuensq̃ moneret*

*Acreis esse viros, cum dura prælia gente.*

*Et nunc ille quidem spe multum captus inani,*

*Fors & vota facit, cumulatq̃ altaria donis.*

*Nos iuvenem exanimem, & nil jam cælestibus ullis*

*Debentem, vano mæsti comitamur honore.*

*Infelix*



*Infelix nati funus crudele videbis :  
Hi nostri reditus , expectatiq̃ triumphī,  
Hæc mea magna fides, at non Euandre pudendis  
Vulneribus pulsum aspicias : nec sospite dirum  
Optabis nato funus pater, hei mihi quantum  
Præsidium Ausoniæ & quantum tu perdis Iule.*

*Et postea vbi Pallas ad patrem deportaretur.*

*Non alias hinc ad lachrimas , eadem horrida belli  
Fata vocant : salue æternum mihi maxime Palla  
Æternumq̃ vale.*

- *Dr. Corpora per campos , ô rex , quæ fusa videmus*
- *Permittas tumulo petimus succedere terræ,*
- *Nullum cum victis certamen & æthere cassis :*
- *Hospitibus potius parcas, socerisq̃ vocatis.*

*Æn. Quenam vos tanto fortuna indigna Latini  
Implicuit bello , qui nos fugiatis amicos ?  
Pacem ne exanimis, & Martis sorte peremptis.  
Oratis? equidem & viuis concedere vellem:  
Nec veni , nisi fata locum sedemq̃ dedissent:  
Nec bellum cum gente gero: rex nostra reliquit  
Hospitia & Turni potius se credidit armis.  
Æquius huic Turnum fuerat se opponere morti.  
Si bellum finire manu, si pellere Teucros  
Apparet, his decuit mecum concurrere telis.  
Vixet cui vitam Deus, aut sua dextra dedisset.*

*Nunc*



Nunc ite, & miseris supponite ciuibus ignem.

Dr. O fama ingens, ingentior armis

Vir Trojane, quibus cælo te laudibus æquem?

Iusticiæne prius mirer, bellique laborum?

Nos verò hæc patriam grati referemus ad urbem,

Et te, si qua viam dederit fortuna, Latino

Iungemus regi: quærat sibi fœdera Turnus.

Quin & fatales murorum attollere moles,

Saxa q̃ subuectare humeris Trojana iuuabit.

Scena nona.

**E**Vander filium Pallantem luget.

Non hæc, ô Palla, dederas promissa parenti,

Cautius ut seuo velles te credere Marti.

Haud ignarus eram, quantum noua gloria in armis,

Et prædulce decus primo certamine posset.

Primitiæ iuuenis miseræ, belliq̃ propinqui

Dura rudimenta, & nulli exaudita Deorum

Vota precesq̃ meæ: tuiq̃, ô sanctissima coniunx,

Felix morte tua, neq̃ in hunc seruata dolorem.

Contrà ego viuendo vici mea fata, superstes

Restarem ut genitor, Trojæ socia arma secutum

Ubruerent Rutuli telis, animam ipse dedissem:

Atq̃ hæc pompa domum me, non Pallanta, referret.

Nec vos arguerim Teucris, nec fœdera, nec quas

H

Iunximus



Iunximus hospitio dextras: fors ita senectæ  
 Debita erat nostræ, quod si immatura manebat  
 Mors natum, cæsis Volscorum millibus ante  
 Ducentem in Latium Teucros cecidisse iuuabit.  
 Quin ego non alia digner te funere Palla,  
 Quàm pius Aeneas, & quàm magni Phryges & quàm  
 Tyrrheniq; duces, Tyrrhenum exercitus omnis:  
 Magna trophæa ferunt, quos dat tua dextera letho.  
 Tu quoq; nunc stares immanis truncus in armis,  
 Eßet par ætas, & idem si robur ab annis,  
 Turne, sed infelix Teucros quid demoror armis?  
 Vadite, & hæc memores regi mandata referte:  
 Quòd vitam moror inuisam, Pallante perempto,  
 Dextera causa tua est, Turnum gnatoq; patriq;  
 Quam debere vides; meritis vacat hic tibi solus,  
 Fortunæq; locus. non vitæ gaudia quero:  
 Nec fas, sed gnato manes perferre sub imos.

Actus



L  
 rum a  
 ditoru  
 bus.  
 suis r  
 vt pa  
 elocat  
 no ve  
 adesse  
 pit arm  
 & satisf

Chorus  
 Nunciu

Cho.  
 Preci  
 Hic n  
 Pector  
 Dnum  
 Ipsu  
 Qui  
 Ing



# ACTVS. QVINTVS.

## *Scena prima.*

**L**Atinis dirum Æneæ bellum execrantibus legati initio belli ad Diomedem suppetias contra Æneam petiti tum missi redeunt, responsum Diomedis in consilio subditorum narrantes ipso rego Latino & Turno audientibus. Verum Drances æmulus Turni regem Latinum suis rebus ad narrationem Venuli desperantem hortatur, vt pacem cum Ænea ineat Lauinia filia in vxorem ei elocata, & simul in Turnum amarè inuehitur. Turno verò Drancem recriminantem, Æneam cum copijs adesse nunciatur. Turnus metu perculsus se intro recipit arma sumpturus, sed Camilla se quæ Æneæ occurat & satisfaciat vltro offert.

*Chorus. Venulus. Latinus. Drances. Turnus.  
Nuncius. Lauinia & Amata. Camilla.*

*Cho. Iam verò in tectis prædiuitis vrbe Latini  
Præcipuus fragor, & longè pars maxema luctus.  
Hic matres miseræq; murus, hinc chara sororum  
Pectora mærentum, pueriq; parentibus orbi  
Dirum execrantur bellum, Turniq; hymenæos:  
Ipsam armis, ipsamq; iubent decernere ferro,  
Qui regnum Italia & primos sibi poscat honores.  
Ingrauat hæc seuius Drances: solumq; vocari*

*H2,*

*Testatur*



Testatur solum posci in certamine Turnum.  
 Ve. Optime rex, mæsti magna Diomedis ab vrbe  
 Hæc responsa tibi ferimus: nil omnibus actum  
 Tantorum impensis operum, nil dona, nec aurum,  
 Nec magnas valuisse preces: alia arma Latinis  
 Querenda, aut pacem Trojano à rege petendum.  
 Cho. Deficit ingenti luctu rex ipse Latinus  
 Fatalem Æneam manifesto numine ferri  
 Admonet ira Deum, tumuliq; ante ora recentes.  
 Ergo concilium magnum, primosq; suorum  
 Imperio accitos alta intra limina cogit.  
 Olli conuenere, fluuntq; ad regia plenis  
 Tecta vijs, sedet in medijs & maximus æuo,  
 Et primus sceptris haud læta fronte Latinus,  
 Atq; hîc legatos Ætola ex vrbe remissos,  
 Quæ referant fari iubet & responsa reposcit  
 Ordine cuncta suo. Tunc facta silentia linguis,  
 Et Venulus dicto parens ita farier infit.  
 Ve. Vidimus ô ciues Diomedem, Argiuaq; castra,  
 Atq; iter emensi casus superauimus omneis,  
 Contigimusq; manum, qua concidit Ilia tellus.  
 Ille urbem Argyripam patriæ cognomine gentis  
 Victor Gargani condebat Iapygis agris.  
 Postquam introgressi, & coram data copia fandi  
 Munera præferimus, nomen patriamq; docemus:  
 Qui bellum intulerint, quæ causa atraxerit Arpos.

*Auditis*



*Audit ille hæc placido sic reddidit ore:  
O fortunatæ gentes Saturnia regna,  
Antiqui Ausonij, quæ vos fortuna quietos  
Sollicitat? suadetq; ignota laceßere bella?  
Quicumq; Iliacos ferro violauimus agros,  
(Mitto ea quæ muris bellando exhausta sub altis  
Quos Simois premit illa viros) infanda per orbem  
Supplicia, & scelerum pœnas expendimus omnes,  
Vel Priamo misera manus: scit triste Mineræ  
Sidus, & Euboicæ cautes, ultorq; Caphareus.  
Militia ex illa diuersum ad littus adacti,  
Atrides Protæi Menelaus adusq; columnas  
Exultat, Ætneos vidit Cyclopes Ulysses.  
Regna Neoptolemi referam? versosq; Penates  
Idomenei? Libycæ habitantes littore Locros?  
Ipse Mycæus magnorum ductor Achiuum  
Coniugis infandæ prima inter limina dextra  
Oppetijt, deuicta Asia subsedit adulter:  
Inuidisse Deos, patrijs ut redditus oris,  
Coniugium optatum & pulchram Calydonæ viderem?  
Nunc etiam horribili visu portenta sequuntur,  
Et socij amissi petierunt æthera pennæ,  
Fluminibusq; vagantur aues (heu dira meorum  
Supplicia) & scopulos lachrymosis vocibus implent.  
Hæc adeo ex illo mihi iam speranda fuerunt  
Tempore, cum ferro cœlestia corpora demens*

*H 3.*

*Appetijt*



Appetj & Veneris violauī vulnere dextram.  
Ne vero, ne me ad tales impellite pugnas.  
Nec mihi cum Teucris vllum post eruta bellum  
Pergama: nec veterum memini, letorue malorum.  
Munera, quæ patrijs ad me portastis ab oris,  
Vertite ad Æneam: stetimus tela aspera contra,  
Contalimusq; manus: experto credite quantus  
In chypeum asurgat, quo turbine torqueat hastam.  
Si duo præterea tales Idæa tulisset  
Terra viros: vltro Inachias venisset ad vrbes  
Dardanus. & versis lugeret Græcia fatis.  
Quicquid apud dure cessatum est mœnia Trojæ,  
Hectoris Æneæq; manu victoria Graiū  
Hæsit, & in decimum vestigia rettulit annum.  
Ambo animis ambo insignes præstantibus armis:  
Hic pietate prior, coeant in fœdera dextræ,  
Quæ datur: ast armis concerrant arma, cauete:  
Et responsa simul quæ sunt, Rex optime, regis  
Audisti, & quæ sit magno sententia bello.  
La. Antè equidem summa de re statuisse Latini  
Et vellem, & fuerat melius: non tempore tali  
Cogere concilium, cùm: muros obsidit hostis.  
Bellum importunum, ciues, cum gente Deorum  
Inuictisq; viris gerimus: quos nulla fatigant  
Prælia, nec victi possunt absistere ferro.  
Spem si quam accitis Ætolū habuistis in armis,

Ponite:



Ponite : spes sibi quisq̃, sed hæc quàm angusta videtis:

Cætera qua rerum iaceant perculsa ruina,

Ante oculos interq̃ manus sunt omnia vestras.

Nec quenquam incuso, potuit quæ plurima virtus

Esse, fuit : toto certatum est corpore regni.

Nunc adeo quæ sit dubia sententia menti,

Expédiam, & paucis (animos adhibite) docebo.

Est antiquus ager Tusco mihi proximus amni,

Longus in occasum, fines super usq̃ Sicanos:

Aurunci Rutuliq̃, serunt, & vomere duos

Exercent colles, atq̃ horum asperrima pascunt.

Hæc omnis regio, & celsi plaga pinea montis

Cedat amicitia Teucrorum, & fœderis æquas

Dicamus leges, sociosq̃ in regna vocemus.

Confidant si tantus amor & mœnia condant.

Sin alios fines, aleamq̃ capeßere gentem

Est animus, possuntq̃ solo decedere nostro:

Bis denas Italo texamus robore naueis.

Sin plures complere valent: iacit omnis ad undam

Materies: ipsi numerumq̃ modumq̃ carinis

Præcipiant: nos æra, manus, naualia demus.

Præterea qui dicta ferant & fœdera firment,

Centum oratores prima de gente Latinos

Ire placet, pacisq̃ manu prætendere ramos,

Munera portantes, eborisq̃ auriq̃ talenta

Et sellam regni, trabeamq̃ insignia nostri.

Consulite



Consulite in medium, & rebus succurrite fessis.  
 Dr. Rem nulli obscuram nostræ nec vocis egentem  
 Consulis, ô bone rex, cunctis se scire fatentur  
 Quid fortuna ferat populi, sed dicere mustant.  
 Det libertatem fandi, flatusq; remittat  
 Cuius ob auspiciis infaustum, moresq; sinistros,  
 (Dicam equidem licet arma mihi mortemq; minetur)  
 Lumina tot cecidisse Ducum, totamq; videmus  
 Consedisse urbem luctu, dum Troia tentat  
 Castra, fugæ fidens, & cælum territat armis.  
 Vnum etiam donis istis quàm plurima mitti  
 Dardanidis, duciq; iubes, vnum optime regum  
 Adjicias, nec te ullius violentia vincat,  
 Quin gnatam egregio genero, dignisq; hymenæis  
 Des pater, & pacem hanc æterno fœdere iungas.  
 Quod si tantus habet mentes & pectora terror,  
 Ipsum obtestemur, pacemq; oremus ab ipso:  
 Cedet ius proprium regi, patriæq; remittat.  
 Quid miseros toties in aperta pericula ciues  
 Projicis? ô Latini caput horum & causa malorum.  
 Nulla salus bello, pacem te poscimus omnes  
 Turne, simul pacis solum inuiolabile pignus.  
 Primus ego (inuisum quem tu tibi fingis & esse  
 Nil moror) en supplex venio, miserere tuorum.  
 Pone animos & pulsus ibi: sat funera fusi  
 Vidimus, ingentes & desolauimus agros.

Aut



Aut si fama mouet, si tantum pectore robur  
Concipis, & si adeo dotalis regia cordi est:  
Aude, atq; aduersum fidens fer pectus in hostem;  
Scilicet ut Turno contingat regia coniunx:  
Non animæ viles, inhumata, infletaq; turba  
Sternamur campis: etiam tu, si qua tibi vis  
Si patrij quid Martis habes, illum aspice contra  
Qui vocat.  
Tu. Larga quidem semper Drance tibi copia fandi,  
Tunc cum bella manus poscunt patribusq; vocatis  
Primus ades: sed non replenda est curia verbis,  
Quæ tutò tibi magna volant, dum destinet hostem  
Agger murorum, nec inundant sanguine fossæ,  
Proinde tona eloquio, solitum tibi, meq; timoris  
Argue tu Drance, tot quando stragis aceruos  
Teucrorum tua dextra dedit, passimq; trophæis  
Insigneis campos, possit quid viuida virtus  
Experiare licet; nec longè scilicet hostes  
Quærendi nobis, circumstant vndiq; muros.  
Imus in aduersos? quid cessas? an tibi Mauors  
Ventosa in lingua, pedibusq; fugacibus istis  
Semper erit?  
Pulsus ego? aut quisquam meritò, fœdissime, pulsum  
Arguet? Iliacum tumidum qui crescere Tybrim  
Sanguine, & Euandri totam cum stirpe videbit  
Procubuisse domum, atq; exutos Arcades armis?

I

Haud



Haud ita me experti Bicias & pandarus ingens,  
 Et quos mille die victor sub Tartara misi,  
 Inclusus muris, hostiliq; aggere septus.  
 Nulla salus bello (capiti cane talia demens  
 Dardanio, rebusq; tuis) proinde omnia magno  
 Ne cessa turbare metu, atq; extollere vires  
 Gentis bis victæ, contra premere arma latinj  
 Nunc & Mirmidonum procures phrygia arma capeſcunt,  
 Nunc & Tydidia & Lariffæus Achilles:  
 Amnis & Adriacas retrò fugit Aufidus vndas.  
 Vel cuni se pauidum contra mea iurgia fingit  
 Artificis scelus, & formidine crimen acerbat  
 Nunquam animam talem dextra hac (absiste moueri)  
 Amittes: habitet tecum & sit pectore in isto.  
 Nunc ad te & tua, magne pater, consulta reuertor:  
 Si nullam nostris vltro spem ponis in armis:  
 Si tam descerti sumus & semel agmine verso,  
 Funditus occidimus, nec habet fortuna regressum:  
 Oremus pacem, & dextras tendemus inermis  
 Quamquam ô si solitæ quicquam virtutis adesset,  
 Ille mihi ante alios, fortunatusq; laborum,  
 Egregiusq; animj, qui ne quid tale videret  
 Procubuit moriens, & humum simul ore momordit  
 Sin & opes nobis, & adhuc intacta iuuentus,  
 Auxilioq; vires Italæ populiq; supersunt:  
 Sin & Trojanis cum multo gloria venis

Sanguine



Sanguine, suntq; illis sua funera, parq; per omnes  
Tempestas; cur indecores in limine primo  
Deficimus? cur ante tubam tremor occupat artus?  
MVLTA dies, variusq; labor mutabilis æui  
Rettulit in melius, multos alterna reuisens  
Lusit, & in solido rursus fortuna locauit.  
Non erit auxilio nobis Ætolus & Arpi:  
At Messapus erit, felixq; Tolumnius, & quos  
Tot populi misere duces; nec parua sequetur  
Gloria delectos Latio, & Laurentibus agris.  
Est & Volscorum egregia de gente Camilla,  
Agmen agens equitum, & florentis ære cateruas.  
Quod si me solum Teucris in certamina poscunt,  
Idq; placet, tantumq; bonis communibus obsto:  
Non adeo has exosa manus victoria fugit,  
Vt tanta quicquid pro spe tentare recusem.  
Ibo animis contra: vel magnum præstet Achillem  
Factaq; Vulcani manibus paria induat arma  
Ille licet; vobis animam hanc, soceroq; Latino  
Turnus ego, haud vlli veterum virtute secundus,  
Deuoueo solum Aeneas vocat? & vocet oro.  
Nec Drances potius, siue est hæc ira Deorum,  
Morte luat; siue est virtus & gloria tollat. (castra.  
Nun. Turne quid expectas? quin hinc fugis? arripe  
Instructos acie Tyberino a flumine Teucros,  
Tyrrhenamq; manum totis descendere campis



*Vidimus. Aeneas caue ne te sternat inernem.  
Tur. Cogite concilium, & pacem laudate sedentes:  
Illi armis in regna ruunt.  
Tu Voluse armari Volscorum edice manipulis:  
Duc, inquam, & Rutulos: equites Messapus in armis,  
Et cum fratre Coras latis diffundite campis.  
Pars aditus urbis firment, turresq; capebant.  
Cetera, qua iussu, mecum manus inferat arma.*

*Amata, Lauinia & mulieres Latinæ.*

*Armipotens belli præses Tritonia virgo  
Frangere manu telum Phrygiæ prædonis, & ipsum  
Pronum sterne solo, portinq; effunde sub altis.  
Cam. Turne, sui meritò si quæ est fiducia sorti,  
Audeo, & Aeneadum promitto occurrere turmæ.  
Solaq; Tyrrhenos equites ire obuia contrà  
Me sine prima manu tentare pericula belli,  
Tu pedes ad muros subsiste & mœnia serua.  
Tur. O decus Italiæ virgo, quas dicere grates,  
Quasue referre parem: sed nunc (est omnia quando  
Iste animus supra) mecum partire laborem:  
Aeneas (ut fama fidem, missiq; reportant  
Exploratores) equitum leuia improbus arma  
Præmisit, quaterent campos, ipse ardua montis  
Per deserta iugo properans aduentat ad urbem.  
Furta paro belli conuexo in tramite syluæ,*

*Vt*



*Vt biuias armato obsidam milite fauces.  
Tu Tyrrhenum equitem collatis excipe signis:  
Tecum acer Messapus erit, turmaeq; Latina,  
Tiburtiq; manus: ducis & tu concipe curam.*

*Scena secunda.*

**D**iana interitum Camillae praesentens Opim compels  
lat, tradita illi sagitta, qua Camillae interfectorem tras  
nciat.

*Graditur bellum ad crudele Camilla,*

*O virgo, & nostris nequicquam cingitur armis,  
Chara mihi ante alias, neq; enim nouus iste Dianae  
Venit amor, subitaq; animum dulcedine mouit.  
Pulsus ob inuidiam regno viresq; superbas  
Priuerno antiqua Metabus cum excederet vrbe,  
Infantem fugiens media inter praelia belli,  
Sustulit exilij comitem, matrisq; vocauit  
Nomine Casmille, mutilata parte Camillam.  
Ipse sinu praese portans, iuga longa petebat  
Solorum nemorum: tela vndiq; seua praemebant,  
Et circumfuso volitabant milite Volsci.  
Ecce fugae medio summis Amasenus abundans  
Spumabat ripis; tantus se nubibus imber  
Ruperat; ille innare parans, infantis amore  
Tardatur, charoq; oneri timet, omnia secum  
Versanti subito, vix haec sententia sedit.*

*1 3.*

*Telum*



Telum immane, manu valida quod forte gerebat  
 Bellator, solidum nodis, & robore cocto:  
 Huic natam, libro & sylvestri subure clausam  
 Implicat, atq; habilem medice circumligat haste:  
 Quam dextra ingenti librans ita ad æthera fatur:  
 Alma tibi hanc, nemorum cultrix Latonia virgo,  
 Ipse pater famulam voueo: tua prima per auras  
 Tela tenens supplex hostem fugit. accipe, testor  
 Diua tuam, quæ nunc dubijs committitur auris.  
 Dixit: & adducto contortum hastile lacerto  
 Immittit; sonuere undæ: rapidum super amnem  
 Infelix fugit in iaculo stridente Camilla.  
 At Metabus magna propius iam urgente caterua  
 Dat sese fluuiò, atq; hastam cum virgine victor  
 Gramineo donum Triuicæ de cespite vellit.  
 Non illum tectis villæ, non mœnibus vrbes  
 Accepere, neq; ipse manus feritate dedisset:  
 Pastorum & solis exegit modibus æuum.  
 Hic natam in dumis, interq; horrentia lustra  
 Armentalis equæ mammis & lacte ferino  
 Nutribat, teneris immulgens vbera labris.  
 Utq; pedum primis infans vestigia plantis  
 Institerat, iaculo palmas oneravit acuto:  
 Spiculaq; ex humero parue suspendit, & arcum.  
 Pro crinali auro, pro longæ tegmine pallæ,  
 Tigridis exuuiæ per dorsum à vertice pendent,

Tela



Tela manu iam tum tenera puerilia torfit,  
Et fundam tereti circum caput egit habena,  
Strymoniamq; gruem, aut album deiecit olorem.  
Multæ illam frustra Tyrrhena per oppida matres  
Optauere murum: sola contenta Diana  
Æternum telorum & virginitatis amorem  
Intemerata colit, vellem haud correpta fuisset  
Militia tali, conata laceßere Teucros,  
Chara mihi, comitumq; foret nunc vna mearum.  
Verum age quandoquidem fatis vrgetur acerbis  
Labere Nympha polo, finesq; inuise Latinos,  
Tristi vbi infausto committitur omine pugna  
Hæc cape & vlticem pharetra deprome sagittam:  
Hæc quicumq; sacrum violarit vulnere corpus,  
Tros, Italusue, mihi pariter det sanguine pœnas.  
Post ego nube caua miserandæ corpus, & arma  
Inspoliata feram cumulo, patriæq; reponam.

Scena 3.

CAmilla, multis hostium cæde prostratis, ab Arnute tra-  
ñcitur, Eius mortem Opis vlciscitur. Venulus Latini  
orator à Tarchonte capitur.

Camilla. Ligur. Tarchon. Arnus. Opis. Chorus.  
Syluis te Tyrrhene feras agitare putasti?  
Aduenit, qui vestra dies muliebribus armis

Verba



Verba redargueret; nomen tamen haud leue partum  
Manibus hoc referes, telo cecidisse Camillæ.

Lig. Quid tam egregium, si fœmina forti  
Fidis equo? dimitte fugam & te cominus equo  
Mecum crede solo, pugnaq; accinge pedestri.

Iam nosces ventosa ferat cui gloria laudem.

Ca. Vane Ligur, frustraq; animis elate superbis,  
Nequicquam patrias tentasti lubricus artes,  
Nec fraus te incolumen fallaci perferet Auno.

Tar. Quis metus ô nunquam dolituri? ô semper inertes  
Tyrrheni, quæ tanta animis ignauia venit?

Fœmina palantes agit, atq; hæc agmina vertit?

Quò ferrum? quidue hæc geritis tela irrita dextris?

At non in Venerem segnes, nocturnaq; bella,

Auc ubi curua choros indixit tibia Bacchi,

Expectare dapes & plenæ pocula mense.

Hic amor, hoc studium, dum sacra secundus aruspex

Nunciet, ac lucos vocet hostia pinguis in altos.

Et hæc dicens Venulum capit.

Semichor. Utq; volans altè ruptum cùm fulua draconem  
Fert aquila, implicuitq; pedes atq; vnguibus hæsit:

Saucius at serpens sinuosa volumina versat,

Arrectisq; horret squammis & sibilat ore,

Arduus insurgens; illa haud minus vrget adunco

Luçantem rostro, simul æthera verberat alis.

Haud



*Haud aliter prædam Tyburtum ex agmine Tarchon  
Portat ouans, ducis exemplum, euentumq̃ secuti  
Meonidæ incurrunt.*

*Semich.                      fatis deditus Arnus  
Velocem iaculo, & multa prior arte Camillam  
Circuit, & quæ sit fortuna facillima, tentat.*

*Quà se cunq̃ furens medio tulit agmine virgo  
Hac Arnus subit, & tacitus vestigia lustrat;  
Quà victrix redit illa, pedemq̃ ex hoste reportat,  
Hac iuuenis furtim celeres detorquet habenas.*

*Hos aditus, iamq̃ hos aditus, omnemq̃ pererrat  
Vndiq̃ Circuitum, & certam quatit improbus hastam.*

*Ar.      Summe Deum & sanctj custos Soractis Apollo,*

*Quem primi colimus; cui pineus ardor aceruo  
Pascitur, & medium freti pietate per ignem*

*Cultores multa preminus vestigia pruna:*

*Da pater hoc nostris aboleri dedecus armis*

*Omnipotens; non exuias, pulsæue trophæum*

*Virginis, aut spolia vlla peto; mihi cætera laudem*

*Facta ferent; hæc dira meo dum vulnere pestis*

*Pulsa cadat, patriam remeabo inglorius urbem.*

*Cho.      Ac velut ille, prius quàm tela inimica seruatur,*

*Continuò in montes sese auisus abdedit altos*

*Occiso pastore lupus, magnæue iuuenco,*

*Consciis audacis facti, caudamq̃ remulcens*

*Subiecit pauitantem vtero, syluasq̃ petiuit;*

*Traiecta  
Camilla  
fugit Ar  
nus.*

*K*

*Haud*



*Haud secus ex oculis se turbidus abstulit Arnus,  
Contentusq; fuga, medijs se immiscuit armis.* (bum

*Cam. Haëtenus Atca soror potui, nunc vulnus acero  
Conficit, & tenebris nigrescunt omnia circum  
Effuge, & hæc Turno mandata nouissima perfer:*

*Succedat pugnae, Troianosq; arceat vrbe.  
Op. O nimium virgo nimium crudele luiti  
Supplicium, Teucros conata laceßere bello.  
Nec tibi desertæ in dumis coluisse Dianam  
Profuit, aut nostras humero gessisse pharetras,  
Non tamen indecorem tua te regina relinquet  
Extrema iam in morte, neq; hoc sine nomine lethum  
Per gentes erit, aut famam patieris inultæ.  
Nam quicumq; tuum violauit vulnere corpus  
Morte luet merita, Et postea ad Arnutem  
Cur, inquam, diuersus abis? huc dirige gressum,  
Huc periture veni, capias ut digna Camillæ  
Præmia, tuné etiam telis moriere Dianæ?*

*lib. 12. Cho. Pœnorum qualis in aruis  
Saucius ille graui venantum vulnere pectus  
Tum demum mouet arma leo, gaudetq; comanteis  
Excutiens, ceruice toros, fixumq; latronis  
Impavidus frangit telum, & fremit ore cruento.  
Haud secus accenso gliscit violentia Turno.*

*Scena*



Scena 4.

**L**Atinis animos omnino despondentibus, Turnus se ad monomachiam cum Aenea offert, Sed Latinus & Amata id dissuadent.

*Turnus, Latinus, Amata, Chorus.*

*Nulla mora in Turno, nihil est quod dicta retractent  
Ignavi Aeneadae, nec, quae pepigere, recusent.*

*Congredior, fer sacra pater, & concipe foedus.*

*Aut hac Dardanium dextra sub Tartara mittam*

*Desertorem Asiae, (sedent spectentq; Latini)*

*Et solus ferro crimen commune refellam;*

*Aut habeat victos, cedat Lavinia coniunx.*

*Lat. O praestans animi iuuenis, quantum ipse feroci*

*Virtute exuperas, tanto me impensius equum est*

*Consultere, atq; omnibus metuentem expendere casus.*

*Sunt tibi regna patris Daunus; sunt oppida capta*

*Multa manu: nec non aurumq; animusq; Latino est.*

*Sunt aliae innuptae Latio, & Laurentibus agris*

*Nec genus indecores; sine me haec haud mollia fatis*

*Sublatis aperire dolis; simul haec animo hauri;*

*Me natam, veterum nulli sociare procorum*

*Fas erit, idq; omnes diuig; hominesq; canebnat.*

*Victus amore tui, cognato sanguine victus,*

*Coniugis & maeſtae lachrymis, vincla omnia rupi;*

*Promissam eripui genero atq; arma impia sumpsi.*

*Ex illo qui me casus, quae, Turne, sequantur*

K 2

Bella



Bella vides, quantos primus patiare labores.  
 Bis magna victi pugna, vix vrbe tuemur  
 Spes Italas : recalent nostro Tyberina fluenta  
 Sanguine adhuc : Campiq; ingentes ossibus al bent.  
 Quò referor toties : quæ mentem insania mutat ?  
 Si Turno extincto socios sum accire paratus,  
 Cur non incolumi potius certamina tollo ?  
 Quid consanguinei Rutuli, quid cætera dicet  
 Italia, ad mortem si te ( fors dicta refutet )  
 Prodiderim, natam & connubia nostra petentem?  
 Respice res bello varias, miserere parentis  
 Longæui, quem nunc mæstum patria Ardea longè  
 Diuidit.  
 Tur. Quã pro me curam geris, hæc p̄cor optime pro me  
 Deponas : lethumq; sinas pro laude pacisci.  
 Et nos tela, pater, ferumq; haud debile dextra  
 Spargimus, & nostro sequitur de vulnere sanguis.  
 Longè illi Dea mater erit, quæ nube fugacem  
 Fæminea tegat, & vanis sese occulat vmbriis.  
 Am. Turne, p̄ has ego te lachrymas, p̄, si quis Amatæ  
 Tangit bonos, animum ( spes tu nunc vna senectæ,  
 Tu requies miseræ, decus, imperiumq; Latini  
 Te penes, in te omnis domus inclinata recumbit )  
 Vnum oro, desiste manum committere Teucris.  
 Qui te cunq; manent isto certamine casus,  
 Et me, Turne, manent : simul hæc inuisa relinquam  
Lumina



Lumina, nec generum Æneam captiua videbo.

Ch. Accepit vocem lachrymis Lauinia matris,

Flagrantes per fusa genas; cui plurimus ignem

Subiecit rubor, & calefacta per ora cucurrit.

Indum sanguineo veluti violauerit ostro

Si quis ebur; vel mista rubent ubi lilia multa

Alba rosa: tales virgo dabat ore colores.

Tur. Ne, quæso, ne me lachrymis, néue omine tanto

Prosequere in duri certamina Martis euntem,

O mater; neq; enim Turno mora libera mortis.

Nuncius hæc Idmon Phrygiæ mea dicta Tyranno

Haud placitura refer; cùm primùm crastina cælo

Puniceis inuecta rotis Aurora rubebit:

Non Teucros agit in Rutulos; Teucrûm arma quiescant

Et Rutulûm; nostro dirimatur sanguine bellum:

Illo quæratu coniuñx Lauinia campo.

Et postea

hasta Arunci vibrata.

Nunc ô nunquam frustrata vocatus

Hasta meos, nunc tempus adest, te maximus Actor,

Te Turni nunc dextra gerit, da sternere corpus.

Loricamq; manu valida lacerare reuulsam

Semiiri Phrygis; & fœdare in puluere crines

Vibratos calido ferro, myrrhaq; madentes.

### Scena 5.

**I** Vturnam instigat Iuno, vt fratre Turno e certamine

K 3

cum



cum Ænea erepto, acies vtriusq; incitet.

Nympha decus flauiorum, animo gratissima nostro,  
Scis, vt te cunctis vnam, quæcunq; Latina  
Magnanimi Iouis ingratum ascendere cubile,  
Prætulero, cœliq; libens in parte locarim.  
Disce tuum, ne me incuses, Iuturna dolorem.  
Qua visa est fortuna pati, parçæq; sinebant  
Cedere res Latio, Turnum & tua mœnia texi:  
Nunc iuuenem imparibus video concurrere fati:  
Parcarumq; dies & vis inimica propinquat.  
Non pugnam aspicere hanc oculis non fœdera possum.  
Tu pro germano, si quid præsentius audes,  
Perge: decet: forsan miseros meliora sequentur.  
Et postea Iuturna lachrymante & pectus percutiente,  
Non lachrymis hoc tempus eget, Iuturna, sed oro  
Accelera, & fratrem, si quis motus, eripe morti,  
Aut tu bella cie, conceptumq; excute fœdus,  
Auctor ego audendi.

Scena 6.

**L**Atino & Ænea fœdere iunctis, Iuturna fratris viribus  
diffidens, Camerti forma induta ipsos Rutulos aduer-  
sum Troianos instigat. Troioni minus sufficientes qui Rus-  
tulorum impetum sustinerent, fugiunt, sed eos Æneas  
reuocat, & à Iuturna sauciatus pugnae se subducit. Illo  
absente



absente magnam stragem committit Turnus.

*Aeneas, Latinus, Iuturna, Tolumnius, Messapus.  
Chorus.*

Esto nunc Sol testis, & hæc mihi terra precanti,  
Quam propter tantos potui perferre labores;  
Et pater omnipotens, et tu Saturnia Iuno  
Iam melior, iam diua precor, tuq; inchole Mauors,  
Cuncta tuo qui bella pater sub nomine torques,  
Fontesq; fluuiosq; voto: quæq; ætheris alti  
Religio, & quæ cæruleo sunt numina Ponto,  
Cesserit Ausonio si fors victoria Turno,  
Conuenit Eundri victos discedere ad urbem;  
Cedet Iulus agris: nec post arma vlla rebelles  
Æneadæ referent, ferrone hæc regna laceßent.  
Sin nostrum annuerit nobis victoria Martem,  
Ut potius reor, & potius Dii numine firment:  
Non ego nec Teucris Italos parere iubebo;  
Nec mihi regna peto: paribus se legibus ambæ  
Inuictæ gentes; æterna in fœdera mittant.  
Sacra, Deosq; dabo: sacer arma Latinus habeto:  
Imperium solenne focer: mihi mœnia Teucri  
Constituent, vrbiq; dabit Lauinia nomen.  
Lat. Hæc eadem, Aeneas, terram, mare, sidera iuro,  
Latonaq; genus duplex, lanumq; bifrontem;

Stricto  
ense pre-  
catur.

Vniq;



*Vniq̃ Deūm infernam & diri sacraria ditis :  
 Audiat hæc genitor , qui fœdera fulmine sancit :  
 Tango aras , mediōsq̃ ignes , & numina testor :  
 Nulla dies pacem hanc Italīs , nec fœdera rumpet ,  
 Quo res cunq̃ cadent , nec me vis vlla volentem  
 Auertet , non si tellurem effundat in vndas  
 Diluuiο miscens , cœlumue in Tartara soluat :  
 Vt sceptrum hoc  
 Nunquam fronde leui fundet virgulta , nec vmbra ,  
 Cū semel in syluis imo de stirpe recisum  
 Matre caret , posuitq̃ comas & brachia ferro ,  
 Olim arbor : nunc artificis manus ære decoro  
 Inclusit , patribusq̃ dedit gestare Latinis.  
 Iut. Non pudet ō Rutuli cunctis pro talibus vnā  
 Obiectare animam : numerōne an viribus æquj  
 Non sumus ? en omnes & Trōes & Arcades hīc sunt  
 Fatalisq̃ manus , infensa Hetruria Turno :  
 Vix hostem alterni , si congregiamur , habemus.  
 Ille quidem ad Superos quorum se deuouet aris ,  
 Succedet fama , viuusq̃ per ora feretur :  
 Nos patria amissa dominis parere superbis  
 Cogemur , qui nunc lenti consedimus aruis.*

*Tolūm  
 nius aus  
 gur por  
 tento de  
 ceptus.* *Tol: Hoc erat hoc votis , inquam , quod sæpe petiui ,  
 Accipio , agnoscoq̃ Deos , me me duce ferrum  
 Corripite ō Rutuli , quos improbus aduena bello  
 Territat , inualidas vt aues , & littora vestra*

*Vi popus*



*Vi populat, petet ille fugam, penitusq; profundo  
Vela dabit: vos unanimi densate cateruas:  
Et regem vobis pugna defendite raptum.  
(Dixit, & aduersos telum contorsit in hostes)  
Mess. Hoc habet, hæc melior magnis data victima diuis.  
Æn. Quò ruitis? quæuè ista repens discordia surgit?  
O cohibete iras: ietum iam fœdus & omnes  
Compositæ leges: mihi ius concurrere soli.  
Me sinite atq; auferte metus: ego fœdera faxo  
Firma manu; Turnum iam debent hæc mihi sacra.*

*Chorus Ænea à Iuturna sauciato clamat,  
Ecce viro stridens alis allapsa sagitta est,  
Incertum qua pulsa manu, quo turbine adacta.  
Quis tantam Rutulis laudem casusue, Deusue  
Attulerit? pressa est insignis gloria facti,  
Nec sese Æneæ iactauit vulnere quisquam.*

*Absente Ænea magnum fortitudinis specimen Plurimis  
occilis edit Turnus. de quo Chorus.*

*Ac velut Edoni Boreæ cum spiritus alto  
Insonat Ægeo, sequiturq; ad littora fluctus:  
Quà venti incubuere, fugam dant nubila cælo:  
Sic Turno, quacunq; viam secat, agmina cedunt,  
Conuersaq; ruunt acies; fert impetus ipsum:  
Et cristam aduerso curru quatit aura volentem.*

*L*

*Scena*



Scena 7.

**A**neas ope matris per Iapigem curatus in pugnam  
festinat, filio Ascanio ut paternis insistat virtutibus  
instimulato. Turnus Aneam venientem fugit, interea  
tamen ab altera parte aciem eius miserè affligens.

Iapix. Aneas. Chorus.

*Arma citi properate viro; quid statis inertes?*

*Non hæc humanis opibus, non arte magistra*

*Proueniunt, neq; te, Anea, mea dextera seruat:*

*Maior agit Deus, atq; opera ad maiora remittit.*

*Æn. Disce puer virtutem ex me, verumq; laborem,*

*Fortunam ex alijs: nunc te mea dextera bello*

*Defensum dabit, magna inter præmia ducet.*

*Tu facito mox, cum matura adoleuerit ætas,*

*Sis memor, & te animo repetentem exempla tuorum,*

*Et pater Aneas & auunculus excitet Hector.*

*Cho. Puluerulenta fuga Rutuli dant terga per agros*

*Ipse neq; aduersos dignatur sternere morti.*

*Nec pede congressos, nec equo, nec tela ferentes*

*Insequitur, solum densa in caligine Turnum*

*Vestigat lustrans, solum in certamine poscit.*

**T**urnus suorum commiseratione reuersus, Aneam ex  
de grauantem non excipit, sed hasta Amycum & gla  
dio



dio Diorum perimit : Æneas Verò Talon, Tanaim & Cethegum vno congressu prosternit, de qua re Chorus.

*Quis tibi nunc tot acerba Deus, quis carmine cædes  
Diuerſas, obitumq; ducum, quos æquore toto  
Inq; vicem nunc Turnus agit, nunc Troius heros  
Expediat? tanton? placuit concurrere motu,  
Iuppiter, æterna gentes in pace futuras? Et postea  
Ac velut immiſſis diuerſis partibus ignes  
Arentem in ſyluam, & virgulta ſonantia lauro:  
Aut vbi decurſu rapido, de montibus altis  
Dant ſonitum ſpumofi amnes, & in æquora currunt,  
Quisq; ſuum populatus iter, non ſegnius ambo  
Æneas Turnusq; ruunt per prælia nunc nunc  
Fluctuat ira intus; rumpuntur neſcia vinci  
Pectora; nunc totis in vulnere viribus itur,*

*Scena 8.*

**Æ**NEAS vbi cum Turno pugnandi copiam habere non poſſet Laurentum inſtinctu Veneris expugnaturus obſidet. Amata verò regina urbem obſidione cinctam abſente Turno videns vitam ſibi laqueo finit. Verùm Turnum Latinis auxilio venire volentem ſoror, Iuturna remorari conatur, ſed audita Amata morte ipſam non audit Turnus. Congreditur itaq; cum Ænea ſed fracto gladio fugit.

*L 2*

*Æneas*



*Aeneas. Turnus. Iuturna. Chorus.*

*Ne qua meis esto dictis mora, Iuppiter hæc stat.  
Nem quis ob inceptum subitum mihi segnior ito:  
Urbem hodie causam belli, regna ipsa Latini,  
Ni frænum accipere, & victi parere fatentur,  
Eruam, & æqua solo fumantia culmina ponam.  
Scilicet expectem, libeat dum prælia Turno  
Nostra pati: rursusq; velit concurrere victus?  
Hoc caput ô ciues, hæc belli summa nefandi,  
Ferte faces properè fœdus reposcite flammis.*

*Amatam vitam laqueo finisse narrat Chorus.*

*Regina ut tectis venientem prospicit hostem,  
Incendi muros, ignesq; ad tecta volare:  
Nusquam acies contrà Rutilas, nulla agmina Turni:  
Infelix pugnae iuuenem in certamine credit  
Extinctum: & subito mentem turbare dolore  
Se causam clamat, criménq; caputq; malorum:  
Multaq; per mæstum demens effata furorem,  
Purpureos moritura manu discindit amictus:  
Et modum informis lethi trabe neclit ab alta,  
Quam cladem miserae postquam accepere Latinae:  
Filia prima manu flavos Launia crines,  
Et roseas laniata genas: tum cætera circum*

*Turba*



Turba furit; resonant latè plangoribus ædes.  
 Hinc totam infelix vulgatur fama per urbem:  
 Demittunt mentes. it scissa veste Latinus  
 Coniugis attonitus fati, Urbisq; ruina,  
 Caniciem immundo persusam puluere turbans:  
 Multaq; se incusat, qui non acceperat ante  
 Dardanium Æneam generumq; assciuerit ultro.  
 Tur. Heu mihi quid tanto turbantur mœnia luctu  
 Quisue ruit tantus diuersa clamor ab urbe?  
 Iut. Hæc Turne sequamur  
 Troiugenas, quæ prima viam victoria pandit:  
 Sunt alij qui tecta manu defendere possunt.  
 Ingruit Æneas Italis & prælia miscet:  
 Et nos sæua manu mittamus funera Teucris:  
 Nec numero inferior, pugnae nec honore recedes.  
 Tur. O soror, & dudum agnoui, cum prima per artem  
 Fœdera turbasti, teq; hæc in bella dedisti:  
 Et nunc nequicquam fallis Dea, sed quis Olympo  
 Demissam tantos voluit te ferre labores?  
 An fratris miseri lethum ut crudele videres?  
 Nam quid ago? aut quæ iam spondet fortuna salutem?  
 Vide oculos ante ipse meos, me voce vocantem  
 Murranum, quo non superat mihi charior alter,  
 Oppetere ingentem, atq; ingenti vulnere victum,  
 Occidit infelix, ne nostrum dedecus Vfans  
 Aspiceret: Teuci potiuntur corpore & armis:

L 3

Excindin?

Iuturna  
 forma  
 Metisci  
 assumpta  
 ca.



Excindine domos ( id rebus defuit vnum )  
 Perpetiar ? dextrâ nec drancis dicta refellam ?  
 Terga dabo ? & Turnum fugientem hæc terra videbit ?  
 Vsq; adeone mori miserum est ? vos ô mihi manes  
 Este boni : quoniam superis auersa voluntas.  
 Sancta ad vos anima , atq; istius inscia culpæ  
 Descendam, magnorum haud vnquam indignus auorum.  
 Iut. Turne in te suprema salus , miserere tuorum :  
 Fulminat Æneas armis , summasq; minatur  
 Deiecturum arces Italûm , excidioq; daturum.  
 Iamq; faces ad tecta volant : in te ora Latini ,  
 In te oculos referunt : mussat rex ipse Latinus,  
 Quos generos vocet , aut quæ sese ad fœdera flectat.  
 Præterea regina tui fidissima, dextra  
 Occidit ipsa sua , lucemq; exterrita fugit :  
 Soli pro portis Messapus & acer Atinas  
 Sustinent aciem , circum hos vtrinq; phalanges  
 Stant dense , strictisq; seges mucronibus horret  
 Ferrea : tu currum deserto in gramine versas.  
 Cho. Obstupuit varia confusus imagine rerum  
 Turnus , & obtutu tacito stetit : æstuat ingens  
 Imo in corde pudor , mistoq; insania luctu ,  
 Et furijs agitatus amor & conscia virtus.  
 Tur. Iamiam fata soror superant , absiste morari :  
 Quò Deus & quo dura vocat fortuna sequamur :  
 Stat conferre manum Æneæ , stat quicquid acerbi est,  
Morte



Morte pati, nec me indecorem germana videbis  
Amplius. hunc oro sine me furere ante furorem.  
Cho. Perq̃ hostes, per tela ruit, mæstamq̃ sororem  
Deserit: ac rapido cursu media agmina rumpit.  
Ac veluti montis saxum de vertice præcep̃s  
Cum ruit auulsum vento; seu turbidus imber  
Proluit, aut amnis soluit sublapsa vetustas:  
Fertur in abruptum magno mons improbus actu,  
Exultaq̃ solo, syluas, armenta virosq̃  
Inuoluens secum: disiecta per agmina Turnus  
Sic urbis ruit ad muros: vbi plurima fuso  
Sanguine terra madet, stridentq̃ hastilibus auræ:  
Significatq̃ manu: & magno simul incipit ore.  
Tur. Parcite iam Rutuli & vos tela inhibete Latini:  
Quæcunq̃ est fortuna mea est: me verius vnum  
Pro vobis sædus luere & decernere ferro.  
Cho. Discescere omnes medi, spaciumq̃ dedere.

**T**urnus cum Ænea congregiens gladium frangit &  
fugit, de qua re Chorus.

Inuadunt Martem clypeis atq̃ ære sonoro.  
Dat gemitum tellus: tum crebris ensibus ictus  
Congeminant: fors & virtus miscentur in vnum.  
Ac velut ingenti Sylæ, summæue taburno  
Cum duo conuersis inimica in prælia tauri

Frontibus



Frontibus incurrunt, pauidi cessare magistri:  
Stat pecus omne metu mutum, mussantq; iuuencae  
Quis pecori imperitet; quem tota armenta sequantur.  
Illi inter sese multa vi vulnera miscent:  
Cornuaq; obnixa infigunt & sanguine largo  
Colla armosq; lauant; gemitu nemus omne remugit.  
Haud aliter Tros Aeneas & Daunius heros  
Concurrunt clypeis; ingens fragor aethera complet.  
IVPPITER ipse duas aequato examine lances  
Sustinet, & fata imponit diuersa duorum,  
Quem damnet labor, & quo vergat pondere lethum.  
Emicat hic, impune putans & corpore toto  
Ante sublatum consurgit Turnus in enssem,  
Et ferit; exclamant Troës, trepidiq; Latini,  
Arrectaq; amborum acies, at perfidus ensis  
Frangitur, in medioq; ardentem deserit ictu  
Ni fuga subsidio subeat. fugit ocyor euro,  
Ut capulum ignotum, dextramq; aspexit inermem.

Et postea.

Ille simul fugiens, Rutulos simul increpat omnes  
Nomine quemq; vocans; notumq; efflagitat enssem:  
Aeneas verò mortem contra praesensq; minatur  
Exitium, si quisquam adeat; terretq; trementes,  
Excisurum urbem minitans, & saucius instat.  
Quinq; urbes explent cursu, totidemq; retexunt

Huc



*Huc illuc. nec enim leuia aut ludicra petuntur  
Præmia: sed Turni de vita & sanguine certant.*

*Scena 9.*

**I**upiter Iunonem increpat quæ Diuo Æneæ diua ad-  
uersatur adiuta aduersus eum Iuturna. Iuno precibus  
Iouis aliquoties fatigata promittit se amplius Æneæ nol-  
le aduersari, ea lege & conditione, ne Iupiter nomen,  
linguam, & vestes Italorum à Troianis rerum in Italia  
potituris mutari permittat.

*Iupiter. Iuno.*

*Quenam finis erit coniunx? quid deniq̃ restat?  
Indigitem Æneam scis ipsa, & scire fateris,  
Deberj cælo, fatisq̃ ad sydera tollj;  
Quid struis? aut qua spe gelidis in nubibus hæres?  
Mortalin decuit violari vulnere Diuum?  
Aut ensẽ (quid enim sine et Iuturna valeret?)  
Ereptum reddi Turno? & vim crescere victis?  
Desine iam tandem, precibusq̃ inflectere nostris:  
Nec te tantus edat tacitam dolor, & mihi curæ  
Sæpe tuo dulci tristes ex ore recursent.  
Ventum ad supremum est: terris agitare vel undis  
Troianos potuisti: infandum accendere bellum:  
Deformare domum, & luctu miscere Hymeneos:  
Vlterius tentare veto.*

*M*

*Iun.*



*Iun.* Ita quidem quia nota mihi tua magna voluntas  
Iupiter, & Turnum & terras inuita reliqui.  
Nec tu me aërea solam nunc sede videres  
Digna indigna pati: sed flammis cincta sub ipsa  
Starem acie, traheremq; inimica in praelia Teucros,  
Iuturna misero fateor succurrere fratri  
Suasi, & pro vita maiora audere probavi:  
Non ut tela tamen, non ut contenderet arcum.  
Adiuvo Stygij caput implacabile fontis:  
Vna superstitio superis quæ reddita Diuis.  
Et nunc cedo equidem, pugnasq; exosa relinquo.  
Illud te nulla fati quod lege tenetur,  
Pro Latio obtestor, pro maiestate tuorum:  
Cum iam connubijs pacem felicibus (esto)  
Componunt, cum iam leges & fœdera iungent,  
Nec vetus indigenas nomen mutare Latinos,  
Nec Troas fieri iubeas Teucrosq; vocari  
Aut vocem mutare viros, aut vertere vestes.  
Sit Latium, sint Albani per secula reges,  
Sit Romana potens, Itala virtute propago:  
Occidit, occideritq; sinas cum nomine, Troia,  
*Iup.* Irarum tantos voluis sub pectore fluctus?  
Verum agè, & inceptum frustra submitte furorem:  
Do quod vis, & me victusq; volensq; remitto:  
Sermonem Ausonij patrium, moresq; tenebunt.  
Utq; est nomen erit. Commisti corpore tantum

*Subsidens*



*Subsident Teucri: moremque ritusque sacrorum  
Adyciam: faciamque omnes vno ore Latinos.  
Hinc genus Ausonio mistum quod sanguine surget,  
Supra Deos supra ire Deos pietate videbis:  
Nec gens vlla tuos æquè celebrabit honores.*

*Scena 10.*

**I** Vturna Megaram à Ioue aduersus Turnum emissam  
cognito, vicem fratris & suam impotentiam dolens ip-  
sum deserit. Turnus verò cum Ænea eminus puga-  
nans fugit & prosternitur. Æneam suppliciter ro-  
gans ad commiserationem mouet, sed spolijs Pala-  
ntis quæ induerat agnitis, lethali vulnere cum ama-  
ro sarcasmo subito conficitur.

*Iuturna, Æneas, Turnus, Chorus.*

*Quid nunc te tua, Turne, potest germana iuuare?  
Aut quid tam miserae superat mihi? qua tibi lucem  
Arte morer? Talin' possum me opponere monstro?  
Iam iam linquo acies: ne me terrete timentem  
Obscena volucres: alarum verbera nosco,  
Lethalemque sonum: nec fallunt iussa superba  
Magnanimi Iouis, hæc pro virginitate reponit?  
Quò vitam dedit æternam? cur mortis adempta est*

*M 2*

*Conditio*



Conditio? possem tantos finire dolores  
 Nunc certè, & misero fratri comes ire per umbras  
 Immortalis ego: haud quicquam mihi dulce meorum  
 Te sine frater erit, o quæ satis ima debiscat  
 Terra mihi: manesq; Deam demittat ad imos? (tractas  
 Æn. Quæ nunc deinde mora est? aut quid iam Turne re.  
 Non cursu, seuis certandum est cominus armis.  
 Verte omnes tete in facies, & contrabe quicquid  
 Siue animis siue arte vales: opta ardua pennis  
 Astra sequi, clausumq; caua te condere terra  
 Tur. non me tua feruida terrent  
 Dicta ferox: Dij me terrent, & Iuppiter hostis.  
 Cho. Saxum circumspicit ingens,  
 Saxum antiquum, ingens, campus qui fortè iacebat  
 Limes agro positus, litem vt discerneret aruis:  
 Vix illud lecti bis sex ceruice subirent,  
 Qualia nunc hominum producit corpora tellus.  
 Ille manu raptum trepida torquebat in hostem  
 Altior insurgens & cursu concitus heros.  
 Sed neq; currentem se, nec agnoscit euntem,  
 Tollentemue manu, saxumq; immane mouentem.  
 Genua labant, gelidus concreuit frigore sanguis.  
 Nec quò se eripiat, nec qua vi tendat in hostem,  
 Dextrâ Nec cursus vsquam videt, aurigamq; sororem.  
 precans TVR NVScadens Equidem merui, nec deprecor orcum.  
 protens Vtere sorte tua: miseri te si qua parentis  
 dit,

Tangere



Tangere cura potest, oro ( fuit & tibi talis  
Anchises genitor ) Dauni miserere senectæ:  
Et me, seu corpus spoliatum lumine maui  
Redde meis: vicisti & victum tendere palmas  
Ausonij vidēre: Tua est Lauinia coniunx:  
Vltius ne tende odijs.

Æn. Tūne hinc spolijs indute meorum  
Eripiare mihi? Pallas te hoc vulnere, Pallas  
Immolat, & pœnam scelerato ex sanguine sumit.

Cho. ferrum aduerso sub pectore condit  
Feruidus, ast illi soluuntur frigore membra:  
Vitaq; cum gemitu fugit indignata sub umbras.

Æn. Quæ tanta animo dementia creuit  
Vt Teucros Superūm monitis, summiq; Tonantis  
Imperio hūc vectos, patereris Daunia proles  
Italia, & pactis nequicquam expellere tectis?  
Disce Iouem reuereri, & iussa facessere Diuūm.  
Magnum etiam capit ira Iouem, memoresq; malorum  
Sollicitat vindicta Deos: en vltima tanti  
Meta furoris adest, quo contra iura fidemq;  
Iliacam rupto turbasti fœdere gentem.  
Ecce suprema dies, alijs exempla sub æuum  
Venturum missura: Iouem non temnere frustra  
Fas sit, & indignos bellorum accendere moius.  
Nunc armis letare tuis, heu nobile corpus  
Turne iaces at non tibi erit Lauinia paruo,

M 3

Nec

lib. Mar  
phæi.



Nec dextra tamen Aeneæ cecidisse pudebit.  
Nunc Rutuli hinc auferte ducem vestrum, arma virumq;  
Largior, atq; omnem deſtinae mortis honorem.  
Sed quæ Pallantis fuerant ingentia baltei  
Pondera, transmittam Euandro ut ſolatia caſo  
Haud leuia hoſte ferat, Turnoq; exultet adempto.  
Vos memores tamen Auſonij melioribus uti  
Discite bellorum auſpicijs, ego ſidera iuro,  
Nunquam acies, nunquam arma libens in prælia moui:  
Sed veſtris actus furijs, defendere toto  
Optavi, & licuit Troianas robore partes.

Et poſtea ad filium Iulum.

Nate in quo ſpes vna patris, per tanta  
Quem varijs actus fatis discrimina duci,  
Ecce inuenta quies, ecce illa extrema malorum,  
Ærumnis factura modum, acceptiſſima ſemper  
Atq; optata dies, quàm dura in bella vocatus,  
Sæpe tibi Dijs auſpicibus meminiffe futuram:  
Iam memini, nunc te, quàm primùm aurora rubebit  
Cræſtina ſublimem Rutulorum ad mœnia mittam.

Et poſtea ad Troianos.

O ſocij per dura ac denſa pericula veſtri,

Per



Per tantos bellorum aestus, duplicesq; furores  
Armorum, per tot hyemes, per quicquid acerbum,  
Horrendum, graue, triste, ingens & quicquid iniquum,  
Infaustum & crudele foret: conuertite mentem  
In melius; iam finis adest: hic meta malorum  
Stabit & optatam Latia cum gente quietem  
Iungemus: dabit inde mihi Lavinia coniunx  
Bello acri defensa, Italo cum sanguine mistam,  
Troianam transferre aeterna in secula gentem.  
Vnum oro, socij, Ausonios communiter aequo  
Ferte animo, & vosmet socero obseruate Latino,  
Sceptrum idem sublime geret: sententia mentem  
Hæc habet: at bello vos & præstantibus armis  
Discite me & pietate sequi, qua gloria nobis  
Cesserit, in promptu est: sed cælum & sidera testor,  
Qui vos tantorum eripui de clade malorum,  
Idem ego sub maiora potens vos præmia ducam.

Scena II.

**L**atinus inconstantem fortunæ aleam deplorat. Daus-  
nus verò filium Turnum miserrimè luget.

Latinus. Dausnus.

Quantos humana negocia motus

Eternasq;



*Æternasq; vices miscent? quo turbine fertur  
Vita hominum? ô fragilis damnoſa ſuperbia ſceptri?  
O furor, ô hominum dominandi nînata cupido,  
Mortales quò cæca vebis? quo gloria tantis  
Inflatos transfers animos quæſita periclis?  
Quot tecum inſidias? quot mortis, quanta malorum  
Magnorum tormenta geris? quot tela? quot enſes?  
Ante oculos (ſi cernis) habes? heu dulce venenum,  
Et mundi lethalis honos: heu triſtia regni  
Munera, quæ haud paruo conſtent, & grandia rerum  
Pondera, quæ nunquam pacidam permittere pacem,  
Et requiem conferre queant: heu ſortis acerbæ  
Et miſeræ regale decus, magnoq; timori  
Suppoſitos rerum caſus, pacisq; negatos.  
Quid, Turne, ingenti Auſoniam mouiſſe tumultu.  
Et dura Æneadas turbaffe in bella coactos,  
Quid iuuat? & violaffe ſecræ promiſſa quietis  
Pignora? quò tibi tanto animo impatientia venit?  
Et Martem cum gente Deûm, iuſſuq; Tonantis  
Huc vecta gereres? & noſtris pellere tectis  
Utrò inſtans velles? natæq; abrumperè fœdus,  
Pollicite genero Æneæ? & me bella negante,  
Dura mouere manu? quæ tanta inſania mentem  
Implicuit? quoties te in ſæui Martis euntem  
Agmina ſublimemq; in equo, & radiantibus armis  
Tentari reuocare, & iter ſuſpendere cœptum?*

*Corrupui*



Corrupui & pauitans cedentem in limine frustra?  
Inde ego quanta tuli? testantur mœnia tectis  
Semirutis, magniq; albentes ossibus agri,  
Et Latium toto vacuatum robore, & ingens  
Exitium, fluuij; humana cæde rubentes,  
Et longi trepidiq; metus, duriq; labores,  
Quos toties senior per tanta pericula cœpi  
At nunc, Turne, iaces: vbinam generosa iuuentæ  
Gloria, & excellens animus? quo splendidus altæ  
Frontis honos? quonam illa decens & frontis imago?  
At quantas Dauno lachrymas, acresq; dolores  
Turne dabis, quanto circumfluet Ardea fletu?  
Sed non degeneri & pudibundo vulnere fossam  
Asspicias: saltem hoc miserae solamen habebit  
Mortis, vt Æneæ Troiani exceperis ensen,  
Dau. Nate patris dolor & fessæ miseranda senectæ  
Rapta quies, quò me tantis iactate periclis  
Duxisti? & seuis tandem deuicte sub armis?  
Quò tua me præstans animi constantia vexit?  
Hic claræ virtutis honos? hæc gloria sceptri?  
Hoc magni decus imperij? talésne triumphos  
Nate refers? hæc illa quies promissa parenti  
Afflicto toties? hæc meta optata laborum?  
Heu miserum, quàm præcipites labentia casus  
Secula agitant, quanto voluntur fata tumultu?  
Qui iam sublimes referebas clarus honores,

N

Et magnus



Et magnus toto in Latio ; quem Troës in armis  
Horrendum , & trepidi toties sensere furem :  
Nunc, mi Turne, iaces miserandum & flebile corpus,  
Iam mutum est sine voce caput : quo pulchrior alter  
Non fuit in tota Ausonia, nec gratior ullus  
Eloquio, nec quis positus ingentior armis.  
Nate ubi forma nitens ? niueaq; in fronte serenus  
Ille decor, dulcisq; oculorum aspectus & alta  
Sidereus cervicis honos ? his gloria Martis  
Contigit auspicijs ? tali rediture paratu  
Discedens voluisti avidis te credere bellis ?  
Heu mortem inuisam, quæ sola ultatricibus armis  
Elatos frenas animos, communia toti  
Genti sceptrâ tenens, æternaq; fœdera servans :  
Quæ magnos paruosq; teris, quæ fortibus æquas  
Imbelles, populisq; duces, seniumq; iuventæ.  
Heu mortem obscuram, quæ causa indigna cœgit  
Eripere, atq; meum crudeli funere natum  
Afficere ? ô felix tam grato cadis Amata  
Successu letare tue, quæ tanta dolorum  
Fugisti monumenta, gravisq; immania casus  
Pondera, quid misero genitori plura paratis  
O Superi ? natum rapuistis & Ardea flammis  
Consumpta in cinerem versa est : nunc æthera pennis  
Verberat, ab, me, Turne, tua plus cade cruenta.  
Deerat, adhuc sors ista patris suprema senectæ.

Scena



Scena 12.

**D**Rances orator Latini victoriam Æneæ gratulatur,  
belli causas in Turnum transferens; & Lauiniam  
antè promissam, in vxorem ei offerens. Æneas verò  
excusationem admittit & conditiones oblatas accipit.

*Drances. Æneas.*

*O Troianæ dux inclyte gentis,  
Gloria, spesq; phrygum; quo nec pietate, nec armis  
Maior in vrbe fuit, victi obtestamur, & omnes  
Iuramus Diuosq; Deasq; inuitus ad vnum  
Conflatum vidit Latium, & temerata Latinus  
Fœdera, nec phrygios vnquam turbauit honores.  
Quin natæ, quando Superûm sic vota ferebant,  
Connubia, & generum magno te optabat amore.  
Sed quicquid tanto armorum flagrante tumultu  
Tantum, furijsq; operum atq; laboribus actum est.  
Id rapidus, Turni, & stimulis incensus iniquis  
Confectus odijs furor attulit, ille negansq;  
Inuitusq; dedit Latias in prælia gentes.  
Illum omnis conuersa cohors poscebat, vt armis  
Cederet, & magnum sineret succedere pactis,  
Coanubys Anchisiaden, inde optimus ambas  
Iungebat palmas defessa etate Latinus*

N 2

*Infraclus*



Infraētus, nimioq; ardentem Marte rogabat.  
Nec nostræ potuere preces inflectere durum.  
Nec Diuūm portenta animum, quin acrius ignem  
Spumabat ferus ore vomens, bellumq; ciebat.  
At verò dignum inuenit pro talibus ausis  
Exitium, qui te tandem victore momordit  
Nigrantem prostratus humum; nunc improbus ades  
Tartareas visurus erat, quæratq; sub imo  
Nunc alias Acheronte acies, aliosq; Hymenæos.  
Tu melior succede bonis Laurentibus hæres;  
In te omnis domus, & fessi inclinata Latini  
Spes iacet: vnum omnes Itali super aurea mitti  
Sidera, & ingentem bello & cœlestibus armis  
Extollunt, & vera canunt præconia voces.  
Te grauium veneranda patrum consultaq; turba,  
Inualidiq; ætate senes, te læta iuuentus,  
Et cupida matres, pueri, innuptaq; puellæ  
Vnanimis æquo ore volunt: Turnumq; sub armis  
Exultant cecidisse tuis, te tota precatur  
Ansonia, & clavis præstantem laudibus effert.  
In te vnum conuersi oculi, pater ipse Latinus,  
Iam senior sola hæc longæuæ munera vitæ,  
Qui gnatam tibi iungat, habet, generiq; nepotes  
Troianos Italo admistos in secula mittat.  
Ergo agè, magne veni Teucrorum ductor & altos  
Ingredere, & celebres cape quos spondemus honores,

Æn.



*Æn.* Nec vos, nec placida solitum sub pace Latinum  
Arguerim; verum infesti violentia Turni  
Tantum opus (hand dubito) & tanti discrimina Martis  
Conciuit: iuuenilis enim plus laudis amore  
Quicquid id est tandem Ausonij, nil pacta recuso  
Connubia, & sanctam æterno cum fœdere pacem  
Iungere. Rex idem imperium & veneranda tenebit  
Sceptra focer, statuensq; mei mibi mœnia Teucri,  
Et nomen natæ urbis erit, sociosq; Penates  
Adijciam; vos communes in secula leges,  
Concordesq; ingenti animo mittetis honores.  
Interea quod restat adhuc, imponite flammis  
Corpora, quæ duri miseranda insania belli  
Arripui dehinc cum primum iam crastina surget  
Clara dies, læti Laurentia tecta petemus.

Scena 13.

**L**atius & Æneas pristini dissidij & simultatis æquius  
suaq; sanciant: & Lauinia Æneæ in vxorem elocata  
æternum amicitiaæ fœdus ineunt.

*Latinus. Æneas. Chorus.*

Venisti tandem cupidum nec fixa fefellit  
Spes animum, lux Troianæ clarissima gentis,

N 3

*Magnorum*



Magnorum quem iussa Deum tot casibus actum  
 Italia, & nostris voluerunt sistere testis.  
 Quamquam humana furens nimis ausa licentia sanctas  
 Turbarit leges, & Diuum exciuerit iras:  
 Quinetiam inuitum toties meq; arma negantem  
 Tradiderit duri perferre pericula Martis.  
 Factum etenim: sed nec paruo sat numina iustas  
 Indignata animis misere vlticia penas.  
 Nunc age, magne Phrygum ductor, quando omnis origo  
 Seditionis abest, & tanti criminis autor:  
 Connubijs succede, & promissis Hymenæis.  
 Sunt mihi regna, manent erectis oppida muris,  
 Sola autem fessæ spes vnica nata senectæ,  
 Te generum & natum tempus complector in omne.  
 Æn. Rex maxime nullam  
 In te horum causam armorum, tantiq; tumultus  
 Crediderim, placidæ assueto sub tempore pacis:  
 Et si qua est, pone hanc curam, pater optime, quæso,  
 Nunc adsum, & patrem & socerum te latus in omnes  
 Accipio casus: magni mihi surgit imago  
 Anchisæ, & rursus ardebo genitoris amore.  
 Cho. Non secus Ausonij tam leto in tempore rerum  
 Composuere animos: & iam Rex alta Latinus  
 Atria, regalesq; aditus intrarat: & vna  
 Optimus Aeneas, sequitur quem pulcher Iulus:  
 Dehinc Itali, mistiq; Phryges: tum splendida leto  
 Applausu



*Applausu, & magno completur regia cœtu.  
 Hæc inter matrum innumera, nurumq; caterus  
 In medium comitata venit Lavinia virgo,  
 Sidereos deiecta oculos quam Troius heros  
 Virtute & forma ingentem ( mirabile dictu )  
 Ut vidit, primo aspectu stupefactus inhæsit  
 Et secum Turni casus miseratus acerbos,  
 Qui baud parua spe ductus ouans in prælia tantos  
 Cuiisset motus, durisq; arsisset in armis.  
 Tum verò æterno iunguntur fœdera nexu  
 Connubij & multa canunt cum laude Hymenæos.  
 Dehinc plausus fremictusq; altum super aëra mittunt  
 Et letam vocem per regia tecta volutant.*

FINIS.



HAFNIÆ

Excudebat Matthias Vinitor.

ANNO

1591.





652

153

ONNA

4197





